

文

鍵



寶琛



114  
114  
114



文

鍵

寶琛



# 序一

一國之立。必有國土。有國民。有國權。有國政國教。有國文國語。而後可名爲國。夫國權也者。所以治其國民國土也。國政國教也者。所以保其國權也。國文國語也者。所以流通其國政國教也。之數者。關係於國家者至鉅。一有不具。則國非其國也。中國在亞細亞洲。境界最爲廣大。東西南北。平陸高原。清濁攸殊。土音迥異。甚有同在一縣。不過五里十里之遙。輒瞠目橋舌。不獲相曉。初無一通行之語言以齊壹之。較之泰西諸國言文一致。誠大玷缺。數千年來。所恃以流通國政國教者。僅此區區文字而已矣。是以舉國秀傑之士。靡不竭其心思才力。從事文學。其歷年也久。其致功也專。故文之粹美。實非世界各國所能及。此殆自然之理。焉可誣哉。近世公例。凡其國文所行之地。卽其國力所及之地。故觀其國文行用之近遠。可以覘其國力之強弱焉。夫以我國之文。旣精且善。縱不能推而行之于海外。詎並不能保存于國中乎。自

海通而後。英法諸強國。各狹其國力以蘄擴張其文之勢力。範圍於我中國。彼之勢力日進。則我之勢力日益退。彼之範圍日廣。則我之範圍益狹。循此以往。其患安窮。而我國人如醉如癡。曾無絲毫抵抗它族之能力。顧茲國文方陵夷漸滅之是懼。二三新學者流。乃盛倡白話爲文之論于今日。嗚呼。是何不思之甚也。況曩時官吏文告。久已有白話一體。意在通俗。原可竝行。何必盡廢歷代相傳之國文。始足稱快耶。雖然。國文一道。實視治它科學爲難。有習之數十年而不工者。且古書語詞繁複。未易周知。後人著述。又往往祇言訓詁本義。或評論文章優劣。鮮能爲初學計。加意于茲。惟王伯申經傳釋詞。其書晚出。頗便學者。第惜其語焉不詳耳。七閩陳君湖士。頃有文鍵之作。共分六類。曰發語詞。曰接語詞。曰轉語詞。曰助語詞。曰束語詞。曰歇語詞。篇中亦屢引王氏之說。而條分縷析。較易尋求。洵國文之鍵鑰。學子之津梁也。予雖無似。深愛吾國。尤深愛吾國之文。湖士請予序。於是乎書。庚申一月長汀江瀚。

## 序二

余家本浙西。元至治間。避亂遷閩。迄今可八百餘年。一十八世讀書。傳人輩出。列於

福州府志人物傳二人。世七世祖石山公明嘉靖乙卯科舉人十福建通志文苑傳三

人。吾父及敬奮毓清兩季父皆精音韻之學曾祖楓階公載籍極博。著有李氏蒙求詳註、桃花扇傳奇後

序詳註等書。三叔祖心泉公。則有論語話解、易理蒙訓、易義纂釋、養性齋經訓。求在

我齋文集。桐城合誌評方宗誠詩集等十餘種。崇祀閩縣鄉賢祠。樸軒三伯父與吾父。皆以

詩鳴也。湖士七弟。乃三伯父之子。鄉賢公之孫也。學有淵源。著述等身。老子今見。釋

氏爾雅箋正、說文重文攷、玉篇謚正、廣韻重文通轉攷、古韻玉連環補證、獨臥塵筆

談、獨臥塵文輯、詩輯、恰克圖詩麻之屬。無慮數十萬言。亦通英文。以云謂字 Verb

爲西文之樞機。是以有英文云謂字規範之作。已風行海內矣。以語詞爲國文之鈐

鍵。蓋文之精微要妙。皆寓其中。於是乃作文鍵。然古書語詞繁複。未易周知。而經傳

文

鍵

釋詞。搜羅亦廣矣。湖士狗予之請。付諸梨棗。出以問世。余喜而爲之序。兄錄任先。

四

# 自敘

語詞之名。昉自玉篇。而語詞之釋。則權輿於爾雅。釋詁曰。爰、粵、于也。疇、孰、誰也。時、實、是也。釋言曰。庶、幾、尙也。靡、罔、無也。猷、肯、可也。憺、會也。逮、逌也。曷、蓋也。厥、其也。矧、況也。譯訓曰。每有、雖也。誰、昔、昔也。若斯之儔。不數數覲也。蓋訓詁之書。無慮率詳本義。而語詞又皆段借字。若夫且、薦也。說文段為詞之借。雅廣粵、越也。史記南越東越漢書作粵段為詞之干。雅爾越、度也。說文段為詞之曰。韻廣曰、言也。雅廣段為詞之爰。爾雅羌、卿也。段為詞之乃。拉廣憺、痛也。說文段為詞之曾。爾雅載、鼓也。雅廣段為詞之則。韻廣庸、功也。玉篇段為詞之用。雅廣豈、冀也。倉頡段為詞之安也。焉也。玉篇焉、黃鳥也。文說段為詞之安。雅廣鳥、孝鳥也。文說段為詞之焉。漢書司馬相如傳注云借、推獎也。正字通段為詞之假。特、牡牛也。段為詞之獨。拉玉兄、長也。文說段為詞之況。白虎通况、寒水也。文說段為詞之矧。諸、辯也。韻廣段為詞之旃。雅廣亦、臂也。玉篇段為詞之總。韻廣攸、行水也。文說段為詞之所。雅爾既、小食也。段為詞之己。篇拉玉勿、旗也。文說

段為詞之莫。韻廣皆嘉也。雅廣段為詞之俱。文說幾動之微也。篇玉段為詞之殆。文說祗地之神

也。篇玉段為詞之適。雅廣胥蟹醯也。文說段為詞之相。雅爾方併船也。文說段為詞之為。雅廣曷止

也。段為詞之盍。雅爾自鼻也。文說段為詞之由。篇玉也女衿也。文說段為詞之斯。篇玉矣止也。

雅廣段為詞之耳。適循也。雅爾從隨行也。篇玉竝為詞之自。雅爾茲蓐也。雅爾厥發石也。文說竝

為詞之其。厥見爾爾。篇玉則法也就成也。雅爾竝為詞之即。則見玉廣雅詎止也。維絃也。

篇玉竝為詞之豈。雅廣云往也。惟思也。竝為詞之有。云見玉廣雅如乃往也。乃見玉爾雅

竝為詞之而。見如見玉篇乃猶兜屬也。爾雅肯骨無肉也。文說竝為詞之可。廣雅匪竹器

也。微隱行也。文說竝為詞之非。見禮見廣雅微弗橋也。文說否塞也。韻廣竝為詞之不。廣雅匪

也。董草也。篇玉纒微見也。倉韻竝為詞之僅。見漢書注或邦也。文說然燒也。文說若順

也。爾雅與譽也。雅廣皆為詞之如也。然見倉韻若見凡數之總名也。倉韻壹醇也。韻廣率

捕鳥畢也。文說皆為詞之皆也。凡見廣雅壹見增韻時伺也。雅廣之出也。文說寔實也。緊繒也。廣

韻皆為詞之是也。韻之見玉篇廣苟菜也。篇玉假至也。姑夫母也。所伐木聲也。說文皆

爲詞之且也。玉苟假竝見尚書韻鄭姑注見咨、慙也。雅廣斯、離也。雅爾汝也。玉已、止也。雅廣皆爲詞  
 之此也。說文斯竝見爾雅爾見廣韻莫、稚也。雅廣末、隨也。言方罔、網也。韻廣亡、逃也。文說蔑、輕也。皆爲  
 詞之無也。見莫正韻末處竝見爾雅亡之數十百字。皆以段爲語詞。而本義爲所奪。語詞  
 之用既廣。引申之義亦寔多。世人不察。見非則訓不是。不知非又訓舍也。見叵則訓  
 不可。不知叵又訓遂也。見爰則訓于。不知爰之訓於是也。見則則訓卽。不知則之訓  
 然後也。又烏知爲之本義爲猴。而能爲鼈。獨爲犬。而雖爲蟲者哉。民國八年七月陳  
 登瀛自識於瀛臺之瑞曜樓。

# 目錄

## 第一卷 發語詞第一

且徂 謂 曰 粵 粵 越 聿 吹 遙 蓋 夫 訣 今 羌 慶 誕 惠 蹇 皋  
 夷 洪 爽 逝 噬 薄 勾 且 夫 今 夫 今 且 今 是 今 以 若 夫 乃 若  
 若 以 謂 夫 甚 矣 甚 哉

## 第二卷 接語詞第二

此 咨 茲 滋 斯 鮮 斯音 彼 故 固 肆 則 卽 載 飶 輒 遂  
 曾 齎 參音 憺 嚙 慘 柰 那 是 氏 伊 繫 殿 繫音 時 寔 實 謔 由 是 由 此 由  
 茲 由 斯 自 是 自 此 自 茲 自 斯 從 是 從 此 從 茲 是 其 此 其 此 非 是 非 茲 非 斯 非  
 至於 及 夫 迨 夫 及 乎 何 則 何 者 何 也 是 何 也 是 何 何 哉 何 以 何 如 何  
 若 何 與 孰 與 如 之 何 若 之 何 如 台 台音 是 以 所 以 將 以 故 夫 是 故  
 然 故 以 故 故 曰 誠 以 壹 似 亦 越 亦 以 無 己 無 以 勿 己 所 謂 所

為讀去聲 蓋曰蓋謂 以為以謂 是為 如此 如是若是若此若斯如斯若茲

若然 於此於是於斯於茲以上皆承上順用之詞 豈 庸 詎距鉅巨渠遽 寧寧 獨

徒 惟 維 唯 何河可 胡 盍本作盍 蓋闔 曷害竭 孰 誰 疇儔疇

吧屬曷曷囁 奚 焉於憲反 安案按 惡烏 遐瑕假 俟俟 號音豪 豈不

豈可 豈得安得焉得甯得惡得 烏得何得何必奚必奚能奚有奚可奚不 豈

其 豈非 豈有豈又詎有焉有寧有 豈必 寧必寧能寧得夢可寧非寧不

豈能安能焉能惡能烏能何能奚能 豈足安足焉足寧足烏足惡足何足奚足胡

足曷足 不幾乎 此豈茲豈是豈斯豈 何其曷其抑何又何 孰能誰能疇能

孰謂孰為誰謂 孰有 胡為曷為何為奚為 無乃毋乃非乃以上皆承上逆用之詞

第三卷 轉語詞第三

然 苟 或 儻黨當尙 如 若 設假藉籍借令使 但亶儻鄲 特 直值

弟第地 雖 乃迺 而 況况皇 矧詎矧 抑意億噫懿 顧 然而 然

後然而後而后終後 然則然卽 否則不卽不者不且不如 雖然 不  
然非然 若夫及夫乃若至如至若彼夫 俄而蛾而旣而 已而 今也今焉今  
則今乃 必也 如有有如若有 意者抑者噫者 或者或諸 其諸其者其與  
或曰 借曰藉曰 若曰而曰迺曰乃曰 不寧唯是

第四卷 助語詞第四

之旃 諸 以己目 用 允 迪 率 式 於 于 亏 都 爰 爲 爲  
切子 偶 與 及 所 許 猶 猷 由 繇 攸 適 適 自 因 仍 其 兀 厥

居 亦 旣 漑 終 衆 竟 徑 能 耐 克 良 果 必 不 弗 非 微  
匪 未 無 毋 亡 无 勿 莫 罔 蔑 末 曼 徂 庶 幾 祈 汔 尙  
上 嘗 常 殆 宜 儀 義 將 行 當 僅 董 廛 廡 覲 謹 才 材 財 裁 纔 止 每  
毒 皆 偕 俱 具 比 一 壹 猥 猥 胥 相 遲 方 旁 訪 鄉 同 鄉 嚮 作 適  
祇 祇 祗 禋 多 啻 翹 適 屬 濁音 識 可 肯 叵 有 言 姑 嫜 聊 憻

慤 孔 頤 嗟

第五卷 束語詞第五

總之要之要 大率率類慮 凡大凡 大氏大抵大底大牴大歸 大要大略大  
較大經 亡慮無慮焉慮 諸妄 揚摧擗權辜權大摧大揚摧大揚擗摧較摧惟  
提封 亂曰

第六卷 歇語詞第六

也 甘 矣 焉 耳 余爾 已 兮 猗漪 些 只 旨 咫 軹 諷 思 來 者  
云員 者也 也者 也已 已矣耳矣 者矣 者焉 焉耳 也夫 矣夫  
已矣乎已矣哉 焉耳矣 焉者矣 而已矣則已矣而已耳 乎 乎 乎 哉 歟  
與 邪耶 者乎 也乎 矣乎 已乎已耶 者哉 也哉 乎哉 矣哉 已  
哉耳哉而已哉 者歟者與 也歟也與 者邪 也邪 而已乎 焉者乎 焉  
爾乎焉耳乎 也歟哉也乎哉

# 文鍵

## 卷一

### 發語詞第一

且 徂

且(一)發語詞也。史記司馬相如傳曰、或謂且天爲質闇。句珍符固不可辭。漢書上有

示字衍文也

(二)未定之詞。禮記檀弓曰、夫祖者且也。且胡爲其不可以反宿也。鄭注

曰、且未定之辭。見經傳釋詞(三)兩務之詞。史記李將軍傳曰、且引且戰。(四)轉語之

詞。論語季氏篇曰、且爾言過矣。此與況字略同王引之曰(五)句中語助。莊子齊

物論篇曰、夫隨其成心而師之。誰獨且無師乎。見經傳釋詞(六)句末語助。且音疽語餘擊也

多見於詩。若其樂只且籩豆有且之屬。是也。

且、將也。呂氏春秋音律篇注曰、且將也。詩鷓鳴曰、會且歸矣。是也。常語也。釋見經傳莊

子天地篇曰、彼且乘人而無天。將也亦且方且本身而異形。方且尊知而火馳。方且爲

緒使。方且爲物絃。方且四顧而物應。方且應衆宜。方且與物化而未始有恆。夫何

足以配天乎。彼且猶彼將也。凡言此彼且者放此方且猶方將也。

且況也。史記司馬相如傳曰、且又令客。

且猶尙也。易乾文言曰、天且不違。是也。亦常語。釋見經傳管子小匡篇曰、此三者且可。

則惡有不可者矣。且亦尙也。

且猶又也。春秋文五年、王使榮叔歸含且賵。穀梁傳曰、其曰且。志兼也。亦常語。釋見經傳

詞

且、復也。齊語曰、且有後命。

且、姑且也。詩山有樞曰、且以喜樂。且以永日。是也。常語也。釋見經傳

且、借也。廣雅曰、且借也。案疏證曰凡言且者皆謂姑且如此即假借之意也隱元年公羊傳曰、且如桓立。則恐

諸大夫之不能相幼君也。何注曰：且如假設之辭。見經傳釋詞案且如猶言借如也。借如猶言假如也。故何休注曰：且如假設之辭也。

且猶若也。隱三年公羊傳曰：且使子而可逐，則先君其逐臣矣。王引之曰：且字與若同義。

且猶抑也。齊策曰：王以天下爲尊秦乎？且尊齊乎？史記魏世家曰：富貴者驕人乎？且貧賤者驕人乎？且字竝與抑同義。見經傳釋詞酈生列傳曰：足下欲助秦攻諸侯乎？且

欲率諸侯破秦也。且亦抑也。言抑欲率諸侯破秦乎？

且猶則也。墨子尙同篇曰：上得且賞之。衆聞則譽之。下文云：上得則又曰：上得且罰之。一本且作則衆聞則非之。且亦則也。互文耳。非攻篇曰：殺人多必數於萬，寡必數於

千。然後三里之城，七里之郭，且可得也。且可得則可得也。

且猶夫也。史記魏世家，李克曰：且子之言克於子之君者，豈將比周以求大官哉？王引之曰：且字與夫同義。

且猶此也。今也。詩載芟曰：匪且有且。匪今斯今。振古如茲。毛傳曰：且此也。正義曰：今謂今時。則且亦今時。其實是一。作者美其事而丁寧重言之耳。字亦作徂。書棗菴曰：徂茲淮夷徐戎竝興。徂讀爲且。且今也。言今茲淮夷徐戎竝興也。釋見經傳

且宜古通。墨子非命篇曰：執有命者之言曰：上之所賞。命固且賞。非賢故賞也。上之所罰。命固且罰。不暴故罰也。言命固宜賞。命固宜罰也。史記主父偃傳曰：則民且有不安全其處者矣。漢書且作宜。是其證矣。

謂

謂與之言也。漢書陸賈傳曰：臣常欲謂太尉絳侯。師古曰：謂者與之言。是也。……非與之言而稱其人亦曰謂。論語公冶長篇：子謂南容。子謂子賤之屬。是也。指事而言亦曰謂。詩之謂行多露。謂天蓋高之屬。是也。

謂猶告也。說文曰：謂報也。王注云：報者告也。桂注云：報傳何。謂也是問詞。此之謂桂注是報詞。廣韻曰：謂告也。漢書霍光傳曰：人以謂霍氏。是也。

謂指也。廣雅疏證云指而言之曰謂隱元年公羊傳曰王者孰謂謂文王也。法言淵騫篇曰或問

勇曰軻也。曰何軻也。曰軻也者。謂孟軻也。

謂言也。齒策曰此乃公孫衍之所謂也。

謂猶曰也。史記司馬相如傳曰或謂且天為質闇。珍符固不可辭。漢書文選謂作曰。

謂猶為也。此為字讀平聲莊二十二年左傳是謂觀國之光。史記陳杞世家作是為。又僖五

年傳曰一之謂甚。其可再乎。言一之為甚也。又大戴禮少閒篇曰何謂其不同也。

元本如是明本皆改謂作為失之韓詩外傳曰何謂而泣也。竝與何為同義。見王氏念孫之說

謂猶為也。此為字讀去聲史記魯仲連傳曰所謂貴於天下之士者為人排患釋難解紛亂

而無取也。所謂所為也。鹽鐵論憂邊篇曰有一人不得其所則謂之不樂。謂之為

之也。王氏念孫之說見經傳釋詞

謂猶與也。史記鄭世家曰晉於是欲得叔詹為僇。鄭文公恐不敢謂叔詹言不敢與

叔詹言之也。漢書高祖紀高祖乃書帛射城上與沛父老。史記與作謂。王氏念孫之說見經

詞傳釋

謂猶如也。奈也。齊策曰、雖惡於後王、吾獨謂先王何乎。高注曰、謂猶奈也。漢書禮樂志、郊祀歌曰、徧觀是邪、謂何。晉灼注曰、謂何當如之何也。如之何即奈之何也。魏策曰、殺之亡之、無謂天下何。內之、無若羣臣何。若亦奈也。言無奈天下何、無奈羣臣何也。謂與如若奈竝同義。王氏念孫之說見經傳釋詞

曰

玉篇云、曰、語端也。

說文云、曰、詞也。廣雅云、曰、言也。……有一人之言而自為問答者、則加曰字以別之。

若論語陽貨篇云、懷其寶而迷其邦、可謂仁乎。曰不可。好從事而亟失時、可謂知

乎。曰不可。王引之云、兩曰不可、皆陽貨之言。是也。有非問答而亦加曰字以別之者、語更端也。若

孟子公孫丑篇云、曰管仲、曾西之所不為也。而子為我願之乎。是也。王引之云、此述古語之既畢

而更及今事也。呂氏春秋、驕恣篇、李惲述楚莊王之言、畢則云曰此霸王之所憂也。而君獨恣伐之、其可乎。文義與此同。

曰猶爲也。謂之也。若書洪範，一曰水，二曰火，三曰木，四曰金，五曰土之屬。是也。故桓

四年穀梁傳，一爲乾豆，二爲賓客，三爲充君之庖。公羊傳爲作曰。見經傳釋詞

曰爰也。蘇之詩曰，爰始爰謀。爰契我龜。曰止曰時。曰亦爰也。互文耳。見經傳釋詞案爾雅

曰，爰曰也。爰可訓爲曰。故曰亦可訓爲爰。此郭璞所謂轉相訓也。

曰猶則也。老子上篇曰，吾不知其名。存之曰道。曰猶爲也強爲之名曰大。曰猶爲也大曰

逝。逝曰遠。遠曰反。曰猶則也。言大則逝。逝則遠。遠則反也。

曰猶以也。史記東越傳，上曰士卒勞倦，不許。漢書曰作以。孟子梁惠王篇，惟曰其助

上帝，寵之四方。曰亦以也。言惟以克助上帝，寵綏四方也。萬章篇，曰尊者賜之。曰

其所取之者，義乎不義乎。而後受之。曰其所取之者，猶言以其所取之者也。曰請

無以辭卻之，以心卻之。曰其取諸民之不義也。而以他辭無受不可乎。下曰字，亦

猶以也。言以其取之於民不義也。老子上篇曰，古之所以貴此道者何。不曰求以

得有罪以免邪。言古之所以貴此道者何也。豈不以求以得有罪以免耶。

粵 嚶 越

說文曰，粵，亏也。案慎之詞者。周書曰，粵三日丁亥。徐錯云凡言粵者皆在事端之句首未便言之駐其言而審思之句

書召誥粵三日丁巳是也心中暗數其日數然後言之其聲氣舒亏故从亏會意 字亦作嚶。玉篇曰，嚶，辭也。本作粵。

爾雅曰，粵于也。又曰，粵於也。字亦作越。夏小正曰，越有小旱。傳曰，越于也。于猶今人

言於是也。詩東門之枌曰，穀旦于逝。越以饜邁。越亦于也。互文耳。釋見經傳

爾雅曰，粵曰也。廣韻曰，越曰也。漢書翟義傳，粵其聞曰。發師古辭也粵揚雄傳越不可載

已。師古曰越曰是也也。師古曰越曰是也。

廣雅曰，越與也。書大誥曰，大誥猷爾多邦。越爾御事。猷於也爾女也言大誥於女多邦與女御事也 又曰，肆

予告我友邦君。越尹氏庶士御事。是也。案周書越字與與字同義者甚多。大誥一

篇而外，不能徧引。釋見經傳

越猶及也。書召誥曰，惟四月既望。越六日乙未。言自既望及乙未六日也。下文曰，惟

丙午朏。越三日戊申。亦謂自丙午及戊申三日也。後皆放此。釋見經傳

粵若曰若、義竝同也。書堯典曰若稽古帝堯。古文曰若作粵若。武成曰越翼日癸巳。

漢書律厯志引作若翌日癸巳。若與越同義。連言之則曰越若。經傳釋詞曰越若

亦及也。召誥曰越若來三月來至也。見爾雅言及至三月也。下文曰若翼日乙卯。又

曰越翼日戊午。是越與若皆及也。連言之則曰越若矣。漢書律厯志引武成篇曰

粵若來二月。逸周書世俘篇同義與此同。登澗案漢書律厯志引周書越若竝作粵若。

越猶惟也。書大誥曰越予小子。言惟予小子也。又曰越予冲人。言惟予冲人也。見經傳釋詞

聿 吹音 遙

聿於也。案詩角弓篇見睨曰消。韓詩作曠睨聿消。云曠睨日出也。荀子非相篇作宴

然聿消。聿於也。言日出則雪於是消釋也。作曰者借字耳。見經傳釋詞

聿遂也。玉篇書湯誥曰請罪有夏。聿求元聖與之戮力。孔傳云聿遂也。元聖伊尹也。

言湯之請罪有夏遂求伊尹與之戮力也。

聿惟也。班固幽通賦，聿中蘇爲庶幾兮。曹大家注曰，聿惟也。漢書叙傳作吹。釋見經傳

師古曰，吹古聿字也。

聿自也。辭也。玉篇 適自也。爾雅 聿適音義相同。故古通用。

聿曰越竝通。詩七月篇，曰爲改歲。漢書食貨志引作聿。又縣篇，予曰有奔奏。予曰有

禦侮。楚辭離騷，王注引作聿。又書高宗彤日曰，越有雉雉。言聿有雉雉也。釋見經傳

聿適。吹竝通。詩文王有聲一章曰，適求厥寧。與毛傳云通 說文適作吹。三章曰，適追來

孝。禮器適作聿。是聿吹適古通用也。毛鄭詩考正曰，說文，吹，詮詞也。從欠從日，曰

亦聲。引詩吹求厥寧。然則吹蓋本文。同聲假借用曰聿適三字。王引之曰，案考正

說是也。

蓋 韻會云今  
文作蓋

蓋（一）發語詞也。史記田敬仲完世家贊曰，蓋孔子晚而喜易。易之爲術幽明。遠矣。

漢書司馬相如傳曰，蓋號以況榮。師古曰，蓋發語辭也。（二）辜較之詞。孝經曰，蓋

天子之孝也。孔傳云：蓋者，辜較之詞。劉炫述義云：辜較猶梗概也。孝道既廣，此纔舉其大略也。王引之曰：蓋者大略之詞，即本於此。(三)推原之詞，常語也。(四)疑詞也。禮記檀弓曰：有子蓋既祥，而絲履組纓。正義曰：蓋是疑辭。王引之曰：亦常語也。論語里仁篇曰：蓋有之矣。我未之見也。史記孝武本紀曰：錫一角獸。蓋麟云。伯夷列傳曰：其上蓋有許由冢云。蓋竝疑詞。(五)語助也。漢書禮樂志：郊祀歌曰：神夕奄虞，蓋孔享。顏師古注曰：蓋語辭也。王引之曰：蓋語助也。

蓋猶乃也。禮記檀弓曰：其慎也。蓋殯也。慎引也。言其引乃殯引也。殯引棺以棺飾，非葬引也。

葬引飾棺以柳髮。史記孔子世家曰：孔子母死，乃殯五父之衢。蓋其慎也。蓋亦乃也。定十

年穀梁傳曰：齊人來歸鄆，謹龜陰之田者，蓋爲此也。言乃爲此也。莊子養生主篇曰：善哉技蓋至此乎。言技乃至此乎。王念孫曰：蓋何也。言技之善何至於此也。失之矣。讓王篇曰：列御寇蓋有道之士也。呂氏春秋精通篇曰：蓋其母也。蓋字與乃同義。法言問明篇曰：或問韓非作說難之書。案韓非子說難篇。而卒死乎說難，敢問何反也。曰

說難蓋其所以死乎。言說難乃其所以死也。何反之有。五百篇曰。支離蓋其所以為簡易也。言支離乃其所以為簡易也。

蓋猶是也。……公羊傳宣公元年曰。孔子蓋善之也。

蓋猶皆也。詩黍苗曰。我行既集。蓋云歸哉。箋云。蓋猶皆也。

夫扶音詁

夫（一）發語詞也。孟子盡心篇曰。夫舜惡得而禁之。字或作詁。玉篇曰。詁詞也。集韻

曰。夫語端辭。或作詁。（二）指事之辭也。禮記檀弓曰。予惡夫涕之無從也。禮運曰。

是故夫禮。僖二十四年左傳曰。夫祛猶在。宣二年傳曰。公嗾夫獒焉。見經傳釋詞（三）

歎辭也。王引之曰。夫猶乎也。歎辭也。孟子告子篇曰必子之言夫趙岐注曰夫歎辭也在句末者。禮記檀

弓曰。爾責於人。終無已夫。三年之喪。亦已久矣夫。在句中者。檀弓曰。仁夫公子重

耳。（四）語助也。左氏傳隱公三年曰。命以義夫。杜注云。夫語助。是也。

夫猶凡也。衆也。孝經疏引劉瓛曰。夫猶凡也。淮南本經篇曰。夫人相樂。高注曰。夫人

衆人也。襄八年左傳曰：夫人愁痛。杜注曰：夫人猶人人也。釋見經傳

夫猶此也。禮記檀弓曰：夫夫也。爲習于禮者。鄭注曰：夫夫猶言此丈夫也。夫夫猶是也。夫也。檀弓

曰是夫也。多言僖三十年左傳曰：微夫人之力不及此。成十六年曰：夫二人者，魯社稷之

臣也。釋見經傳

夫猶彼也。禮記三年問曰：夫焉能相與羣居而不亂乎。荀子禮論篇夫作彼。齊語曰：

夫爲其君動也。管子小匡篇夫作彼。襄二十六年左傳曰：夫不惡女乎。晉語曰：夫

無乃以國故而行彊於君。荀子解蔽篇曰：不以夫一害此一。夫皆彼也。釋見經傳准

南齊俗訓曰：此一是非。隅曲也。夫一是非。宇宙也。言此一是非。隅曲也。彼一是非。

宇宙也。與上文若夫是於此而非於彼者相應於漢書賈誼傳曰：彼且爲我死。故吾得與之俱

生。彼且爲我亡。故吾得與之俱存。夫將爲我危。故吾得與之俱安。夫亦彼也。互文

耳。

今

今發語之詞。孟子梁惠王篇曰。今王發政施仁。

今王鼓樂於此之屬。是也。

今指詞事之也。晉語今君之所聞也。猶言是君之所聞也。宣十五年公羊傳。是何子

之情也。韓詩外傳是作今。皆指事之詞。見經傳釋詞

今猶卽也。孫炎注爾雅釋詁曰卽猶今也故今亦可訓爲卽魏策曰。樓公將入矣。臣今從。韓策曰。十日之內。

數十之衆。今涉魏境。燕策曰。天下必以王爲能市馬。馬今至矣。史記項羽紀曰。吾

屬今爲之虜矣。鄭世家曰。晉兵今至矣。伍子員傳曰。不來今殺奢也。見經傳釋詞彭越

傳曰。君王能出捐此地許二人。二人今可致。吳王濞傳曰。今吳楚反。於公何如。對

曰。不足憂也。今破矣。今破猶卽破也汲黯傳曰。君薄淮陽邪。吾今召君矣。今字竝與卽同

義。

今猶乃也。而也。淮南道應訓曰。今趙氏之德行無所積。今一朝兩城下。亡其及我乎。

言乃一朝而下兩城也。列子說符篇曰一朝而下兩城下呂氏春秋慎大覽曰一朝而下兩城下

今猶若也。禮記曾子問曰、今墓遠則其葬也如之何。今墓遠若墓遠也。見釋傳史記

高祖本紀曰、今置將不善。壹敗塗地。言若置將不善也。漢書今作令廣韻令使耳使亦若也皆假設之詞耳

又曰、今則來。沛公恐不得有此。言若即來也。王引之曰、言今若來也。失之。蓋上文云、今聞章邯降項羽。項羽乃號爲雍王王關中。故此云今則來者。若即來也。叔孫通列傳曰、今壞此。則示有過舉。言若壞此也。李將軍列傳曰、今我留。匈奴必以我爲大軍誘之。必不敢擊。言若我留也。

羌。楚辭常用羌字故玉慶。秦詩易太玄凡用慶字皆與

小爾雅曰、羌發聲也。廣韻曰、羌發語端也。字亦作慶。漢書揚雄傳曰、慶天賴而喪榮。張晏曰、慶辭也。顏師古曰、慶讀與羌同。叙傳曰、慶未得其云已。顏師古曰、慶發語辭。讀與羌同。故文選慶作羌。

廣雅曰、羌乃也。楚辭離騷曰、衆皆競進以貪婪兮。憑不厭乎求索。羌內恕己以量人兮。各興心而嫉妬。是也。字或作慶。漢書揚雄傳、懿神龍之淵潛兮。慶竢雲而將舉。

張晏曰、慶辭也。蕭該音義曰、慶音羌。王注離騷曰、羌楚人語辭也。猶言卿何爲也。

案廣雅曰羌卿也蓋本於此 義亦相近。見經傳釋詞

誕

誕發語詞也。書大誥曰、殷小腆。誕敢紀其叙。又曰、誕鄰胥伐于厥堂。君奭曰、誕無我

責。多方曰、須暇之子孫。誕作民主。詩皇矣曰、誕先登于岸。生民曰、誕彌厥月。誕寘

之隘巷。誕實匍匐。誕后稷之穡。誕降嘉種。誕我祀如何。諸誕字皆發語詞。見經傳釋詞

案生民二章至七章。每章之首。皆有誕字。卽如王氏所引是也。

誕句中助詞也。書大誥曰、肆朕誕以爾東征。是也。見經傳釋詞

惠

惠發語聲也。左氏傳襄公二十六年曰、寺人惠嬖伊戾。服虔注曰、惠伊皆發聲。

蹇

蹇發語聲也。離騷雲中君曰、蹇將憺兮壽宮。王注云、蹇詞也。

皋

皋發語之長聲也。儀禮士喪禮曰：皋某復。鄭注曰：皋長聲也。

見經傳釋詞

夷

周禮行人鄭玄注云：夷發聲也。孟子盡心篇曰：夷考其行而不掩焉者也。

夷語助也。詩瞻卬曰：蝥賊蝥疾。靡有夷屆。罪罟不收。靡有夷瘳。王引之曰：夷語助也。

言爲害無有終極。如病無有愈時也。

洪

洪發聲也。書大誥曰：洪惟我幼沖人。多方曰：洪惟圖天之命。皆是也。

見經傳釋詞

爽

爽發聲也。書康誥曰：爽惟民迪吉康。又曰：爽惟天其罰殛我。皆是也。凡書言洪惟、爽

惟、丕惟、誕惟、迪惟、率惟。皆詞也。見經傳釋詞

逝 噓

逝發聲也。字或作噫。詩日月曰：乃如之人兮。逝不古處。言不古處也。碩鼠曰：逝將去女。適彼樂土。言將去女也。有杖之杜曰：彼君子兮。噫肯適我。言肯適我也。桑柔曰：誰能執熱。逝不以濯。言不以濯也。逝皆發聲不為義也。見經傳釋詞

薄

薄發聲也。詩葛覃曰：薄汙我私。薄澣我衣。又采芣曰：薄言采之。傳曰：薄辭也。見經傳釋詞  
薄猶言也。詩泮水曰：薄采其芣。毛傳云：芣，芣也。說文引作言采其芣。薄言皆詞也。

勾

勾發聲也。史記大伯世家曰：大伯之犇荆蠻。自號勾吳。注云：勾，發聲也。淮南繆稱訓曰：夷聲陽。勾吳其庶乎。勾吳猶於吳也。於字亦發聲參看於字下于字下

且夫

且夫者指事之詞。且與今同義。或言且夫。或言今夫。其義一也。見經傳釋詞韓詩外傳曰：且夫齊程子本天下之賢士也。說苑養賢篇曰：今吾於是而不贈終身不之見也。

今夫 今且 今是

今夫即今所論事理而發端之詞。孟子梁惠王篇曰：今夫天下之人牧，未有不嗜殺  
人者也。史記張儀傳曰：今夫蜀西僻之國而戎翟之倫也。

今且猶今夫也。墨子非攻篇曰：今且天下之王公大人士君子。王引之曰：今且今夫  
也。見猶也

今是猶今夫也。禮記三年問曰：今是大鳥獸。荀子禮論篇今是作今夫。荀子宥坐篇  
今夫世之陵遲亦久矣。韓詩外傳今夫作今是。墨子天志篇曰：今是楚王食於楚  
之四境之內，故愛楚之人。荀子榮辱篇曰：今是之人口腹。富國篇曰：今是土之生  
五穀也。王引之曰：竝與今夫同義。

今以

今以以者有所據之詞。或據理而言。或據事而言。莊子大宗師篇曰：今以一天地爲  
大爐。以造化爲大冶。惡乎往而不可哉。呂氏春秋驕咨篇曰：今以不穀之不肖也。

羣臣之謀。又莫吾及也。我其亡乎。

若夫 乃若

若夫發語詞也。大戴記將軍文子篇。文子曰。若夫知賢人莫不難。孝經。曾子曰。夫若慈愛恭敬。安親揚名。則聞命矣。是也。釋見經傳

乃若發語詞也。墨子兼愛篇。子墨子言曰。乃若夫少食惡衣殺身而為名。此天下百姓之所皆難也。孟子告子篇。孟子曰。乃若其情則可以為善矣。釋見經傳

若以

若以猶若謂也。越語曰。若以越國之罪為不可赦也。將焚宗廟。係妻孥。沉金玉於江。有帶甲五千人將以致死。無乃即傷君王之所愛乎。

謂夫

謂夫謂說也。韻見廣夫語助也。史記龜策列傳曰。君子謂夫輕卜筮無神明者悖。背人道信禎祥者鬼神不得其正。

甚矣 甚哉

甚矣甚哉義竝同也。下文欲發議論。先著此二字以引起之。史記汲黯傳曰。甚矣汲黯之戇也。河渠書曰。甚哉水之爲利害也。

卷二

接語詞第二 承上順用之詞

此

日知錄謂論語之言斯者七十而不言此。檀弓之言斯者五十有二。而言此者一而已。大學成於曾氏之門人。而一卷之中言此者十九。語言輕重之間。世代之別。從可知已。蒙按尙書多言茲。論語多言斯。而孟子則通用此是諸字。惟引書一言惟

茲臣庶而已。見馬氏文通

此指定之詞。孟子梁惠王篇曰。此無他。不與民同樂也。

此彼之對也。史記司馬相如傳曰。陛下患使者有司之若彼。悼不肖愚民之如此。

此猶茲也。見六書故大學曰。此謂之知本。

此斯猶也。乃也。大學曰。有德此有人。有人此有土。有土此有財。有財此有用。言有德

乃得衆。得衆乃得國。得國乃有財。有財則國用足矣。

咨

爾雅曰。咨。此也。正義曰。魏封孔羨碑云。咨可謂命世大聖。億載之師表者已。

茲

滋左氏傳哀八年釋文云。滋本作茲。

茲者承上起下之詞。昭元年左傳曰。勿使有所壅閉湫底以露其體。茲心不爽而昏

亂百度。王引之曰。茲字承上起下之詞。猶今人言致令如此也。字或作滋。昭五年

傳曰。君若驩焉好逆使臣。滋敝邑休怠而忘其死。亡無日矣。滋亦承上起下之詞。

茲此也。爾雅云爾。左氏傳襄二十一年引夏書曰。念茲在茲。釋茲在茲。名言茲在茲。允出

茲在茲。杜注曰。茲此也。

茲是也。漢書五行志傳曰。視之不明。是謂不愆。厥咎舒。厥罰恆與。厥極疾。下文引京

房易傳曰。祿不遂行。茲謂欺。厥咎與。茲亦是也。茲謂欺是謂欺也。漢志凡言茲謂者放此。

茲猶斯也。書酒誥曰。朝夕曰祀茲酒。言朝夕戒之曰。惟祭祀斯用酒也。故下文曰。飲

惟祀。昭七年左傳曰：三命茲益共。茲字亦與斯同義。見釋傳案酒誥之篇，朝夕曰祀茲酒。此言文王戒酒慎也。語見論衡增篇三命茲益共。茲猶斯也。乃也。言三命乃益恭也。

茲哉。古通。詩下武曰：昭茲來許。昭茲亦昭哉也。朱傳曰：昭茲承上句而言。茲哉聲相近。古蓋通用也。東觀漢紀

茲作哉。與漢碑同。是其證矣。

茲滋古通。益也。愈也。墨子非攻篇曰：以虧人愈多。其不仁茲甚。罪益厚。互用。茲以見三義。

也尙同篇曰：其人茲衆。其所謂義者亦茲衆。言其人愈衆，其義亦愈衆也。史記武

安侯傳曰：是以寶太后滋不說魏其等，滋不說，愈不說也。又曰：安由此滋驕。滋驕

益驕也。

斯

斯用於句首以爲引起詞。論語雍也篇曰：斯人也。而有斯疾也。或用於句中。(一)連屬詞也。詩七月曰：朋酒斯饗。是也。(二)語助詞也。文選江文通雜體詩曰：騫斯蒿



集。色斯而舉。堂邑令費鳳碑曰。色斯輕翔。翻然高舉。費鳳別碑曰。功成事就。色斯高舉。

斯猶如也。禮記玉藻曰。二爵而言言斯。疏云。斯是禮已。言言斯猶闇闇如也。上言洒如。此言言言斯。斯亦如也。王引之曰。斯猶然也。言言言然也。於義亦通。蓋然亦如也。言言然猶闇闇如也。言言古通用耳。

斯猶乃也。禮記檀弓曰。人喜則斯陶。陶斯咏。咏斯猶。猶斯舞。斯字竝與乃同義。傳見釋

調 莊子逍遙遊篇曰。故九萬里則風斯在下矣。斯亦乃也。

斯猶則也。王引之曰。亦常語。 莊子逍遙遊篇曰。定乎內外之分。辯乎榮辱之境。斯已矣。斯已

矣。則已矣也。淮南繆稱訓曰。能善小斯能善大矣。斯亦則也。

斯猶維也。詩采薇曰。彼爾維何。維常之華。彼路斯何。君子之車。王引之曰。斯亦維也。

鮮 案鮮讀若斯。詩。狐。葉。鑑。云。齊魯之間。鮮聲近斯。說。蠶。鮮。古文。文曰。蠶。小。雨。財。馨。也。从。雨。鮮。聲。讀。若。斯。並。其。證。矣。

鮮猶斯也。書無逸曰。惠鮮鰥寡。麥莪詩曰。鮮民之生。阮元曰。鮮皆斯之假借字也。漢

書敍傳曰、惟天墜之無窮兮、蠱生民之晦在。晉灼曰、蠱古鮮字也。蠱與惟對文。則蠱亦語詞耳。顏師古曰、蠱少也。先踐反。竝失之矣。

鮮辭也。墨子尙賢篇曰、孰能執熱。鮮不用濯。言誰能執熱而不用濯也。詩桑柔篇作

逝不以濯。毛傳云濯所逝亦辭也。見卷

彼

彼指他人他事以轉之。孟子梁惠王篇曰、彼奪其民時。是也。

彼此之對也。見玉史記伯夷傳曰、豈以其重若彼、其輕若此哉。

彼己之對也。孫子謀攻篇曰、知彼知己。百戰不殆。後漢書崔駰傳曰、彼採其華。我收

其實。李賢注云、彼衆人也。

彼匪也。詩桑扈曰、彼交匪敖。襄二十七年左傳說此詩曰、匪交匪敖。福將焉往。成十

四年引詩作彼交匪傲。漢書五行志作匪傲匪傲。宋菽曰、彼交匪紆。荀子勸學篇

引作匪交匪紆。是彼訓匪也。交讀爲姣。姣侮也。匪交匪敖。匪交匪紆。皆謂不侮慢

也。見經傳釋詞

故

故承上起下之詞也。(一)猶所以也。史記呂后本紀曰，故有病也。言所以有病也。(二)猶於是也。周本紀曰，故問以天道。言於是問以天道也。

故本然之詞也。襄九年左傳曰，然故不可誣也。字或作固。又作顧。禮記哀公問曰，固民是盡。鄭注曰，固猶故也。呂氏春秋必已篇曰，孟賁過於河。先其五。船人怒而以楫撻其頭。顧不知其孟賁也。見經傳釋詞

故猶則也。莊子齊物論篇曰，有成與虧。故昭氏之鼓琴也。無成與虧。故昭氏之不鼓琴也。故字竝與則同義。見經傳釋詞

故猶乃也。呂氏春秋審己篇曰，臣以王爲已知之矣。王故尙未知之耶。王引之曰，故與乃同義。故或以故乃連文。莊子徐無鬼篇曰，先生苦於山林之勞。故乃肯見於寡人。案故猶所以。言所以乃肯見於寡人也。王說未達。

故猶以也。墨子貴義篇曰、何故止我。御覽故作以。

故猶必也。秦策曰。吳不亡越。越故亡吳。釋見經傳

固

固(一)本然之詞。孟子梁惠王篇曰、天下固畏齊之強也。(二)已然之詞。滕文公篇

曰、夫世祿、滕固行之矣。(三)常然之詞。盡心篇曰、若固有之。

固故也。韻見廣老子下篇曰、其日固久。韓非解老篇固作故。史記吳王濞傳曰、燕王趙

王固與胡王有約。漢書固作故。

固猶如故也。禮記投壺曰、敢固以請。注曰、固之言如故也。

固猶必也。桓五年左傳曰、蔡衛不枝。固將先奔。言必將先奔也。釋見經傳史記商君傳

曰、且夫有高人之行者。固見非於世。有獨知之慮者。必見敖於民。固亦必也。互文

耳。故高注呂氏春秋本味篇曰、固必也。

固猶乃也。孟子萬章篇曰、仁人固如是乎。釋見經傳史記范雎傳曰、范叔固無恙乎。

肆

爾雅曰：肆，故也。書大誥曰：肆，朕誕以爾東征。漢書翟義傳：王莽做大誥作故，予大以爾東征。無逸曰：肆，中宗之享國七十有五年。史記魯世家：肆作故。詩：蘇曰：肆不殄厥愠。思齊曰：肆成疾不殄。肆，成人有德，抑曰：肆，皇天弗尚。肆字皆當訓為故。傳見釋經

肆猶惟也。書湯誥曰：肆，台小子。墨子兼愛篇作惟予小子履。

案爾雅釋詁曰：台，予，朕，我也。書大誥曰：肆，朕誕以爾東征。漢書作故，予大以爾東征。肆，朕與故，予同義。湯誥曰：肆，台小子。墨子作惟予小子履。肆，台與惟，予同義。大誥

曰：越予小子，越子亦惟子也。

肆，遂也。書堯典曰：肆，類于上帝。又曰：肆，覲東后。史記五帝紀：肆竝作遂。遂，肆聲相近。

方俗語有侈弁耳。見經傳釋詞

則

則緊接上文之詞。同與斯字中庸曰：則可以贊天地之化育。是也。

則者承上起下之詞。廣雅曰：則即也。字或通作即。書禹貢曰：西戎即叙。即與則同。叙

順也。言西戎則皆順從也。則與即古同聲而通用。大戴禮曾子立事篇：三十四十

之間而無藝。即無藝矣。五十而不以善聞。則無聞矣。即亦則也。詩終風：願言則嚏。

一切經音義十五引此則作即。秦策：此則君何居焉。史記蔡澤傳則作即。史記始

皇紀：聞令下則各以其學議之。李斯傳則作即。蘇秦傳：與之則無地以給之。韓策

則作即。春申君傳：則楚更立君。楚策則作即。魯仲連傳：則臣見公之不能得也。齊

策則作即。見經傳釋詞

則猶曾也。禮記檀弓曰：喪三年以為極。句亡則弗之忘矣。釋文云：王以極字絕句。亡

作忘。劉台拱曰：王說是也。猶云以言忘則未嘗忘也。

則猶若也。韓詩外傳曰：臣之里婦有夫死三日而嫁者。有終身不嫁者。則自為娶。將

何娶焉。漢書蒯通傳作足下。即王念孫曰：言若自為娶也。釋經傳史記刺客傳

曰。則不可。因而刺殺之。則不可若不可也。

則猶或也。或與若義相近。史記陳丞相世家曰。樊噲帝之故人也。功多。且又呂后弟。呂須之夫。有親且貴。帝以忿怒故。欲斬之。則恐後悔。王引之曰。言或恐後悔也。

則猶乃也。詩新臺曰。魚網之設。鴻則離之。言鴻乃離之也。大戴夏小正篇曰。鷹則爲

鳩。言鷹乃爲鳩也。凡夏小正言則者皆放此。見經傳釋詞

則猶而也。文二年左傳曰。周志有之。勇則害上。不登於明堂。王引之曰。言勇而害上也。逸周書大匡篇作勇如害上。如卽而字。

則猶其也。禮記檀弓曰。人之稱斯師也者。則謂之何。王引之曰。言其謂之何也。

卽玉篇卽今作卽

設文曰。卽卽食也。段注云。卽當作節。節食者。檢制之使不過。故凡此於是之詞謂之卽。凡見於經史言卽。皆是也。

卽猶則也。山海經曰。見卽其邑大旱。言見則其邑大旱也。史記項羽本紀曰。公徐行

卽免死。疾行則及禍。卽亦卽也。互文耳。陳涉世家曰：且壯士不死則已。死卽舉大名。言死則舉大名也。

卽猶遂也。書西伯戡黎曰：殷之卽喪。是也。常語也。見經傳

卽就也。云方言成三年左傳曰：使歸卽戮。君之惠也。言使歸就戮也。史記樊噲傳曰：而

卽軍中斬噲。言而就軍中斬噲也。

卽猶今人言卽今也。史記項羽紀：項羽卽日因留沛公與飲。是也。字亦作則。漢書王

莽傳曰：應聲滌地。則時成創。顏注曰：則時卽時也。見經傳

卽猶今人言卽是也。襄八年左傳曰：非其父兄。卽其子弟。是也。字亦作則。鄭語曰：非

親則頑。不可入也。見經傳史記項羽本紀曰：梁父卽楚將項燕。陳丞相世家曰：其

所任愛非諸項。卽妻之昆弟。老子列傳曰：或曰儋卽老子。或曰非也。

卽猶或也。或與若義相近。史記張丞相傳曰：戚姬子如意爲趙王。年十歲。高祖憂卽

萬歲之後不全也。言或萬歲之後不全也。見經傳

卽猶若也。王念孫曰、漢書西南夷傳注曰、卽猶若也。莊三十二年公羊傳曰、莊公病

將死。謂季子曰、寡人卽不起此病。吾將焉致乎魯國。言若不起此病也。釋經傳論

衡吉驗篇。祝曰、趙氏宗滅乎。若當啼。若汝也卽不滅。若無聲。卽不滅。若不滅也。案

史記。用卽字。多訓爲若。高祖本紀曰、蕭相國卽死。誰令代之。本作令誰疑誤。倒

蕭相國若死也。趙世家曰、朔之婦有遺腹。若幸而男。吾奉之。卽女也。吾徐死耳。卽

亦若也。互文耳。陳丞相世家曰、陛下卽問決獄。責廷尉。言若問決獄也。絳侯周勃

世家曰、卽有緩急。周亞夫真可任將矣。言若於緩急也。

載 韻

載猶則也。有句中疊用之者。若載脂載牽。是也。有數句疊用之者。若載寢之牀。載衣

之裳。載弄之璋。是也。詩載馳傳曰、載辭也。箋曰、載之言則也。章注周字亦作韻。廣

雅曰、韻詞也。石鼓文曰、韻西韻北。見經傳

載猶一也。或也。韓詩外傳曰、其水載清載濁。流而趨海。列女傳引作其水一清一濁。

流入於海。

載設也。薛君韓詩章句云法言先知篇云、或問曰、載使子草律曰、吾不如弘恭。李注云、載設

也。則載使猶設使也。

載猶曰也。詩載見曰、載見辟王。曰求厥章。載亦曰也。互文耳。朱傳曰、載發語辭也。案載用於章首。不數數覲也。

輒

輒猶卽也。史記匈奴傳曰、有不射鳴鏑所射者。輒斬之。言卽斬之也。故下文云、冒頓立斬不射善馬者。立亦卽也。言卽斬不射善馬者也。

輒猶則也。史記欒布傳曰、已而臯彭越頭於雒陽。下詔曰、有敢收視者。輒捕之。李將軍傳曰、得賞賜輒分其麾下。

輒每也、皆也。史記項羽本紀曰、楚挑戰三合。樓煩輒射殺之。陳丞相世家曰、張負女孫五嫁而夫輒死。

遂

遂猶卽也。史記鄭世家，詹曰：君如弗禮。遂殺之。

遂猶故也。列子說符篇曰：白公不得已。遂死於浴室。淮南道應訓曰：白公不得已。故

死於浴室。

遂猶因而也。左氏傳昭公二十年曰：齊侯痲遂活。言因痲而活也。

按本作齊今據顏氏家訓書證篇改

顏之推引說文云：痲二日一發之瘡。疔有熱瘡也。案齊侯之病。本是間日一發。漸

加重乎。故諸侯也。史記鄭世家曰：齊桓公以兵破蔡。遂伐楚。言因而伐楚也。

遂猶竟也。漢書五行志曰：三年之喪。雖貴遂服。禮也。顏師古曰：遂猶竟也。

曾音增此曾是以爲孝乎之曾俗誤爲曆非也見釋傳釋詞

玉篇曰：曾子登切。則也。說文曰：曾晷之舒也。段注曰：曾猶乃也。論語八佾曰：曾謂泰

山不如林放乎。

王引之曰皇侃疏曾之言則也

先進曰：吾以子爲異之問。曾由與求之間。

集註曰曾猶乃也

也。爲政曰：曾是以爲孝乎。王引之曰曾是也孟子公孫丑篇曰：爾何曾比予於管仲。

趙注曰何管子大匡篇曰曾若是乎。曰曾則幸也注淮南子修務訓曰彼獨有聖智之

實。我曾無有閭里之聞窮巷之知者何。高注曰賈子諭誠篇曰王何曾惜一蒟屨

乎。王引之曰何曾何乃也何則也

方言曰曾何也。廣雅湘潭之原荆之南鄙謂何爲曾。若中夏言何爲也。見經傳

玉篇曰曾才登切經也。猶言嘗也閔元年公羊傳曰莊公存之時樂曾淫于宮

中。見經傳釋詞

馨 音 憺 嗜 慘

說文曰馨曾也。引詩馨不畏明。字或作憺嗜。又作慘。爾雅憺曾也。郭注曰發語辭。詩

節南山曰憺莫懲嗟。毛傳曰憺曾也。民勞傳及十月之交箋竝同釋交作嗜。十月之交曰胡憺

莫懲。釋文憺亦作憺。民勞曰憺不畏明。釋文正義及昭二十年左傳引詩竝作憺。

雲漢曰憺不知其故。釋文亦作憺。曾馨皆詞也。故其字竝從叀。或言曾。或言馨。語

之轉耳。見經傳釋詞

柰作今柰通

柰如也。若也。如何。如之何。若何。若之何。皆曰柰何。無如之何。史記曹相國世家曰無

柰之何。屬雖司命無柰之何亦曰柰何。王引之曰柰如也。晉語曰柰柰何如何也。

書召誥曰曷其柰何弗敬。柰何或但謂之柰。淮南兵略篇曰唯無形者無可柰也。

揚雄廷尉箴曰惟虐惟殺。人莫予柰。柰即柰何也。

那

那者柰之轉也。魏志毋邱儉傳注載文欽與郭淮書曰所向全勝。要那後無繼何。言

柰後無繼何也。故廣雅曰柰那也。釋見經傳案存悔齋集杜詩話曰飛騰無那故人

何。三國志注文欽與郭淮書曰所向全勝。要那後無繼何。宋書劉敬宣傳。卒之曰

平玄之後。令我那驃騎何。六朝人多書柰為那。唐人多以無柰為無那。

那難音何也。王引之曰那者柰何之合聲也。宣二年左傳曰棄甲則那。杜注那猶何

也。日知錄曰直言之曰那。長言之曰柰何。一也。案玉篇那奴多切。廣韻那本音難。

顧王之說、竝與此合。那也、柰也、胡也、何也。皆一聲之轉耳。

那於也。爾雅曰、那於也。如於讀越語曰、吳人之那不穀。亦又甚焉。韋注用爾雅。釋見經傳

那讀與語助也。後漢書韓康傳、女子怒曰、公是韓伯休那。韓康字伯休乃不二價乎。

章懷注云、那語餘聲也。音乃賀切。

是 氏 漢書地理志曰、至元孫氏為莊公師、古曰氏與、是、同、古通用字。

是指上文而言。孟子梁惠王篇曰、是乃仁術也。此指左氏傳成公二年曰、天下多美

婦人、何必是。宣公十五年曰、武子疾、命嬖曰、必嫁是。此指人

是此也。見廣雅史記陳丞相世家曰、壯哉縣。吾行天下、獨見洛陽與是耳。

是猶祇也。論語為政篇曰、今之孝者、是謂能養。言祇謂能養也。是與祇同義。故薛綜

注東京賦曰、祇是也。見經傳

是猶於是也。書禹貢曰、桑土既蠶。是降邱宅土。言於是降邱宅土也。詩葛覃曰、是刈

是穫。正義曰、於是刈取之。於是穫養之。見經傳

是猶寔也。詩闕宮曰：是生后稷。言姜嫄寔生后稷也。字或作氏。大戴禮帝繫篇曰：黃

帝娶于西陵氏之子。謂之嫫祖。句氏產青陽及昌意。言寔生青陽及昌意也。寔字

亦作實。僖五年左傳：鬼神非人實親。惟德是依。實亦是也。互文耳。見經傳

是猶之也。詩氓曰：反是不思。亦已焉哉。言反之不思也。襄十四年左傳曰：晉國之命。

未是有也。言未之有也。見經傳

是猶能也。南山經曰：其音如嬰兒之音。是食人。言能食人也。此錄放上文云：有獸焉。其

狀如狐而九尾。其音如嬰兒。能食人。是其證爾。

是猶則也。大戴禮王言篇：教定是正矣。家語作正。教定則本正矣。見經傳爾雅曰：是

則也。郭注曰：是事可則法。失之。蓋是者詞之則也。

是猶夫也。孟子公孫丑篇曰：予豈若是小丈夫然哉。王引之曰：是小丈夫夫小丈夫

也。

伊 繫 毆 讀 若

伊維也。雅見爾詩何彼禕矣曰維絲伊緝伊亦維也。互文耳。經傳釋詞曰伊維也。常語

也。字或作繫。襄十四年左傳曰王室之不壞。繫伯舅是賴。正義曰王室之不傾覆

者唯伯舅是賴也。唯與維同。又隱元年曰爾有母遺。繫我獨無。言維我獨無也。

伊是也。詩雄雉曰自貽伊阻。小明日自貽伊阻與此同兼葭曰所謂伊人。白駒曰所謂東山曰伊

可懷也。正月曰伊誰云憎。何人斯曰伊誰與此同鄭箋竝曰伊當作繫。繫是也。其作繫者

周語曰此一王四伯。豈繫多寵。皆亡王之後也。吳語曰君王之於越也。繫起死人

而肉白骨也。韋注竝曰繫是也。見經傳釋詞

伊有也。詩頍弁曰豈伊異人。箋曰豈有異人疏遠者乎。是也。我將曰伊嘏文王。伊有

也。發語詞也。嘏大也。大哉文王。歎美之也。伊嘏文王有皇上帝。文義相類。見經傳釋詞

殿語助也。石鼓文曰沔殿沔沔。郭注云殿讀如繫。語助辭也。案殿與繫同。

時

爾雅曰時是也。書堯典曰黎民於變時雍。見經傳釋詞案詩公劉曰于時處處。于時

盧旅。于時言言。于時語語。鄭箋云。于於也。時是也。故王引之曰。于時卽於是也。時猶茲也。詩召旻曰。維昔之富。不如時。維今之疚。不如茲。鄭箋云。此也。時亦茲也。互文耳。時猶以也。蕩之詩曰。不明爾德。時無背無側。爾德不明。以無陪無卿。時亦以也。互文耳。故漢書五行志引作以亡背亡仄。仄古字。

寔 實

爾雅曰。寔是也。春秋桓六年。寔來。公羊傳曰。寔來者何。猶曰是人來也。穀梁傳曰。寔來者。是來也。寔與是同義。故秦誓是能容之。大學是作寔。經傳作實者。借字耳。易既濟九五。實受其福。坊記實作寔。詩小星篇。寔命不同。韓詩寔作實。燕燕篇。實勞我心。實本亦作寔。韓奕篇。實墉實壑。實畝實藉。鄭箋云。實當作寔。趙魏之東。實寔同聲。實是也。覲禮。伯父實來。鄭注。今文實作寔。皆當以寔爲正字。實爲借字。傳見釋經

詞 史記秦本紀。一曰大廉。實鳥俗氏。一曰若木。實費氏。言是鳥俗氏。是費氏也。

寔

廣雅曰、諛是也。疏證云、大學引大甲顧諛天之明命。鄭注云、諛猶正也。說文、正是也。是諛音義竝同。案諛是古今字耳。陳書姚察傳曰、研覆古今。諛正文字。諛卽是也。蓋諛爲是正之是。又爲彼是之是。義相因也。

由是 由此 由茲 由斯 自是 自此 自茲 自斯 從是 從此  
從茲

爾雅曰、由、從、自也。由是、自茲、從此、皆跟上文而引起之詞也。史記陳涉世家曰、由是無親陳王者。張耳列傳曰、名由此益賢。河渠書曰、自是之後用事者爭言水利。六國表曰、六國之盛自此始。後漢書西羌傳曰、羌之興盛自此始矣。逸民傳曰、自茲以降。風流彌繁。史記滑稽列傳曰、從是以來。不敢復言爲何伯娶婦。

是其 此其

是其、此其、皆跟上文而指點之詞也。荀子榮辱篇曰、是其爲相縣也。幾直夫芻豢稻粱之縣糟糠爾哉。史記……伯夷列傳曰、此其尤大彰明較著者也。

此非 是非 茲非 斯非

此非、是非、茲非、皆指上文而直斷之之詞也。史記外戚世家曰：是非兒曹愚人所知也。

至於 及夫 迨夫 及乎

至於、及夫、迨夫、及乎、皆跟上文而推引之之詞也。史記絳侯周勃世家曰：曩者霸上棘門軍。若兒戲耳。其將固可襲而虜也。至於亞夫可得而犯邪。漢書司馬遷傳贊曰：至於采經撫傳。分散數家之事。甚多疏略。或有牴牾。

何則 何者 何也 王引之曰書傳中凡

何則、順住上文作問而欲答之詞何者、順上文而有所問之詞何也、順上文而作問之詞皆申明之詞也。墨子尙賢篇

曰：故雖昔者三代暴王桀紂幽厲之所以失損其國家傾覆其社稷者。已此故也。何則、皆以明小物而不明大物也。史記漢興以來諸侯王年表序曰：何者、天下初定。骨肉同姓少。故廣彊庶孽。以鎮撫四海。用承衛天子也。穀梁傳曰：君之不取爲

公何也。將以讓桓也。隱不正而成之。何也。將以惡桓也。之案何也。或公羊謂梁何公傳用最多。但謂梁何公傳用

傳曰元年者何君之始也。始也。春者何歲之始也。

是何也

是何也。較何也。語勢平婉。莊子天運篇曰。夫南行者至於郢。北面而不見冥山。是何也。則去之遠也。讓王篇曰。今且有人於此。且借也。以隋侯之珠。彈千仞之雀。世必笑

也。是何也。則其所用重而所要者輕也。史記張儀傳曰。雖有戰勝之名。而有亡國

之實。是何也。齊大而魯小也。又曰。雖有戰勝之名。而國已破矣。是何也。秦彊而趙

弱也。據戰國策增也。字與上文一律也。

是何

是何

是何二字。下文語勢峻急者用之。孟子梁惠王篇曰。是何異於刺人而殺之。曰非我

也。兵也。莊子讓王篇。孔子曰。是何言也。君子通於道之謂通。窮於道之謂窮。今丘

抱仁義之道。以遭亂世之患。其何窮之為。史記司馬相如傳。烏有先生曰。是何言

之過也。足下不遠千里來。况齊國王悉發境內之士。而備車騎之衆以出田。乃欲戮力致獲。以娛左右也。何名爲夸哉。

何哉

何哉反詰之辭。……論語顏淵篇、子曰、何哉。爾所謂達者。孟子梁惠王篇、曰何哉。君

所謂踰者。滕文公篇曰、如不待其招而往。何哉。

何以

何以猶言何用如此也。呂氏春秋異寶篇曰、今我何以子之千金劍爲乎。

何如 何若 何與 孰與

何如、何若、何與、孰與、詞直。閔元年左傳曰、猶有令名。與其及也。王肅注曰、雖去猶有令名。何與其坐而及禍也。王引之曰、何與猶何如也。齊策曰、田侯召大臣而謀曰、救趙孰與勿救。趙策曰、趙王與樓緩計之曰、與秦城何如不與。王引之曰、孰與卽

是何如也。凡書傳言孰與者皆謂何如也。

如之何 若之何 若猶奈也凡懸言若何者之何者皆是見經傳釋詞

如之何、若之何、詞婉。且疑問之詞。孟子梁惠王篇曰、如之何其使斯民饑而死也。盡心篇曰、然則舜如之何。左氏傳襄公二十一年曰、子爲司寇。將盜是務去。若之何不能。昭公十三年曰、抑齊人不盟若之何。

總之、何則、何者、是何也、如之何等。皆文中自問之詞。所以引起下文也。

如台 台音

台猶何也。如台。猶奈何也。書湯誓、夏罪其如台。史記殷本紀作有罪其奈何。高宗彤日、乃曰其如台。殷本紀作乃曰其奈何。西伯戡黎、今王其如台。殷本紀作今王其奈何。是古謂奈何爲如台也。見經傳釋詞

是以

是以指上文而推原之詞。老子一書用之最多。二章曰、是以聖人處無爲之事。行不言之教。三章曰、是以聖人之治。七章曰、是以聖人後其身而身先。是也。蓋老子言

理之書。故多推原之辭。

所以

所以順上文而推原之詞。與是以略同。史記司馬相如列傳曰。夫使諸侯納貢者。非爲財幣。所以述職也。封疆畫界者。非爲守禦。所以禁淫也。或用於句中。是推進一層之意。高祖本紀曰。凡吾所以來爲父老除害。非有所侵暴。毋恐。

將以

將以承上文而推原其將然之詞也。老子下篇曰。古之善爲道者。非以明民。將以愚之。史記李斯傳曰。斯上蔡闔巷布衣也。上幸。擢爲丞相。封爲通侯。子孫皆至尊位者。將以安危存亡屬臣也。豈可負哉。

故夫

故夫承上文而推原之詞。與所以相同。論語季氏篇。孔子曰。祿之去公室五世矣。政逮於大夫四世矣。故夫三桓之子孫微矣。故夫遙承上章自大夫出。五世。希不失。

矣。故先大父曰：大夫專權，不過五世。少有不失，所以三桓的子孫，一代不如一代。氣勢漸漸衰微，看來也不能久了。見論語是也。管子權修篇曰：故夫爵服賤，祿賞輕，民間其治，賊臣首難。此謂敗國之教也。墨子天志篇曰：故夫愛人利人，順天之意，得天之賞者，既可得而留已。案今本作既可得而留而已，畢注云：此句未詳，蓋有一文律。又曰：故夫憎人賊人，反天之意，得天之罰者，既可得而知也。今本得誤作謂賢篇曰：既可得而知己，正與此同。而莊子逍遙遊篇曰：故夫知效一官，行比一鄉，德合一君而徵一國者，其自視也亦若此矣。史記蘇秦傳曰：故夫謀人之主，伐人之國，常若出辭斷絕人之交也。

是故

是故王引之曰：是故是以前承上起下之詞，常語也。（一）猶言因此之故也。莊子駢拇篇白，是故駢於足者，連無用之肉也。枝於手者，樹無用之指也。（二）猶是則也。齊策曰：韓魏戰而勝秦，則兵半折。四境不守，戰而不勝，以亡隨其後，是故韓魏之所以重與秦戰而輕爲

之臣也。王引之曰，是故猶是則也。

然故

然故，然猶如此也。禮記少儀曰，事君者量而后入，不入而后量。凡乞假於人爲人從事者亦然。然故上無怨而下遠罪也。王念孫曰，然故是故也。義亦相同

以故

以故猶言以此之故也。史記用之最多。項羽紀曰，楚以故不能過滎陽而西。六國表曰，而史記獨藏周室以故滅。刺客傳曰，方急時不及召下兵以故荆軻乃逐秦王。留侯世家曰，項王以此無西憂漢心而發兵北擊齊，以此與以故相同。項羽紀曰，楚以此故無西意而北擊齊，是其證也。

故曰

故曰或證上文之言。或證上文之意。管子莊子韓非子用之最多。韓非說難，故曰，雍季之對，不當文公之問。故曰，邠子之言，非分謗也。益謗也。此證上文莊子逍遙遊篇，

故曰至人無己。神人無功。聖人無名。此證上文之意

誠以

誠以，確然推斷之詞也。史記呂后本紀曰：王誠以一郡上太后，為公主湯沐邑。太后必喜。王必無憂。陳涉世家曰：今誠以吾眾詐自稱公子扶蘇、項燕，為天下倡，宜多應者。春申君列傳曰：誠以君之重，而進妾於楚王，王必幸妾。

壹似作壹亦一

壹似猶一若也。廣雅曰：似若也。摹擬之詞。禮記檀弓曰：子之哭也，壹似重有憂者。

亦越

亦越者，承上起下之詞。書立政曰：亦越成湯。亦越文王、武王，是也。見經傳釋詞法言問明篇曰：君子所貴，亦越用明保慎其身也。

亦以

亦以，以猶因也。用也。公羊傳曰：有年何以書，以喜書也。大有年何以書，亦以喜書也。

墨子非攻篇曰、雖南者陳蔡、其所以亡於吳越之間者、亦以攻戰、雖北者中山諸國、其所以亡於燕代胡貉之間者、亦以攻戰也。亦以並與史記游俠傳曰、而符離

人王孟、亦以俠稱江淮之間、是時濟南矚氏陳周庸、亦以豪聞。亦以並與亦用家

用依

無已讀上 無以 勿已

無已、無以、勿已、猶云必欲言之而不止也。孟梁惠王篇曰、無已則有一焉、無以則王乎。莊子徐無鬼篇、勿已則隰朋可。

所謂

所謂原其說而進解之之詞也。大學曰、所謂誠其意者、毋自欺也。

所為讀去

所為原其故而進斷之之詞也。史記蕭相國世家曰、上所為數問君者、畏君傾動關中。經傳釋詞、隱三年公羊傳曰、先君之所為不與臣而納國乎君者、僖十年穀梁

傳曰、里克所爲弑者。趙策曰、所爲見將軍者。皆言所以也。故史記楚世家曰、秦之所爲重王者。魯仲連傳曰、秦所爲急圖救趙者。秦策趙策竝作所以。

蓋曰 蓋謂

蓋曰、蓋謂、皆推原其說之詞也。中庸、詩云維天之命。於穆不已。蓋曰天之所以爲天也。於乎不顯。文王之德之純。蓋曰文王之所以爲文也。純亦不已。蓋曰天之所以爲天也。蓋曰文王之所以爲文也。純亦不已三句。子思原詩人之意而釋之之詞也。

以爲 以謂

以爲、自揣如是之詞也。史記呂后本紀曰、孝惠爲人仁弱。高祖以爲不類我。西南夷列傳曰、以爲漢道險。終不能有也。楚策曰、人皆以謂公不善於富擊。王引之曰、以謂與以爲同義。

是爲

是為指上文斷之之詞也。孟子萬章篇曰：是為父不得而子也。此應上文史記鄭

世家曰：是為子亶也。此應上文

如此

如此直指上文將有後說之詞也。淮南兵略訓曰：如此則野無校兵。國無守城矣。或

用於句末。說山訓曰：用智如此。豈足貴乎。

如是 若是 若此 若斯 如斯 若茲 若然

如是、若是、若此、若斯、如斯、若茲、義竝同也。史記仲尼弟子列傳曰：夫如是。則四

方之民。襁負其子而至矣。夫如是三字。王充論衡用之書多。陳丞相世家曰：貧何

食而肥若是。伯夷列傳曰：巖穴之士。趨舍有時若此。秦楚之際。月表曰：蓋一統若

斯之難也。法言寡見篇曰：使起起吳之用兵每如斯。則太公何以加諸。又或曰：曷若

茲之甚也。曷若茲猶言何如是也先王之道滿門。莊子德充符曰：若然者。其用心也獨若之

何。又曰：夫若然者。且不知耳目之所宜。而遊心乎德之和。若然二字不可用於句末。此又宜知者。

於此 於是 於斯 於茲

於此，於是，於斯，於茲，猶言在此也。左氏傳昭公四年曰楚禍之首將在此矣。在字實於字虛此其辨也。史記秦始皇本

紀曰：雖監門之養，不穀於此。淮南道應訓曰：今卒睹夫子於是，於是猶於此也。韓

詩外傳曰：吾於是而不贈，終身不之見也。子華子作於斯不贈，則終身弗能見也。

論語述而篇曰：不圖為樂之至於斯也。史記司馬相如傳曰：三年於茲而功不竟。

於是，於此，皆承上之詞也。史記河渠書曰：於是為發卒萬餘人穿渠。淮南道應訓曰：

於此天下歌謠而樂之。於此猶於是也。

於是猶言當是時也。隱四年左傳曰：於是陳蔡方睦於衛。王引之曰：於是亦承上僖

十五年傳曰：於是展氏有隱惹焉。

承上逆用之詞

豈

豈與詎同。惟詎字婉詎（一）反詰之詞。論語憲問篇曰：其然，豈其然乎？（二）決斷之詞。孟子

告子篇曰。此豈山之性也哉。豈猶非也。言此非山之性也。

豈安也。焉也。書云。怨豈在明。見玉篇王引之曰。豈。詞之安也。焉也。曾也。常語也。

豈猶其也。禮記曾子問曰。召公言於周公。周公曰。豈不可。王念孫曰。豈不可。其不可

也。故鄭注曰。言是其於禮不可不許也。見經傳

幾。豈古通。史記黥布傳曰。人相我當刑而王。幾是乎。徐廣曰。幾一作豈。見經傳文子

上義篇。老子曰。天下幾有常法哉。幾亦豈也。

庸

爰也。書皋陶謨曰。帝庸作歌。

庸詞之用也。襄二十五年左傳曰。庸以元女大姬配胡公而封諸陳。杜注曰。庸用也。

見經傳

庸猶何也。安也。詎也。莊十四年左傳曰。庸非貳乎。僖十五年傳曰。晉其庸可冀乎。見

傳釋呂氏春秋下賢篇曰。吾庸敢驚霸王乎。言吾何敢驚霸王也。高注云。庸用也。

失之。韓詩外傳曰：追而不及。庸有罪乎。

庸何、庸安、庸詎、庸孰、義竝同。王引之曰：庸與何同意。故亦稱庸何。文十八年昭元年

左傳及魯語竝曰：庸何傷。襄二十五年左傳曰：將庸何歸。承上文君死庸猶何也。

庸與安同意。故亦稱庸安。荀子宥坐篇曰：女庸安知吾不得之桑落之下。庸猶安

也。庸與詎同意。故亦稱庸詎。莊子齊物論篇曰：庸詎知吾所謂知之非不知邪。庸

詎知吾所謂不知之非知邪。庸猶詎也。或曰庸孰。大戴禮記曾子制言篇曰：則雖

女親。庸孰能親女乎。庸孰猶庸詎也。

詎 距 鉅 巨 渠 遽 案讀書通云詎  
通作渠鉅遽

廣韻曰：詎，豈也。字或作距。或作鉅。或作巨。或作渠。或作遽。漢書高祖紀曰：沛公不先

破關中。公巨能入乎。案顏師古曰巨讀史記項羽紀作公豈敢入乎。孫寶傳曰：據

部渠有其人乎。顏注渠讀也詎與豈同義。故或以豈詎連文。吳語曰：此志也。豈遽

忘於諸侯之耳乎。荀子王制篇曰：豈渠得免夫累乎。正論篇曰：是豈鉅知見侮之



甯猶豈也。成二年左傳曰：甯不亦淫從其欲以怒叔父。是也。亦常語。見經傳釋詞

甯猶將也。莊子秋水篇曰：甯其死為留骨而貴乎。甯其生而曳尾於塗中乎。呂氏春

秋貴信篇曰：君寧死而又死乎。其甯生又生乎。甯字並與將同義。見經傳釋詞 法言孝

至篇曰：寧先病而後瘳乎。寧先瘳而後病乎。上句寧字與將同義。下句寧字與抑

同義。（餘放此）

甯猶乃也。毛鄭詩考正曰：四月首章，胡甯忍予。箋云：甯猶曾也。王引之曰：案甯猶乃

也。語之轉。王念孫曰：乃、甯、曾，其義一也。胡甯猶何曾何曾猶何乃也

無甯（一）甯也。見爾雅小雅論語子罕篇曰：且予與其死於臣之手也。無甯死於二三子之

手乎。馬融注曰：無甯甯也。二三子門人也。（二）猶無乃也。昭二十二年左傳曰：寡

君聞君有不令之臣，為君憂。無甯以為宗羞。王引之曰：言無乃以為宗羞也。

不甯（一）甯也。詩生民曰：上帝不甯。毛傳曰：不甯甯也。（二）昭元年左傳曰：不甯唯

是。王引之曰：不甯唯是。不唯是也。甯語助耳。

獨

獨猶特也。史記留侯世家曰：此獨其將欲叛耳。魏豹彭越傳贊曰：彼無異故。智略絕人。獨患無身耳。

獨猶寧也。豈也。禮記樂記曰：且汝獨未聞牧野之語乎。襄二十六年左傳曰：夫獨無

族姻乎。見經傳釋詞

獨猶將也。宣四年左傳曰：棄君之命。獨誰受之。楚語曰：其獨何力以待之。孟子滕文

公曰：一薛居州。獨如宋人何。見經傳釋詞

獨猶孰也。何也。呂氏春秋必已篇曰：有鄙人始事孔子者。請往說之。因謂野人曰：子

耕東海。至於西海。吾馬何得不食子之禾。其野人大說。相謂曰：說亦皆如此。其辯

也。與那同獨如嚮之人。解馬而與之。高注曰：獨猶孰也。見經傳釋詞

徒

徒但也。王引之曰：呂氏春秋異用離俗。二篇注並曰：徒但也。常語也。史記蕭相國世家曰：今諸君徒能走得獸耳。

漢書汲黯傳曰、吾徒得君重。師古曰、徒但也。

徒獨也。爾雅釋樂曰、徒鼓瑟謂之步。郭注曰、獨作之。徒吹謂之和。徒歌爲之謠。日案魏書禮志曰、徒歌曰謠。

徒吹曰和。蓋本此也。徒擊鼓謂之罍。徒鼓鐘謂之修。徒鼓磬謂之蹇。淮南汜論訓對曰、吾不

見人、徒見金耳。

徒猶乃也。莊子天地篇曰、吾聞之夫子、事求可、功求成、用力少、見功多者、聖人之道。

今徒不然。言今乃不然也。荀子子道篇、子路謂子貢曰、吾以夫子爲無所不知。夫

子徒有所不知。見經傳釋詞又曰、子貢謂子路曰、女謂夫子爲有所不知乎。夫子徒無

所不知。見經傳釋詞

惟

惟發語詞也。書皋陶謨曰、惟帝其難之。洪範曰、惟十有三祀。哀六年左傳引夏書曰、

惟彼陶虞。是也。字或作唯。或作維。王念孫曰、亦作雖。文十七年左傳曰、雖我小國、

則蔑以過之矣。言惟我小國也。隱十一年左傳、唯我鄭國之有請謁焉。文義相似。

釋見經傳

惟句中助語。書皋陶謨曰：百工惟時。大誥曰：予惟小子。召誥曰：無疆惟休。亦無疆惟

恤。是也。釋見經傳

惟有也。玉篇薛綜注東京賦曰：惟有也。書酒誥曰：我聞惟曰。我聞亦惟曰。皆言我聞

有此語也。釋見經傳

惟猶乃也。書盤庚曰：非予自荒茲德。惟女含德。不惕予一人。釋見經傳

惟是也。文選甘泉賦李善注曰：惟是也。書多方曰：非我有周秉德不康寧。乃惟爾自

速辜。釋見經傳

惟爲也。玉篇曰：惟爲也。書皋陶謨曰：萬邦黎獻。共維帝臣。某氏傳曰：萬國衆賢。共爲

帝臣。釋見經傳

惟猶以也。書盤庚曰：亦惟女故。以不從厥志。釋見經傳

惟猶與也。及也。書多方曰：告爾四國多方。惟爾殷侯尹民。  
下文曰告爾有方多士暨

釋經  
詞傳

維

維獨也。詩鵲巢曰：維鵲有巢，維鳩居之。

維有也。詩六月曰：比物四驪，閑之維則。王引之曰：言閑之有則也。

維以也。詩狡童曰：維子之故，使我不能餐兮。釋見經傳

維猶與也。及也。詩無羊曰：旆維旗矣。箋曰：又夢見旆與旗。釋見經傳

維猶乃也。詩文王曰：周雖舊邦，其命維新。釋見經傳

唯

唯獨也。韻見廣呂氏春秋異寶篇曰：可長有者，其唯此也。高注云：唯獨也。高義篇曰：墨

子曰：不唯越王不知翟之意，雖子亦不知翟之意。唯亦獨也。

唯猶以也。僖二年左傳曰：冀之既病，則亦唯君故。釋見經傳

唯猶雖也。漢書揚雄傳曰：唯其人之瞻知哉，亦會其時之可為也。文選唯作雖。釋見經傳

何 河 可

玉篇曰、何、辭也。

何、詰問之辭也。孟子滕文公篇曰、何許子之不憚煩。史記絳侯世家、廷尉責問曰、君侯欲反何。

何怪問之辭也。莊子德充符篇曰、彼何賓賓以學子爲。

何嘆詞也。莊子人間世篇曰、鳳兮鳳兮。何如德之衰也。言爾何德之衰也。

何有（一）猶言不難也。論語里仁篇曰、能以禮讓爲國乎何有。（二）猶何得也。左氏傳僖公十五年……曰、大夫其何有焉。杜注曰、何有猶何得也。

誰何（一）不知其名也。淮南本經訓曰、不知爲之者誰何。誰何猶誰人也。主術訓曰、不知爲之者誰。文義相同。（二）猶言莫敢如何也。賈誼過秦論曰、陳利害而誰何。

漢書顏注曰  
問之爲何也

幾何猶言無多也。少也。左氏傳昭公元年曰：其與幾何。

無何、亡何、毋苛、(一)猶言無幾也。史記曹相國世家曰：居無何。使者果召參。漢書翟方進傳曰：居亡何。顏注曰：無何猶言無幾。謂少時也。(二)更無餘事也。漢書袁盎傳曰：南方卑濕。君能日飲無何。可免禍也。史記作日飲毋苛。毋苛猶無何也。

伊何、維河、佳可、猶言維何也。楚辭曰：其罪伊何。王注曰：其罪維何乎。詩玄鳥曰：景員古文維河。鄭箋云：河之言何也。石鼓文曰：其魚佳可。佳可即維何也。古省文耳。

胡

胡何也。見廣雅詩風雨曰：云胡不夷。毛傳云：胡何也。生民曰：胡臭亶時。鄭箋云：胡之言

何也。呂氏春秋愛士篇曰：人主其胡可以無務行德愛人乎。高注云：胡何也。

盍作本蓋 闔

盍何不也。常語也。字亦作蓋。禮記檀弓曰：子蓋言子之志於公乎。見經傳然則蓋行乎。是也。又作闔。莊子天地篇曰：夫子闔行邪。釋文曰闔本亦作盍呂氏春秋長利篇曰夫子盍行乎其證矣。則

陽篇曰、闔嘗舍之。是也。

廣雅曰、盍何也。楚辭九歌曰、盍將把兮瓊芳。王注曰、盍何也、言靈巫何持乎。乃復把

玉枝以爲香也。字亦作盍。又作闔。管子小稱篇曰、闔不起爲寡人壽乎。莊子徐無

鬼篇曰、闔不亦問是已。闔不何不也。盍爲何不而又爲何。曷爲何而又爲何不。聲

近而義通也。王氏念孫之說見經傳釋詞

曷 害 竭

曷何也。常語也。字亦作害。詩葛覃曰、害澣害否。是也。釋見經傳登澣案、字又作竭。呂氏

春秋貴因篇、膠鬲曰竭至。高誘注曰、竭何也。言以何日來至殷也。高說是也。說文

竭从曷聲。故竭曷古通用。

曷何不也。王念孫曰、爾雅、曷盍也。郭注曰、盍何不也。書湯誓曰、時日曷喪。案孟子引梁

喪作害詩有杜之杜曰、中心好之。曷飲食之。曷皆謂何不也。見經傳釋詞

孰



言修身篇曰、儔克爾、李軌注云、儔誰也。玉篇曰、疇誰也。又曰、疇說文作疇、廣韻曰、疇誰也。說文作疇。又曰、疇咨也。說文誰也。又作疇。王引之曰、疇字本作疇、又作疇。說文疇、誰也。又曰、疇詞也。虞書曰、帝曰疇咨。

疇發聲也。禮記檀弓曰、予疇昔之夜。鄭注曰、疇發聲也。宣二年左傳曰、疇昔之羊子為政。疇

誰一聲之轉。故疇昔轉為誰昔。見釋詞傳

奚 朱駿聲曰奚發聲之詞與用何烏惡安焉皆同

蒼頡篇曰、奚何也。論語子路篇曰、雖多亦奚以為。法言問明篇曰、雖多亦何以為。管子形勢篇曰、平原之隰。奚有於高。大山之隈。奚有於深。奚有何有也。呂氏春秋分職篇曰、必任巧匠奚故。高注云、奚何也。奚故何故也。

奚為猶言何為也。家語曰、吾道非乎。吾奚為至於此。

奚翅奚啻、猶言何但也。孟子告子篇曰、奚翅食重。奚翅色重。集注曰奚翅猶言何但也呂氏春秋

當務篇曰、奚啻其有道也。莊子胠篋篇作何適。何適亦何但也。

焉 於 翹 反

顏氏家訓音辭篇曰。案諸字書。焉字鳥名。或云語詞。皆音於翹反。自葛洪要用字苑分焉字音訓。若訓何訓安。當音於翹反。於焉逍遙。於焉嘉客。焉用佞。焉用仁之類。是也。若送句及助詞。當音矣。翹反。故稱龍焉。故稱血焉。有民人焉。有社稷焉。託始焉爾。晉鄭焉依之類。是也。江南至今行此分別。昭然易曉。而河北混同一音。雖依古讀。不可行於今也。

案諸字書四字爲句。案猶攷也。言攷之字書。教子篇曰。書之玉版。藏諸金匱。諸亦之也。互文耳。史記三代世家曰。今案諸傳記。咸言有父。竝其證矣。經傳釋詞引此文。削一案字。便不成句。失其讀。又失其義也。

廣雅曰。焉安也。法言問道篇曰。吾焉開明哉。惟聖人爲可以開明。它則苓。李軌注云。焉安也。故詩伯兮曰。焉得諉草。說文引作安得蕙草。廣韻曰。焉何也。穀梁傳曰。焉成之。言君之不取爲公也。

焉猶莫也。孝經聖治章。父母生之。續焉大焉。君親臨之。厚焉重焉。古本如此。今本作續莫

大焉。厚莫重焉。

安 案 荀子多用案字。楊倞注勸學篇云。安語助。或作案。勸 按

安猶何也。經傳釋詞曰。易同人正義曰。安猶何也。 禮記檀弓曰。泰山其頽。則吾將安仰。梁木其壞。哲人

其萎。則吾將安放。放依也。

安焉也。於怒反。 顏師古注漢書吳王濞傳曰。安焉也。見經傳釋詞。

安焉也。然也。荀子榮辱篇曰。俄則屈安窮矣。王引之曰。言屈焉窮也。屈焉窮貌也。楊

注曰。安語助。猶言屈然窮矣。

安猶於也。大戴禮用兵篇曰。古之戎兵。何世安起。安猶於也。何世於起。言起於何世

也。此倒句也。安焉聲相近。墨子非命篇曰。何書焉存。文義與此同。見經傳釋詞。

安猶於是也。乃也。則也。字或作案。或作焉。其義一也。其作安者。吳語曰。王安挺志。一

日惕。一日留。以安步。王志。言王乃寬志以行。疾徐如意也。韋注曰。挺。寬也。惕。疾也。留。徐也。步。行也。 管

子地員篇曰、其陰則生之楂梨。其陽安樹之五麻。安與則相對爲文。安亦則也。言其陽則樹之五麻也。又曰、其山之淺。有龍與斥。羣木安逐。安於是也。爾雅曰、逐疆也。言羣木於是疆盛也。其作案者。逸周書武寤篇曰、約期于牧。案用師旅。言約期于牧野。於是用師旅也。荀子榮辱篇曰、故先王案爲之制禮義。以分之。言於是制禮義也。王制篇曰、權謀傾覆之人退。則賢良知聖之士案自進矣。言於是自進也。臣道篇曰、是案曰是。非案曰非。言是則曰是。非則曰非也。正論篇曰、今子宋子案不然。言今子宋子則不然也。趙策曰、秦與韓爲上交。秦禍案移於梁矣。言秦禍於是移於梁也。又曰、秦按攻魏。言秦於是攻魏也。按與案同。下文君按救魏。秦按爲義。義竝與此同。見經傳釋詞

惡 烏

惡猶安也。何也。字亦作烏。高注呂氏春秋本生篇曰、惡安也。又注明理篇曰、烏安也。

桓十六年左傳曰、棄父之命。惡用子矣。見經傳釋詞

惡猶焉也。史記司馬相如傳曰：況乎上聖，又惡能已。漢書惡作烏。師古曰：烏猶焉也。

惡，不然之詞也。孟子公孫丑篇曰：惡是何言也。莊子人間世篇曰：惡，惡可。上惡字

訓下惡字 荀子法行篇曰：惡，句賜，句是何言也。皆是也。見經傳 案避暑錄話曰：孟

子言烏……是何言也。烏蓋齊魯發語。不然之辭。是葉氏所見孟子本作烏。古烏

惡通用。

惡有，猶何有，甯有。昭三十一年公羊傳曰：惡有言人之國賢若此者乎。何注曰：惡有

猶何有甯有。見經傳 秦策曰：由此觀之，烏有不戰者乎。烏有亦惡有也。史記司馬

相如傳曰：烏有先生者。烏有此事也。徐廣曰：烏一作惡。是也。

惡乎（一）猶於何也。見小雅 禮記檀弓曰：吾惡乎用吾情。桓六年公羊傳曰：惡乎淫。何

鄭注竝曰：惡乎猶於何也。見經傳 墨子非命篇曰：惡乎考之。考先聖大王之事。惡

乎原之。察衆之耳目之情。惡乎用之。發而爲政乎國。察萬民而觀之。此謂三法也。

（二）猶何所也。莊十二年公羊傳曰：魯侯之美惡乎至。注曰：惡乎至猶何所至。孟

子公孫丑篇曰。敢問夫子惡乎長。莊子齊物論篇曰。道惡乎隱而有真僞。言惡乎隱而有是非。義竝與此同。見釋詞傳知北遊篇曰。東郭子問於莊子曰。所謂道。惡乎在。莊子曰。無所不在。惡乎在。猶何所在也。故莊子對曰。無所不在。

遐 瑕 假

遐何也。見集韻詩南山有臺曰。樂只君子。遐不眉壽。隰桑曰。心乎愛矣。遐不謂矣。禮記

表記引作瑕不謂矣。鄭注曰。瑕之言胡也。械樸曰。周王壽考。遐不作人。遐不皆謂

何不也。見釋詞傳維天之命曰。假以恤我。我其收之。假以猶何以也。朱傳曰。何之爲假聲之轉也。

言文王之神。將何以恤我也。左氏傳襄公二十七年引作何以恤我。是其證矣。

侯 侯

廣韻曰。侯何也。辭也。說文本作侯。經傳釋詞曰。侯何也。呂氏春秋觀表篇曰。今侯濼過而不辭。高誘注曰。侯何也。漢書司馬相如傳曰。君乎君乎。侯不邁哉。李奇注與

高誘同。見文選封禪文注

爾雅曰伊維侯也。詩六月曰侯誰在矣。傳曰侯維也。釋見經傳案爾雅郭注曰維發語

辭也。侯維互訓。則侯亦發語辭也。

爾雅曰侯乃也。詩文王曰商之孫子其麗不億。上帝既命侯於周服。言商之子孫甚

衆。而上帝既命文王之後。乃臣服於周也。釋義得兩通蕩之侯作侯祝。亦可訓為

乃。釋見經傳

侯兮古通。史記樂書曰高祖過沛。句詩有三侯之章。令小兒歌之。案高祖過沛酒酣

擊筑。自為歌詩曰大風起兮雲飛揚。威加海內兮歸故鄉。安得猛士兮守四方。侯

兮聲近。古韻相通。索隱曰兮古韻通故曰詩有三侯之章。

侯唯古通。過雅

號豪音

號何也。荀子哀公篇曰魯哀公問於孔子曰紳委章甫。有益於仁乎。孔子蹴然曰君

號然也。家語好生篇作君胡然焉。何也。胡也。奚也。遐也。侯也。號也。曷也。盍也。一聲

之轉也。見經傳釋詞

豈不

豈不折辨之詞也。孟子萬章篇曰：豈不曰以位則子君也。我臣也。莊子讓王篇曰：先生不受。豈不命耶。王引之曰豈不猶豈非也史記張丞相傳曰：父子俱為丞相。世間美之。豈不命哉。豈不亦豈非也。

豈可

豈可禁止之詞。史記淮陰侯傳曰：吾豈可以鄉利倍義乎。

豈得 安得 焉得 甯得 惡得 烏得 何得

豈得、安得、焉得、甯得、惡得、烏得、何得、反折之詞。史記張儀列傳曰：人主賢其辨而牽其說。豈得無眩哉。留侯世家曰：今上欲易太子。君安得高枕而臥乎。莊子天道篇：桓公曰：寡人讀書。輪人安得議乎。淮南道應訓引作工人焉得而譏之哉。

德充符篇曰：既謂之人。惡得無情。呂氏春秋必已篇曰：子耕東海。至於西海。吾馬何

得不食子之禾。淮南人間訓引作吾馬之失。安得不食子之苗。

何必 奚必 奚能 奚有 奚可 奚不

何必、奚必、奚能、奚有、奚可、奚不、亦反折之詞。孟子梁惠王篇曰、亦有仁義而已矣。何必曰利。史記孝文本紀曰、死者天地之理。物之自然。奚可甚哀。

豈其

豈其、反折而有所指之詞。史記項羽本紀曰、羽豈其苗裔邪。平原君列傳曰、豈其士卒多哉。

豈非

豈非、反言其意也。史記外戚世家曰、豈非命也哉。貨殖列傳曰、豈非道之所符而自然之驗邪。

豈有 豈又 詎有 焉有 甯有 寧字在安豈二字之間

豈有、豈又、焉有、詎有、甯有、反言不有也。史記魏公子傳曰、我豈有所失哉。荀子議兵

篇曰、人之情。雖桀紂豈又肯爲其所惡。賊其所好者哉。王引之曰、豈又豈有也。呂氏春秋義賞篇曰、焉有以一時之務。高注云務猶事也先百世之利者乎。史記陳涉世家曰、王侯將相。寧有種乎。貨殖列傳曰、此寧有政教發徵期會哉。

豈必

豈必、反言不必如此也。呂氏春秋上德篇曰、豈必以嚴罰厚賞哉。

寧必 寧能 寧得 寧可 寧非 寧不

寧必、寧能、寧得、寧可、寧非、寧不、反言不必如此、不能如此也。惟較豈必豈能略婉而有商略意史記

叔孫通傳、迺謂曰、漢王方蒙矢石爭天下。寧能鬪乎。魏其侯傳、天下方有急。王孫

寧可以讓乎。漢書司馬遷傳……身直爲閹閣之臣。寧得自引深藏於巖穴邪。

豈能 安能 焉能 惡能 烏能 何能 奚能

豈能、安能、焉能、惡能、烏能、何能、奚能、反言不能如此也。史記張儀傳曰、今臣雖奔逐之楚。豈能無秦聲哉。莊子至樂篇曰、吾安能棄南面王樂。而復爲人間之勞乎。庚

桑楚篇曰。與物且者。其身之不能容。焉能容人。大宗師篇曰。彼又惡能憤憤然爲世俗之禮。以觀衆人之耳目哉。史記齊悼惠王世家曰。人謂魏勃勇妄庸人耳。何能爲乎。

豈足 安足 焉足 寧足 烏足 惡足 何足 奚足 胡足 曷足

豈足、安足、焉足、寧足、烏足、惡足、何足、奚足、胡足、曷足、反言不足如此也。史記刺客傳曰。且以鷙鷲之秦。行怨暴之怒。豈足道乎。李斯傳曰。斯其猶人哉。安足爲謀。袁盎傳曰。今公常從數騎。一旦有緩急。寧足恃乎。司馬相如傳曰。且夫齊楚之事。又焉足道乎。漢書作又蘇秦傳曰。雖有長城鉅防。惡足以爲塞。莊子庚桑楚篇曰。且夫二子者。又何足以稱物哉。達生篇曰。則世奚足爲哉。呂氏春秋論威篇曰。若此則敵胡足勝矣。漢書司馬遷傳曰。言不辱者。所謂彊顏耳。曷足貴乎。

不幾乎

不幾乎。反言卽至於此之詞也。論語子路篇曰。不幾乎一言而興邦乎。不幾乎一言

而喪邦乎。

此豈 茲豈 是豈 斯豈

此豈、茲豈、是豈、斯豈，皆指上文而反說之詞也。史記孟子傳曰：此豈有意阿世俗苟合而已哉。禮書曰：是豈無堅革利兵哉。

何其 曷其 抑何 又何

何其、曷其、抑何、又何，皆反詰之詞也。法言問神篇，或曰淮南太史公者，其多知與、曷其離也。史記樊噲傳曰：天下已定，又何憊也。

孰能 誰能 疇能

孰能、猶言不能也。孟子梁惠王篇曰：其若是孰能禦之。

孰能猶誰能也。老子道經曰：孰能濁以靜之徐清。孰能安以動之徐生。王注曰：孰能者言其難也。史記屈原列傳曰：人又誰能以身之察察。受物之汶汶者乎。

孰能詰問之詞。孟子梁惠王篇曰：孰能一之。對曰：不嗜殺人者能一之。孰能與之。天

下莫不與也。

孰謂 孰爲 誰謂

孰謂、孰爲、誰謂、義並同。猶言誰說也。史記蒙恬傳曰：孰謂周公且欲爲亂乎。宣二年穀梁傳曰：趙盾曰：天乎天乎。予無罪。孰爲盾而忍弑其君者乎。王念孫曰：爲猶謂也。言孰謂盾忍弑其君者也。公羊傳曰：趙盾曰：吾不弑。誰謂吾弑君者乎。是其證。

見經傳釋詞

孰有

孰有猶言誰有也。焉有也。禮記檀弓、石祁子曰：孰有執親之喪而沐浴佩玉者乎。論衡卜筮篇作焉有執親之喪而沐浴佩玉。是也。

胡爲 曷爲 何爲 奚爲

胡爲、曷爲、何爲、奚爲、猶言何以也。詩十月曰：胡爲我作。不旣我謀。隱元年公羊傳曰：曷爲先言王而後言正月。四年穀梁傳曰：何爲貶之也。論語先進篇曰：由之瑟。奚

爲於丘之門。王引之曰、胡爲、曷爲、何爲、奚爲、皆言何以也。

無乃 毋乃 非乃

無乃、毋乃、非乃、疑而審度之詞。王引之曰、無乃猶得無也。宣十二年傳注周語曰、其無乃

廢先王之訓而王幾頓乎。見經傳釋詞史記射禪書曰、毋乃不可乎。孝文本紀曰、非乃

朕德薄而教不明歟。

卷三

轉語詞第三

然

然（一）詞之轉也。

王引之曰常語也

凡轉接上文。另換意義。必用此字。孟子滕文公篇曰。然

而夷子葬其親厚。此轉上文另換一意也。梁惠王篇曰。然則小固不可以敵大。此

接上文另換一意也。（二）狀事之詞也。若論語。斐然喟然儼然之屬。是也。常語也。

見經傳釋詞

（三）比事之詞也。若大學。如見其肺肝然。是也。亦常語。

見經傳釋詞

范望注太玄務測曰。然猶是也。常語也。

見經傳釋詞

廣雅曰。然。謦也。

摩通作應

論語陽貨篇曰。然。有是言也。然字但為應詞。而不訓為是。

見經傳釋詞

詞

廣韻曰。然如也。語助。詩葛屨曰。宛然左辟。說文人部引作宛如左僻。是也。

然如是也。詩皇矣曰：無然畔援。無然歆羨。鄭箋云：女無如是跋扈者。妄出兵也。無如是貪羨者。侵人土地也。經傳釋詞引禮記大傳注曰：然如是也。凡經稱然則，雖然，不然，無然，胡然，夫然者，皆是也。常語也。

然猶乃也。晉語文公謂寺人勃鞞曰：豈不如女言。然是吾惡心也。言乃是吾惡心也吾請去之。莊子天地篇曰：始也我以女爲聖人耶。今然君子也。王引之曰：然猶乃也。燕策曰：始吾以君爲天下之賢公子也。吾乃今然后知君非天下之賢公子也。文義與此同。

然猶則也。莊子外物篇曰：鮒魚曰：吾得升斗之水然活耳。王引之曰：然活則活也。

然猶而也。詩終風曰：惠然肯來。王引之曰：惠而肯來也。北風曰：惠而好我論衡講瑞篇曰：當

一年二年之時。未知孔子聖也。三年之後。然乃知之。言三年之後。而乃知之也。

然猶焉也。禮記檀弓曰：穆公召縣子而問然。鄭注云：然之言焉也。焉然古同聲。故禮

記祭義：國人稱願然。大戴記曾子大孝篇然作焉。見經傳釋詞墨子貴義篇曰：譬若藥

然。藝文類聚然作焉。公孟篇曰。譬若鐘然。然亦焉也。古字通用。

然且而且也。莊子秋水篇曰。其不可行明矣。然且語而不舍。韓子難言篇曰。夫至智

說至聖。然且七十說而不受。釋見經傳

苟

倉頡篇曰。苟誠也。猶言誠能如是楚辭曰。苟余情其信姱以練要兮。王注曰。苟誠也。

苟且也。識見廣王引之曰。論語子路篇。苟合矣。苟完矣。苟美矣。是也。亦常語。

苟猶但也。易繫辭傳曰。苟錯諸地而可矣。藉之白茅。何咎之有。言但置諸地而已可

矣。而必藉之白茅。謹慎如此。復何咎之有乎。桓五年左傳曰。苟自救也。社稷無隕

多矣。苟字與但同義。釋見經傳

苟猶若也。易繫辭傳曰。苟非其人。道不虛行。釋見經傳

苟猶尚也。詩君子于役曰。君子于役。苟無飢渴。王引之曰。言尚無飢渴也。

或

或（一）外辭也。穀梁傳曰。有內辭也。或外辭也。（二）不定之詞。廣韻曰。或不定也。老子上篇

曰。故物或行或隨。或歎或吹。或強或贏。或載或隳。連用或字。極言盛衰之無定。

（三）不必之詞。易小過九三曰。從或戕之。（四）泛指其人。論語曰。或問禘之說。

（五）有不知其姓名。以或字代之。左氏傳曰。絳縣人。或年長矣。（六）預度一事。設

若如此。亦用或字。論語曰。如或知爾。玉篇曰。爾汝也。

易乾文言曰。或之者疑之也。墨子小取篇曰。或也者。不盡然也。此常語也。釋見經傳

或猶有也。案段玉裁云。漢人多以有釋或。尚書古義曰。無有作好。遵王之道。無有作惡。遵王之路。呂

覽貴公篇引此有作或。高誘曰。或有也。釋見經傳莊子則陽篇曰。或之使。莫之爲。未

免於物而終以爲過。或與莫相對成文。或有也。莫無也。故郭象注云。物有相使。亦

皆自爾。是也。

或猶又也。禮記檀弓曰。父死之謂何。或敢有他志。以辱君義。晉語或作又。釋見經傳

或猶寧也。詩鴟鴞曰。今此下民。或敢侮予。鄭箋云。我至苦矣。今女我巢下之民。寧有

敢侮慢欲毀之者乎。

或語助也。詩天保曰：如松柏之茂，無不爾或承。王引之曰：言無不爾承也。或語助耳。

箋曰：或之言有也。亦謂語助之有無意義也。

儻 黨 當 尙

儻。或然之詞也。字或作黨。或作當。或作尙。莊子繕性篇曰：物之儻來，寄也。釋文：儻，崔

本作黨。荀子天論篇曰：夫日月之有蝕，風雨之不時，怪星之黨見。黨見也。或漢書伍

被傳曰：黨可以徼幸。黑子法儀篇曰：然則奚以爲治法而可。當皆法其父母奚若。

又曰：黨皆法其君奚若。又尙賢篇曰：尙欲祖述堯舜禹湯之道，將不可以不尙賢。

黨當尙竝與儻同。見經傳釋詞

黨猶所也。公羊傳文公十三年何休注云：黨所也。所猶是齊人語也。左氏傳哀公五年曰：師

乎師乎。何黨之乎。杜預注云：黨所也。……言何所適往也。

如

廣雅曰。如若也。常語。釋見經傳史記李廣傳曰。如令子當高帝時。萬戶侯豈足道哉。

昭十二年公羊傳注曰。如猶奈也。凡經言如何如何之何者皆是。釋見經傳詩綱繆曰。如

此良人何。晨風曰。如何如何。忘我實多。如何無可奈何也。無如猶言無奈亦其例也

如猶或也。論語先進篇曰。方六七十。如五六十。

如猶乃也。詩常武曰。王奮厥武。如震如怒。言乃震乃怒也。箋曰而震雷其聲而勃怒其色而亦乃也大戴

記少閒篇曰。臣之言未盡。請盡臣之言。君如財之。言請俟臣之言盡。君乃裁之也。

見經傳竹書紀年曰。諸侯如聞之。立為天子。言諸侯乃聞之也。

如而也。見玉篇史記項羽本紀曰。如今人方為刀俎。我為魚肉。何辭為。如今而今也。曹

相國世家曰。如齊故諸儒以百數。漢書如作而。墨子明鬼篇曰。嘗若鬼神之能賞

賢如罰暴也。言能賞賢而罰暴也。經傳釋詞曰。如猶而也。隱七年左傳曰。及鄭伯

盟。敵如忘。服虔曰。如而也。楚策曰。非故如何也。趙策曰。非反如何也。竝與而何同

義。鹽鐵論世務篇曰。見利如前。乘便而起。如亦而也。互文耳。故左傳敵如忘。說文

如作而。火如象之。昭六年傳漢書五行志如作而。

如猶當也。宋策曰。夫宋之不足如梁也。寡人知之矣。高注曰。如當也。如為相當之當。

又為當如是之當。僖二十二年左傳曰。若愛重傷。則如勿傷。愛其二毛。則如服焉。

正義曰。如猶不如。古人之語然。猶似敢即不敢。王念孫曰。孔說非也。如猶當也。言

若愛重傷。則當勿傷之。愛其二毛。則當服從之也。見經傳案玉篇曰。當直也。此本

敵也。此伸義也高注曰。如當也。應訓為敵。言宋之不足以敵梁也。王引之曰。當為相當之

當乃訓為直孔穎達曰。如猶不如。王念孫曰。如猶當也。義亦相通。惟當如是詞直。不如

如是詞婉。故以孔說為長。

如猶不如也。隱元年公羊傳曰。母欲立之。已欲殺之。如勿與而已矣。何注曰。如即不

如。齊人語也。見經傳釋詞

如猶將也。宣十二年左傳曰。有喜而憂。如有憂而喜乎。言喜憂各因其事。若有喜而

憂。則亦將有憂而喜乎。又孟子公孫丑篇。寡人如就見者也。如字亦與將同義。經見

如猶與也。及也。書堯典曰：脩五禮，五玉，三帛，二牲。今本改牲一死贄。如五器。如者及

也。五器蓋卽五等諸侯朝聘之禮器。自五玉以下，皆蒙上脩字言之。言五玉三帛

二牲一死之贄及所用之五器。皆因五禮而竝脩之也。史記虞卿傳：趙王問樓緩

曰：予秦地如毋予孰吉。今本如上有何字乃後人所加辯見讀書雜誌言予秦地與不予二者孰吉也。新

序善謀篇如作與。是其證。如與聲相近。故如訓爲與。與亦訓爲如。見經傳釋詞

如猶於也。呂氏春秋愛士篇曰：人之困窮甚如饑寒。王引之曰：言甚於饑寒也。

如猶有也。呂氏春秋不侵篇曰：如此者三人。高注云：有此者三人也。又曰：如此者五

人。高注亦云：有此者五人也。

如猶乎也。禮記祭義：善如爾之間也。呂氏春秋孝行篇作善乎而問之。王引之曰：是

善如卽善乎也。莊子齊物論篇曰：不亦善乎而問之也

如猶然也。若論語鄉黨篇：恂恂如，蹴踏如，勃如，躩如之屬。是也。詩旄邱曰：褒如充耳。

野有蔓草曰、婉如清揚。義亦同也。如然語之轉。故詩葛屨宛然左辟。說文引作宛

如左僻。見經傳釋詞

如語助也。易屯六二、屯如亶如。子夏傳曰、如辭也。見經傳釋詞

若

考工記梓人注曰、若如也。常語。見經傳釋詞昭六年左傳曰、若吾子之言。正義曰、若如也。

誠如吾子之言也。呂氏春秋召類篇曰、故三代之所貴、無若賢也。高注云、若如也。

小爾雅曰、若乃也。周語引書曰、必有忍也、若能有濟也。韋注曰、若猶乃也。見經傳釋詞

史記禮書正義曰、若如此也。孟子梁惠王篇曰、以若所為、求若所欲、言如此所為、如

此所欲也。見經傳釋詞

顧權注老子曰、若而也。莊二十二年左傳曰、幸若獲宥。及於寬政。言幸而獲宥也。見經傳釋詞

若猶則也。老子上篇曰、故貴以身為天下、若可寄天下。愛以身為天下、若可以託天

下。王引之曰、若猶則也。莊子在宥篇若竝作則。

苦猶苟也。墨子法儀篇曰、若皆法其父母。又曰、若皆法其學。又曰、若皆法其君。若字竝與苟同義。若與苟同義。又以若苟二字連文。墨子用之最多。尙賢篇曰、若苟賢者不至乎王公大人之側。則此不肖者在左右也。兼愛篇曰、若苟君說之。則衆能爲之。

若猶或也。襄十一年左傳曰、若子若弟。昭十三年傳曰、若入於大都而乞師於諸侯。見經傳釋詞禮記內則曰、父母有婢子若庶子庶孫甚愛之。若亦或也。王引之曰、若猶及也。與也。失之。

若惟也。王念孫曰、若。詞之惟也。書君奭曰、若天棗忱。大語曰越天棗忱越字亦語助呂刑曰、若古有訓。若字皆是語詞之惟。見經傳釋詞

若猶其也。王念孫曰、若其也。書召誥曰、我亦惟茲二國命嗣若功。若其也。嗣其功者。嗣二國之功也。

若猶及也。至也。吳語。越大夫種曰。王若今起師以會。言及今起師以會戰也。故成二

年左傳。病未及死。晉語作病未若死。見經傳釋詞

若猶及也。與也。襄十三年左傳曰。請為靈若厲。見經傳釋詞史記漢興以來諸侯王年表

序曰。高祖末年。非劉氏而王者。若無功上所不置而侯者。天下共誅之。若亦及也。

與也。

若猶然也。詩氓曰。其葉沃若。皇皇者華曰。六轡沃若。若竝與然同義。王念孫曰。猶若

猶然也。呂氏春秋蕩兵篇曰。中主猶若不能有其民。而況於暴君乎。竝見經傳釋詞莊子

德充符篇曰。少焉。胸若皆棄之而走。樾謹按胸若猶胸然也。徐無鬼篇。衆狙見之。

胸然棄而走。此云胸若。彼云胸然。文異義同。胸胸竝寥之段字。說文兮部。粲驚辭

也。從兮句聲。胸胸亦從句聲。故得通用。釋文引司馬曰。驚貌。得之矣。胸若皆棄之

而走。言純子皆驚而走也。見莊子平議

若猶此也。定四年左傳曰。君如有愛中國之心。則若時可矣。謂此時也。連言之則曰

若此。或曰此若。定四年公羊傳。則若時可矣。穀梁傳作則若此時可矣。禮記曾子

問篇。孔子說宗子去在他國。庶子無爵而居者代祭之。禮云。子游之徒。有庶子祭

者。以此若義也。王念孫曰。以此若義也。五字當作一句讀。以用也。此若二字連續。

若亦此也。言子游之徒。有庶子祭者。用此義也。見經傳釋詞

若詞也。易豐六二。有孚發若。節六三。不節若則嗟若。王注竝曰。若辭也。見經傳釋詞案若

句末之語助也。禮記禮器曰。君子之於禮也。有所竭情盡慎。致其敬而誠若。有美

而文而誠若。吳澄曰。若者句末助辭。是也。

若不定之詞。儀禮士相見禮曰。君若降送之。

若而。若干。亦不定之詞也。襄十二年左傳曰。夫婦所生若而人。晉書禮志妾婦之子

若而人。禮記曲禮曰。始服衣若干尺矣。投壺曰。某賢於某若干純。見經傳釋詞案儀禮

鄉射禮疏云。凡數一二已上。得稱若干。漢書食貨志注云。若干且設數之言也。

若乃。轉語詞也。齊策曰。若乃得去不肖者而為賢者狗。豈特攫其腓而噬之耳哉。見經傳釋詞

詞傳釋 史記魯仲連傳、新垣衍曰、燕則吾請以從矣。若乃梁者。則吾梁人也。先生惡能使梁助之。

莫若、猶莫如也。莫過也。老子下篇……曰、治人事天莫若嗇。王注曰、莫若猶莫過也。若何。奚若。猶如何也。左氏傳僖公三十三年曰、以間敝邑若何。禮記檀弓曰、吾欲暴疋而奚若。

何若猶何以也。管子侈靡篇、公曰何若。對曰以同。尹知章注云、問何以取夷吾也。

設 假 藉 籍 借 令 使

設、假、藉、籍、借、令、使、皆假設之詞也。法言重黎篇曰、設秦得人如何。李注云、設假也。子墨

小取篇曰假者今不然也。畢注云假設今尚不然也。列子楊朱篇、揚子曰、世固非一毛之所濟。假濟。爲之乎。

荀子正名篇曰、假之有人欲南而惡北。性惡篇曰、假之有弟兄資財而分者。王引之曰、假之皆謂假若也。墨子兼愛篇曰、藉爲人之國若其國。夫誰獨舉其國以攻人之國者哉。魯問篇曰、籍而爲得一升粟。今本而上有以字衍文也。下文云籍而爲得尺布文義相同。其不能

飽天下之飢者。既可睹矣。史記魏其武安侯傳曰。令我百歲後。皆魚肉之矣。刺客傳曰。使以兄弟次邪。季子當立。

設使。設令。廣韻曰。令使也。假使。假令。假設。借使。借令。藉使。籍設。若使。如使。亦假設之詞也。史

記范雎列傳曰。假使臣得同行於箕子。可以有補於所賢之主。是臣之大榮也。臣有何恥。臣之所恐者。張釋之列傳曰。假令愚民取長陵一坏土。陛下何以加其法乎。漢書賈誼傳曰。假設陛下居齊桓之處。將不合諸侯而匡天下乎。臣又知陛下有所必不能矣。史記秦始皇本紀贊曰。借使秦王計上世之事。竝殷周之迹。以制御其政。後雖有淫驕之言。而未有傾危之患也。又曰。籍使子嬰有庸主之材。僅得中佐。山東雖亂。秦之地可全而有。墨子魯問篇曰。子墨子曰。籍設而天下不知耕。教人耕與不教人耕而獨耕者。其功孰多。籍設猶假設也。漢書董光傳。注云。籍假也。非攻篇曰。若使此四國者。得意於天下。漢書燕刺王旦傳曰。如使古人有知。當何面目復奉齊酹見高祖之廟乎。師古曰。古。人謂先人。

但 亶 儻 鄆

玉篇曰、但、語辭也。

但特也。第也。常語。後漢書仇覽傳曰、天子修設太學。豈但使人游談其中。

但徒也。見廣漢書食貨志曰、民欲祭祀喪紀而無用者。錢府以所入工商之貢但賒

之。師古曰、但徒也。言徒賒與之不取息利也。字亦作儻。集韻曰、儻徒也。語辭。儻亦作

亶但古通。漢書但多作亶。賈誼傳曰、非亶倒懸而已。燕刺王旦傳曰、亶為典屬國。揚

雄傳曰、亶費精神於此。師古竝云、亶讀曰但。

鄆但古通。法言淵騫篇曰、鄆聞以德誑人矣。未聞以德誑於人也。音義云、鄆音丹、猶

但也。或古鄆但通用。亦音但。本或作但。

特

顏師古注漢書賈誼傳曰、特徒也。

特但也。呂氏春秋君守篇曰、夫國豈特為車哉。高注云、特但也。史記秦始皇本紀曰、

博士雖七十人。特備員弗用。

特直也。呂氏春秋分職篇曰：豈特宮室哉。高注云：特猶直也。

特獨也。見廣雅。秦策曰：我特以三國城從之。史記孝文本紀曰：特畏高帝太后威耳。

特語助也。莊子齊物論篇曰：若有真宰。而特不得其朕。崔譔注云：特辭也。

### 直 值

直猶特也。呂氏春秋忠廉分職二篇注並云：特猶廉直也。 但也。淮南精神篇注：精 孟子梁惠王篇曰：直不百步耳。是亦

走也。莊子德充符篇曰：某也直後而未往耳。齊策曰：衍非有怨於儀。直所以為國

者不同耳。直特古同聲。故史記叔孫通傳：吾直戲耳。漢書直作特。見經傳釋詞 楚世家

曰：所弋非直此也。非直猶非特也。下文云：其樂非特。麇雁之朝夕之樂也。 論衡祀義篇曰：死

之與生。非直胡之與越也。非直亦非特也。漢書司馬遷傳曰：直所從言之異路。有

省不省耳。顏師古曰：直猶但也。案淮南一書。但並作直。精神訓曰：直雕琢其性。矯

拂其情。以與世交。又曰：直宜迫性閑欲。以義自防也。高注並云：直猶但也。

值猶直也。特也。朱駿聲曰。張平子碑。豈值取足于身中。與用直用特同。

直猶特也。專也。晏子雜篇曰。嬰最不肖。故直使楚矣。直使楚。特使楚也。韓詩外傳曰。

姑乃直使人追去婦還之。言特使人追還去婦也。史記留侯世家曰。良嘗從容閒

步游下邳汜上。有一老父衣褐至良所。直墮其履汜下。顧謂良曰。孺子下取履。言

特墮其履於橋下。使良取之也。梁孝王世家曰。平王囊直使人開府取壘樽。賜任

王后。言使人取壘樽賜之也。以上四直字。亦訓為特。而與前異義。見經傳釋詞

直語發聲也。史記龜策列傳曰。神龜知吉凶。而骨直空枯。正義曰。直語發聲也。

弟 第 地

弟但也。史記五帝本紀曰。顧弟第弗深考。徐廣曰。弟但也。陳丞相世家曰。陛下弟

出僞遊雲夢。弟亦但也。漢書司馬相如傳曰。弟俱如臨邛。史記弟顏師古曰。弟但

也。發聲之急耳。字亦作地。丙吉傳曰。西曹地忍之。李奇曰。地猶第也。師古曰。地亦

但也。語聲之急耳。

弟且也。史記孫子吳起傳曰：君弟重射。袁盎傳曰：司馬曰：君第去。臣亦且亡。第亦且也。互文耳。

弟猶卽也。史記陳涉世家曰：失期當斬。藉第令毋斬。而戍卒死者固十六七。吳王濞列傳曰：今大王與吳西鄉。弟令事成。兩主分爭。患乃始結。弟令猶卽使也。言卽使毋斬，卽使事成也。

雖

玉篇曰：雖，詞兩設也。王引之曰：常語也。論語學而篇曰：雖曰未學，吾必謂之學矣。

雖與奪之詞也。易咸象傳曰：雖凶居吉，順不害也。

雖不定也。見集韻孟子公孫丑篇曰：自反而不縮，雖褐寬博，吾不慍焉。自反而縮，雖千

萬人，吾往矣。

雖，假令也。禮記少儀曰：雖請退可也。疏云：雖，假令也。雖，語助也。見廣韻禮記檀弓曰：雖微晉而已。言非獨晉而已也。

雖唯惟古竝通用。禮記少儀。雖有君賜。雜記。雖三年之喪可也。鄭注竝曰。雖或爲唯。表記。唯天子受命於天。注曰。唯當爲雖。字又作惟。史記淮陰侯傳。信再拜賀曰。惟信亦爲大王不如也。漢書惟作唯。字竝與雖同。又文十七左傳曰。雖敵邑之事君。何以不免。言惟敵邑之事君也。又曰。雖我小國。則蔑以過之矣。言惟我小國也。見竝

釋經  
詞傳

乃 迺 玉篇曰迺  
與乃同

說文曰。乃。曳詞之難也。段玉裁曰。曳有矯拂之意。曳其言而轉之。若而。若乃。皆是也。乃則其曳之難者也。經傳釋詞曰。春秋宣八年。日中而克葬。定十五年。日下昃乃克葬。公羊傳曰。而者何。難也。乃者何。難也。曷爲或言而或言乃。乃難乎而也。案乃與而對言之則異。禮記文王世子曰。文王九十七乃終。武王九十三而終。是也。散言之則通。儀禮燕禮。大夫不拜乃飲。鄭注曰。乃猶而也。襄七年左傳曰。吾乃今而後知有卜筮。乃今而後卽而今而後也。

乃發語詞也。書大禹謨曰：乃聖乃神。乃武乃文。

乃發聲也。禮記雜記曰：祝稱卜葬虞。夫曰乃。鄭注曰：乃某卜葬其妻某氏。正義曰：乃

者言之助也。見經傳釋詞

乃急詞也。大戴記夏小正篇：乃瓜。傳曰：乃者急瓜之辭也。見經傳釋詞

乃緩辭也。周禮秋官司寇曰：乃致事。注云：乃緩辭。書禹貢曰：作十有三載，乃同。引王

之曰乃猶然後也亦常語

乃轉語詞也。書康誥曰：有厥罪小，乃不可不殺。是也。亦常語。見經傳釋詞

乃繼事之詞也。書堯典曰：乃命羲和。王引之曰：乃猶於是也。常語也。

乃異之之詞也。詩山有扶蘇曰：不見子都。乃見狂且。是也。亦常語也。見經傳釋詞

乃猶則也。易繫辭傳曰：見乃謂之象。形乃謂之器。隱三年左傳曰：將立州吁，乃定之

矣。乃與則同義。故莊二十八年左傳：則可以威民而懼戎。晉語則作乃。又或以則

乃連文。書立政曰：謀面用丕訓德，則乃宅人。是也。見經傳釋詞

乃猶卽也。史記高祖本紀曰：呂公女乃呂后也。又曰：夫人所以貴者，乃此男也。衛康叔世家曰：使衛亂乃此矣。刺客列傳皆曰：非獨政能也。乃其姊亦烈女也。乃字竝與卽同義。

乃猶其也。經傳釋詞書多士曰：爾乃尙有爾土。爾乃尙寧幹止。爾乃爾其也。晉語：伯宗問曰：乃將若何。乃將其將也。今本無乃字據宋明道本補

乃猶是也。晏子春秋外篇公曰：吾聞之。五子不滿隅。一子可滿朝。非迺子邪。迺子是子也。見經傳釋詞韓詩外傳：母曰：乃汝無禮也。言是汝無禮也。下文云：是汝之無禮也。非婦無禮也。是其證。

乃猶如是也。莊子德充符篇：子產蹙然改容更貌曰：子無乃稱。乃猶如此也。如是也。言子不必如此說也。吾已慙忤矣。餘詳獨臥樓筆談王引之曰：乃猶是也。失之。

乃猶方也。裁也。莊十年穀梁傳曰：乃深其怨於齊。又退侵宋。以衆其敵。謂方深其怨於齊也。大戴記保傅篇曰：太子乃生。因舉之禮。賈子乃作初。呂氏春秋義賞篇曰：

天下勝者衆矣。而霸者乃五。高注乃猶裁也。義竝同。見經傳釋詞

乃猶皆也。史記高祖本紀曰。夜乃解縱所送徒曰。漢書乃作皆。

乃猶若也。孟子公孫丑篇曰。乃所願則學孔子也。莊子盜跖篇曰。小人殉財。君子殉名。其所以變其情易其性。則異矣。乃至於棄其所爲而殉其所不爲。則一也。乃字

竝與若同義。見經傳釋詞

乃猶且也。書大誥曰。若考作室既底法。厥子乃弗肯堂。矧肯構。厥父蕃。厥子乃弗肯播。矧肯穫。王引之曰。乃字竝與且同義。

乃猶寧也。襄三十年左傳。人謂子產就直助彊。子產曰。豈爲我徒。國之禍難。誰知所敝。或主彊直。難乃不生。姑成吾所。王引之曰。乃寧也。言禍難未知所敝。雖或主彊直之人。寧不生難乎。唯兩無所主。姑成吾所而已也。寧乃一聲之轉。故乃訓爲寧。寧亦訓爲乃。

乃猶及也。史記管蔡世家贊曰。乃乘軒者三百人。史錄云乃蘇秦列傳曰。及至布衣

之士國策及作乃。叔孫通列傳曰。於是高祖曰。吾迺今日知爲皇帝之貴也。迺亦及也。言吾及今日知爲皇帝之貴也。

乃如。亦轉語詞也。詩日月曰。乃如之人兮。蝦蟆曰。乃如之人也。見經傳釋詞

不乃。猶不亦也。莊子胠篋篇曰。然則鄉之所謂知者。不乃爲大盜積者也。者也與者乎同義

史記衛將軍傳曰。於以見爲人臣不敢專權。不乃可乎。言不亦爲大盜積者乎。不

亦可乎。餘詳否則下

何乃。猶不但也。史記李將軍列傳曰。今將軍尙不得夜行。何乃故也。言不但故將軍

不得夜行也。東越列傳曰。且舉咸陽而弃之。何乃越也。言不但弃越也。漢書嚴助

傳乃作但。是其證余。

而

而有用於句首者。若論語季氏篇曰。而謀動干戈於邦內。此承上轉下之辭也。之王曰

而者承上之詞或在句中或在句首其義一也常語也有用於句中者。若易曰。宜建侯而不寤。此語助辭也。

玉篇曰有用於句末者。若宣四年左氏傳曰，若敖氏之鬼，不其餒而。杜注云而史語助也

記孔子世家曰，已而已而。而猶今也今之從政者殆而。此語已辭也。漢書韋賢傳曰，我

雖鄙耆，心其好而。我徒侃爾。樂亦在而。師古曰，而句絕之辭。

而緩辭也。春秋宣公八年，雨不克葬。庚寅日中而克葬。穀梁傳曰，而緩辭也。足乎日

之辭也。參看乃字

而抑辭也。之抑又論語學而篇曰，不好犯上而好作亂者，鮮矣。

而因辭也。之因是論語學而篇曰，學而時習之。

而猶或也。墨子尚同篇曰，聞善而不善，皆以告其上。言聞善或不善也。公孟篇曰，此

同言而仁或不仁也。今本誤作而而亦或也。互交耳。與下文此同服或仁或不仁。

文義相同。

而猶如也。詩君子偕老曰，胡然而天也。胡然而帝也。毛傳曰，尊之如天。審視如帝。昭

四年左傳曰，牛謂叔孫見仲而何。杜注曰，而何如何也。齊策曰，而此者三。高注曰，

而如也。而與如同義。故二字可以互用。詩都人士曰。彼都人士。垂帶而厲。內則注引此而注

作如淮南汜論篇 彼君子女。卷髮如蠶。見經傳釋詞傳

而猶若也。若與如同聲。故而訓為如。又訓為若。大戴記衛將軍文子篇。孔子曰。而

商也。其可謂不險也。而商也與論語若由也同義。襄二十九年左傳曰。且先君而

有知也。與上文先君若有知也同義。而與若同義。故二字可以互用。詩猗嗟曰。頎

而長兮。抑若揚兮。而若皆然也毛傳釋詞美 莊子人間世篇曰。蘄乎而人善之。蘄乎

而人不善之邪。而人猶若人也。

而猶曾也。史記司馬相如傳曰。不若大王終日馳騁而不下輿。漢書而作曾。

而猶則也。墨子明鬼篇曰。非父則母。非兄而姒也。史記欒布傳曰。與楚則漢破。與漢

而楚破。皆以而則互用。見經傳釋詞傳 張儀傳曰。非楚而秦。非秦而楚。言非秦則楚。非楚

則秦也。列子楊朱篇曰。欲東而東。欲西而西。言欲東則東。欲西則西也。淮南原道

訓曰。至於若己者而同。高注云。至于如己者則同。不能勝也。

而猶乃也。大戴記曾子本孝篇曰：如此而成於孝子也。言如此乃成爲孝子也。檀弓曰：而曰然。鄭注：而猶乃也。哀四年左傳曰：如牆而進。多而殺二人。言乃殺二人也。宣十五年公羊傳曰：吾今取此。然後而歸爾。言然後乃歸也。莊十二年穀梁傳曰：國而曰歸。此邑也。其曰歸何也。言國乃曰歸也。見經傳釋詞史記吳太伯世家曰：爾而忘句踐殺汝父乎。言爾乃忘句踐之殺汝父也。玉篇曰：而乃也。

而猶以也。王念孫曰：楊儵注荀子彊國篇：而往猶已上也。上巳與下而前而後者皆放

此呂氏春秋去私篇：晉平公問於祁黃羊曰：南陽無令。其誰可而爲之。可而爲可

以爲也。見經傳釋詞史記項羽本紀曰：割鴻溝以西者爲漢。鴻溝而東者爲楚。而亦以

也。互文耳。

而猶與也。及也。論語雍也篇曰：不有祝鮀之佞。而有宋朝之美。難乎免於今之世矣。言有祝鮀之佞。與有宋朝之美也。而與聲之轉。故莊子外物篇：與其譽堯而非桀。

大宗師與作而。見經傳釋詞

而猶然也。書皋陶謨曰：啓呱呱而泣。言呱呱然泣也。見經傳釋詞

而猶能也。玉篇曰：而能也。墨子尙同篇曰：故古者聖人唯而審以尙同。文選注引作

能審以尙同。淮南原道訓曰：而以少正多。高注云：而能也。史記張儀傳曰：凡天下

而以信約從親相堅者蘇秦。而讀若能。

况 亦作况 况 兄 讀若 皇

廣韻曰：况，矧也。常語。見經傳釋詞

廣韻曰：况，匹擬也。楊倬注荀子非十二子篇曰：况，比也。顏師古注漢書高惠高后文

功臣表曰：况，譬也。亦常語。見經傳釋詞 史記貨殖傳曰：夫千乘之王，萬乘之侯，百寶之

君，尙猶患貧。而况匹夫編戶之臣乎。此以臣與王侯君相比况也。南史陶潛傳曰：其自序如此。蓋

以自况猶自比也

况猶與也。如也。閔二年左傳曰：與其危身以速罪也。晉語作况其危身於狄，以起讒

於內也。况也。與也。如也。竝與比擬之義相近。見經傳釋詞

況茲也。

見廣雅

滋也。益也。詩常棣曰：每有良朋。況也永歎。出車曰：僕夫況瘁。傳箋竝曰：

況茲也。

茲同

晉語曰：衆況厚之。又曰：今子曰中立。況固其謀也。韋注竝曰：況益也。

益亦滋也。

見釋詞傳

案詩桑柔曰：倉兄音況填兮。毛傳云：兄滋也。是兄況聲義竝同。

兄況古通。白虎通義曰：兄者況也。管子大匡篇曰：雖得天下。吾不生也。兄與我齊國

之政也。管子況多作兄。言雖得天下。吾尚不生。況與我齊國之政也。尹知章云：召

忽稱管仲爲兄。蓋不知段借之義。遂使上下文相因之指。不可尋求矣。侈靡篇曰：

逐神而遠熱。交解者不處。兄遺利。兄遺利況遺利也。尹知章云：雖有兄弟之親。亦

遺利而去。又失其指矣。漢樊毅華嶽廟碑云：公善必書。兄乃盛德。注云：兄與況同。

兄乃猶況乃也。史記建元以來年表序曰：況乃以中國一統。

皇況古通。書無逸曰：厥或告之曰：小人怨女詈女。則皇自敬德。漢石經皇作兄。王肅

本作況。注曰：況滋益用敬德也。案王說是也。古文作皇者。借字耳。

上文無皇作兄。石經亦作兄。秦

誓。我皇多有之。文十二年公羊傳作而況乎我多有之。尚書大傳曰：君子之於人

也。有其語也。與不聽者。皇於聽獄乎。鄭注曰。皇猶況也。是況皇古多通用。釋詞傳

### 矧 詛 狀

爾雅曰。矧況也。王引之曰。常語之說。文曰。狀況誓也。段注曰。況當作兄。古今音殊。乃或假況。兄

內言外今俗所云。已如是。况又如是也。尙書多用矧字。 玉篇曰。詛况也。或作矧。書曰。矧予惟喪茲德。詩曰。矧

可射思。漢書敘傳曰。矧乃齊民。作威作惠。謝瞻詩曰。絲路有恆悲。矧迺在吾愛。矧

乃。矧迺。猶言况乃也。

矧猶亦也。書康誥曰。元惡大憝。矧惟不孝不友。言元惡大憝者。亦惟此不孝不友之

人。見釋詞傳

矧猶又也。書大誥曰。寧王惟卜用。克綏受茲命。今天其相民。矧亦惟用卜。王引之曰。

言又亦惟用卜也。

### 抑 意 億 噫 懿

抑。發語詞也。昭十三年左傳。晉侯使叔向告劉獻公曰。抑齊人不盟若之何。晉語。若

成叔子曰、抑年少而執官者衆。吾安容子。或作噫。意。詩十月之交曰、抑此皇父。釋文引韓詩曰、抑意也。莊子大宗師篇、許由曰、噫未可知也。釋文曰、噫崔云辭也。本亦作意。見經傳

抑、疑詞也。昭八年左傳曰、抑臣又聞之。杜注曰、抑疑詞。王引之曰、常語也。

抑、亦然之詞。詩大叔于田曰、抑磬控忌。抑縱送忌。孟子梁惠王篇曰、抑爲采色不足視於目與。

抑、詞之轉也。字亦作意。論語學而篇、求之與。抑與之與。漢石經抑作意。墨子明鬼篇曰、豈女爲之與。意鮑爲之與。莊子盜跖篇曰、知不足邪。意知而力不能行邪。意竝與抑同。字又作億。又作噫。又作懿。聲義竝同也。書金縢曰、二公及王乃問諸史與百執事。對曰、信。句噫公命我勿敢言。王念孫曰、言信有此事。抑公命我勿敢言之也。釋文曰、噫馬本作懿。

猶億也。見經傳

抑、猶然而也。左氏傳宣公十一年曰、抑人亦有言曰、牽牛以蹊人之田而奪之牛。言

然而諺亦有言曰、牽牛以蹊人之田而田主乃奪其牛也。昭公元年曰、抑此二者不及君身。言然而此實沈臺駘二神者不及君身也。

抑亦、意亦、億亦、噫亦、亦詞之轉也。王引之曰、抑亦、亦詞之轉也。昭三十年左傳曰、其抑亦將卒以祚吳乎。論語子路篇曰、抑亦可以為次矣。是也。或作意亦、或作噫亦、或作億亦。聲義竝同也。易繫辭傳曰、噫亦要存亡吉凶。則居可知矣。大戴禮武王踐阼篇曰、黃帝顓頊之道存乎。意亦忽不可得見與。秦策曰、誠病乎。意亦思乎。史記吳王濞傳曰、億亦可乎。漢書作意亦。字竝與抑亦同。

顧

顧發語詞也。漢書食貨志贊曰、顧古為之有數。吏良而令行。

顧猶乃也。後漢書馬援傳曰、卿非刺客。顧說客耳。

晉書宣帝紀曰此非以為榮乃分憂耳唐書李泌傳泌曰臣非管既

往乃欲陛下  
儻將來耳

齊策曰、夫韓魏之兵未弊而我救之。是我代韓受魏之兵。顧反受命於韓也。史記蕭相國世家曰、蕭何未嘗有汗馬之勞。顧反居臣等上。顧猶乃也。言

乃反受命於韓。乃反居臣等上也。趙世家曰然趙氏真孤乃反在曹王引之曰顧與反同義。故又以顧反連文。失之矣。淮南兵略訓曰顧反於國。放旗以入斧鉞。言乃反於國也。說山訓曰欲致之顧反走。言乃反走也。人閒訓曰門者出之顧反取其出之者以戈推之。攘袂薄腋。言乃反取其出之者以戈推之也。下文云爲之蒙罪。而乃反傷我。是其證矣。

顧猶反也。秦策曰今三川周室之市朝也。而不爭焉。顧爭於戎狄。高注曰顧反也。經見

傳釋史記絳侯周勃世家曰今居一小縣。顧欲反耶。季布列傳曰僕游揚足下之名於天下。顧不重邪。汲黯列傳曰夫以大將軍有揖客。反不重邪。文義正同。故漢

書反作顧。

顧猶但也。禮記祭統曰是故上有大澤則惠必及下。顧上先下後耳。案疏云言但尊

者處後耳王燕策曰吾每念常痛於骨髓。顧計不知所出耳。史記越世家曰彼非

不愛其弟。顧有所不能忍者也。見經傳

顧猶必也。大戴禮禮察篇曰：先王執此之正，堅如金石，行此之信，順如四時，處此之公，無私如天地爾。豈顧不用哉？史記張耳陳餘傳贊：張耳陳餘始居約時，相然信以死，豈顧問哉？王引之曰：豈顧豈必也。

然而

然而，亦詞之轉也。孟子公孫丑篇曰：夫二子之勇，未知其孰賢，然而孟施舍守約也。王引之曰：今人用然而二字，與此同義。

然而，詞之承上而轉者也。猶言如是而也。考工記曰：材美工巧，然而不良，則不時不得地氣也。儀禮喪服傳曰：故昆弟之義無分，然而有分者，則辟子之私也。孟子梁惠王篇曰：七十者衣帛食肉，黎民不飢不寒，然而不王者，未之有也。王引之曰：以上言然而者

皆謂如是而也，今人用然而二字，則與此異義。

然而猶然則也。晉語對曰：然而多聞以待能者，不猶愈也。邪也，與同然而然則也。燕策：然而王何不使布衣之人，以窮齊之說說秦。史記蘇秦傳：然而作然則。漢書鄒陽傳：

然而計議不得。雖諸賁不能安其位。亦明矣。文選亦作然則。見經傳釋詞

然後 然后 而後 而后 終後

然後、而後也。乃也。常語也。見經傳釋詞管子心術篇曰、意然後形。形然後思。思然後知。內

業篇曰、生乃思。思乃知。文義相同。史記封禪書曰、天子被然后入。孝武本紀然后作然後。又曰、而後禪肅然。孝武本紀而後作而后。后後古通用。左氏傳僖公二十三年曰、待我二十五年。不來而後嫁。史記晉世家作不來乃嫁。或但謂之後。墨子公孟篇曰、扶後起。杖後行。言扶而後起。杖而後行也。史記淮陰侯傳曰、樵蘇後爨。言樵蘇而後爨也。法言序云、終後誕章乖離。諸子圖徽。終後。猶然後也。言然後大章乖離也。

然則 然即

然則、然猶如是也。承上之詞。則猶即也。過下之詞。承上過下之詞。即承上文而直斷之之詞也。孟子梁惠王篇曰、然則小固不可以敵大。寡固不可以敵衆。弱固不可

以敵強。公羊傳曰：然則何言爾。成公意也。

然則猶然而也。荀子榮辱篇曰：夫貴爲天子，富有四海，是人情之所同欲也。然則從人之欲，則勢不能容，物不能贍也。史記封禪書曰：然則怪迂阿諛苟合之法自此興。王引之曰：然則皆謂然而也。

然則疑問之辭。莊子天地篇曰：然則俗故嚴於親而尊於君邪。公羊傳曰：然則紀有母乎。曰有。

然即猶然則也。墨子非樂篇曰：然即當同與爲之撞巨鐘。擊鳴鼓。彈琴瑟。吹竽笙而揚干戚。民衣食之財。將安可得而具乎。即我以爲未必然也。安猶於是也王引之曰：即與則同。墨子則字多作即。

否則 不即 不者 不且 不乃 不如

否則不即不者不且不乃不如皆反上過下之詞也。史記張耳陳餘列傳曰：將軍今以三千人下趙數十城。獨介居河北。不王無以填之。且陳王聽讒。還報。恐不脫於

禍。又不如立其兄弟。不卽立趙後。言否則立趙後也。越王勾踐世家曰。范蠡乃鼓進兵曰。王已屬政於執事。使者去。不者且得罪。言否則且得罪也。齊悼惠王世家曰。齊趣下三國。不且見屠。言否則見屠也。天官書曰。其國得土。不乃得女。又曰。其國失土。不乃失女。又曰。不乃大水。又曰。不乃天裂若地動。不乃竝與否則同義。淮南王傳曰。上無太子。宮車卽晏駕。廷臣必徵膠東王。不如常山王。王引之曰。言廷臣必徵膠東王。否則常山王也。漢書作不卽常山王。卽亦則也。

雖然

雖然。頓住上文而另轉下文之詞。莊子徐無鬼篇。黃帝曰。夫爲天下者。則誠非吾子之事。雖然。請問爲天下。

不然 非然

不然。非然。猶言若反掉上文而論斷之之詞也。莊子大宗師篇曰。不然。以聖人之道。告聖人之才。亦易矣。吾猶守而告之。史記趙世家曰。非然。孰敢作難。

若夫 及夫 乃若 至如 至若 彼夫

若夫、及夫、乃若、至如、至若、彼夫、皆別指他人他事而言之也。易繫辭傳曰：若夫雜物

撰德。辯是與非。則非其中爻不備。若夫承上文初上二爻而來。是承上轉下之詞

也。此與發語詞若夫不同。故王引之曰：若夫轉語詞也。史記太史公自序曰：法家不別親疎，不殊貴賤。一斷

於法。則親親尊尊之恩絕矣。可以行一時之計。而不可長用也。故曰嚴而少恩。若

尊主卑臣。明分職不得相踰越。雖百家弗能改也。若亦若夫也。名家苛察繳繞。使人不

得反其意。專決於名而失人情。故曰使人儉而善失真。若夫控名責實。參伍不失。

此不可不察也。禮樂記曰：樂極則憂。禮粗則偏矣。及夫敦樂而無憂。禮備而不偏

者。其唯大聖乎。王念孫曰：及夫若夫也。見經傳釋詞。列子黃帝篇曰：乃若夫沒人則未

嘗見舟而謬操之也。乃若轉語詞也。史記游俠傳曰：至如閭巷之俠。脩行砥名。聲

施於天下。莫不稱賢。是爲難耳。至如猶至若也。又曰：至若北道姚氏。西道諸杜。南

道仇景。東道趙他。羽君子南陽趙調之徒。此盜跖居民間者耳。曷足道哉。此乃鄉

者朱家之羞也。

俄而 蛾而 既而

俄而、我頃也。公羊傳曰、俄而可以爲其有矣。何休注云、俄者謂須臾之間、創得之頃也。莊子大宗師篇曰、俄而子輿有病。至樂篇曰、俄而柳生其左肘。韓詩外傳曰、俄而厲人以東野畢馬、敗聞矣。漢書外戚傳曰、蛾而大幸。如淳曰、蛾無幾之頃也。師古曰、蛾與俄同。古字通用。竹書紀年曰、既而執諸塞庫。韓非說難曰、既而彌子之母病。既而俄而也。

俄而、猶言假如也。法言問神篇曰、天俄而可度、則其覆物也淺矣。地俄而可測、則其載物也薄矣。王念孫云、俄而言之言假如也。言天假如可度、則覆物必淺。地假如可測、則載物必薄也。俄與假聲近而義同。

俄而曰、既而曰、義竝同。法言吾子篇、俄而曰壯夫不爲也。公羊傳、既而曰若此乎。

已而

已而、已字承上文而言。猶言此而也。莊子齊物論篇曰、已而不知其然謂之道。言此而不知其然也。養生主篇曰、已而爲知者。殆而已矣。言此而爲知者也。戴東原之說

今也 今焉 今則 今乃

今也、今焉、今則、今乃者。已說前時之人物之事理而轉到此時之人物之事理。則用此類之辭。若孟子梁惠王篇曰、今也制民之產。此上言明君制民之產。而轉到時君制民之產也。莊子則陽篇曰、今則不然。匿爲物而愚不識。大爲難而罪不敢。重爲任而罰不勝。遠其塗而誅不至。此上言古之君人而轉到今之君人也。

必也

必也、反上文而決斷之之辭。論語顏淵篇曰、必也使無訟乎。子路篇曰、必也狂狷乎。法言君子篇曰、必也儒乎。乍出乍入。淮南也。

如有 有如 若有

如有、有如、若有、擬度之辭也。史記袁盎列傳曰、如有馬驚車敗。陛下縱自輕。奈高廟

太后何。商君列傳曰：公叔病，有如不可諱，將奈社稷何？韓長孺列傳曰：有如太后宮車卽晏駕，大王尙誰攀乎？吳太伯世家曰：若有他樂，吾不敢觀。

意者 抑者 噫者。

意者抑者、噫者，皆擬度之辭也。史記越王勾踐世家曰：意者亦欲如會稽之赦孤臣之罪乎。范睢列傳曰：意者臣愚而不概於王心耶。亡其言臣者賤而不可用乎。其亡

詞轉語也

司馬相如列傳曰：意者其殆不可乎。列子說符篇曰：意者難可以濟乎。韓詩

外傳曰：意者中國有聖人乎。盍往朝之。經傳釋詞曰：意者亦疑詞也。管子小問篇曰：意者君乘駿馬而泝桓迎日而馳乎。晏子雜篇曰：意者非臣之罪乎。墨子公孟篇曰：意者先王之言有不善乎。莊子天運篇曰：意者其有機緘而不得已耶。意者其運轉而不能自止耶。意者或作抑者。漢書敘傳曰：其抑者從橫之事復起於今乎。是也。意者之言或者也。故易乾文言曰：或之者，疑之也。廣雅曰：意疑也。韓詩曰：抑意也。杜注左傳曰：抑疑辭。義竝同矣。登澥案意者亦作噫者。法言五百篇曰：噫

者吾於觀庸耶。是也。

或者 或諸

或者、或諸、亦擬度之辭也。較虛者孟子公孫丑篇曰、昔者辭以疾。今日甲。或者不可

乎。淮南精神訓曰、或者生乃徭役也。而死乃休息也。禮記郊特牲曰、不知神之所

在。於彼乎。於此乎。或諸遠人乎。王引之曰 或諸即或者是也。

其諸 其者 其與若與歟

其諸、亦擬議之詞也。桓六年公羊傳、其諸以病桓與。何注曰、其諸辭也。論語學而篇

曰、其諸異乎人之求之與。見經傳 釋詞漢書燕刺王且傳曰、其者寡人之不及與。(師

古曰、與讀曰歟) 意亦子大夫之思有所不至乎。其者即其諸也。意亦即抑亦也。

法言重黎篇曰、其者未辯與。其者亦其諸也。昭十七年左傳曰、其與不然乎。補正

引邵氏曰、其與語辭。猶曰其諸。是也。

或曰

或曰、設爲他人之言而答以己意也。韓非難解、皆設爲或曰以明之。或曰雍季之對、不當文公之間。或曰管仲所以告桓公者、非有度之言也。是也。漢書禮樂志曰、或曰不能具禮。師古曰、或曰者。劉向設爲難者之意而後答釋也。

借曰 藉曰

借曰、藉曰、假設之詞也。詩抑曰、借曰未知。毛傳云、借、假也。鄭箋云、假令人云王尙幼少。未有所知。漢書霍光傳引作藉曰未知。小爾雅曰、藉、借也。

若曰 而曰 迺曰 乃曰

小爾雅曰、若、乃也。玉篇曰、而、乃也。爾雅曰、迺、乃也。故若曰、而曰、迺曰、乃曰、義竝同也。王引之曰、若曰猶乃曰也。書稱王若曰、微子若曰、父師若曰、周公若曰者、竝與乃曰同義。見經傳釋詞史記孝文本紀曰、而曰豫建太子。是重吾不德也。而曰必子。人其以朕爲忘賢有德者。而專於子。非所以憂天下也。朕甚不取也。而曰竝與乃曰同義。酈生列傳曰、迺曰汝能止漢軍。我活汝。迺曰卽乃曰也。項羽本紀曰、乃曰承其

敵。刺客列傳曰，乃曰高漸離也。

不甯唯是

不甯唯是，跟上文而引申之之辭。猶言不直此也。不但此也。左氏傳昭公元年曰，若野賜之。是委君貺於草莽也。是寡大夫不得列於諸卿也。不甯唯是。又使圍蒙其先君。王引之曰不甯唯是也甯語助耳言不但委君貺於草莽寡大夫不得列於諸卿而已。且使圍欺其先君也。杜注曰蒙欺也

卷四

助語詞第四

之

之。(一)助語也。若詩蓼莪曰：鮮民之生，不如死之久矣。言不如死久矣也。僖二十四

年左傳：介之推。杜注曰：之語助。凡春秋人名中有之字者皆放此。(二)發聲也。禮記射義：公罔之

裘。鄭注曰：之發聲也。以上並見經傳釋詞。(三)有所指之詞。若孟子滕文公篇曰：湯使人問

之。言使人問葛伯。此指人也。論語公冶長篇曰：老者安之，朋友信之，少者懷之。此

指事也。王引之曰：之指事之詞也。若左右流之，之屬是也。常語。(四)連屬之詞。若詩在河之洲，是也。王引之

之，問也。若在河之洲，是也。常語也。郝敬通曰：凡言之者，物有所指，事有所屬，地有所往，連屬之

辭也。

之，是也。見玉篇。此也。管子山權數篇曰：之龜爲無賞。尹知章注云：之是也。詩殷武曰：四

方之極。之亦是也。故後漢書樊準傳引作四方是則。韓詩外傳曰。邦人奉觴再拜曰。使吾君固壽。金玉之賤。人民是寶。之亦是也。互文耳。

之猶諸也。史記董仲舒傳。少則習之學。長則材諸位。之亦諸也。互文耳。王引之曰。之諸一聲之轉。故詩伐檀篇。實之河之側兮。漢書地理志。實之作寘諸。襄二十六年左傳。棄諸堤下。五行志。棄諸作棄之。

之猶者也。史記吳太伯世家曰。從而歸之千餘家。通志之作者。

之猶於也。諸之一聲之轉。諸訓爲於。故之亦訓爲於。禮記大學曰。人之其所親愛而辟焉。言於其所親愛而辟也。見經傳釋詞墨子修身篇曰。譖惡之言。無入于耳。批扞之

聲。無出之口。之亦于也。互文耳。淮南主術訓曰。作之上古。言作於上古也。史記留侯世家曰。捐之此三人。則楚可破也。言捐於此三人也。

之。其也。呂氏春秋音初篇注曰。之其也。書西伯戡黎曰。殷之卽喪。言殷其卽喪也。子微其論喪。詩旄邱曰。旄邱之葛兮。何誕之節兮。上之字句中語助也。下之字則訓爲

其言旄邱之葛。何疏闊其節而不相附。毛傳曰以喻衛之諸臣。何多日而不相救

也。見經傳左氏傳宣十五年曰。天奪之魄矣。言天奪其魄也。史記淮南王傳曰。趙

王獻之美人。言獻其美人也。

之猶而也。史記趙世家曰。見西王母。樂之忘歸。言樂而忘歸也。五宗世家曰。山東諸

儒多從之游。漢書之作而。詩鶉之奔奔篇曰。人之無良。韓詩外傳之作而。淮南汜

論訓曰。則不待戶牖之行。御覽之作而。竝其證矣。

之猶若也。書牧誓曰。牝雞之晨。惟家之索。言牝雞若晨也。成二年左傳曰。大夫之許。

寡人之願也。若其不許。亦將見也。上言之而下言若之亦若也。互文耳。見經傳

之猶則也。僖九年左傳曰。東略之不知。西則否矣。晉語曰。華則榮矣。實之不知。之亦

則也。互文耳。見經傳

之猶與也。書立政曰。其勿誤于庶獄。惟有司之牧夫。謂有司與牧夫也。考工記梓人

曰。必深其爪。出其目。作其鱗之而。謂作其鱗與而也。而頰毛也。見經傳

之猶兮也。昭二十五年左傳曰：鸛之鶴之。公出辱之。王引之曰：三之字並與兮同義。

見經傳  
釋詞

之猶焉也。哀二十五年左傳曰：君將殺之。玉篇引作君將殺焉。

旃

旃，之也。焉也。詩陟岵曰：上慎旃哉。毛傳曰：旃，之也。采芘曰：舍旃舍旃。箋曰：旃之言焉

也。舍之焉。舍之焉。之旃聲相轉。旃焉聲相近。旃又爲之焉之合聲。見經傳  
釋詞

諸

諸，與於而略虛字。亦歇語詞也。論語先進篇曰：子張問聞斯行諸。諸猶乎也。爾雅小孟子

梁惠王篇曰：文王之囿，方七十里。有諸，諸猶之乎也。王引之曰：諸之乎也。急言有

諸猶言有之乎也。凡此皆審問而未定之詞法言君子篇曰：或問人言仙者，有諸乎。是有諸之  
後亦可加

又曰：人必其自愛也。然後人愛諸。人必自敬也。然後人敬諸。諸猶之也。與上文

人必先作。然後人名之。先求。然後人與之。文法一律。下文云：未有不自愛敬而人

愛敬之者也是其證矣。又可用於句中。左氏傳僖公四年曰君其問諸水濱。史記

齊太公世家諸作之。也廣韻諸之也旂也儀禮鄉射禮曰則薦諸其席。鄭注云諸於也。

諸非一也。見倉頡篇凡也。莊子至樂篇曰諸子所言猶言凡子所言也。史記匈奴傳曰諸

所言者。單于特空給王烏。殊無意入漢及遣太子來質。漢書魏其傳曰諸所與交

通。無非豪傑大猾。

諸猶者也。爾雅釋魚曰前弁諸果。後弁諸獵。言前弁者果。後弁者獵也。上言俯者靈

仰者謝。下言前弁諸果。後弁諸獵。諸亦者也。互文耳。段玉裁曰諸即者是也

諸語助也。文五年左傳。臯陶庭堅不祀。忽諸。服注曰諸辭也。見經傳釋詞

以己日。目或作君書以或作己鄭注禮記檀弓曰以與己字本同見經傳釋詞是也

說文曰以用也。詩板曰勿以爲笑。荀子以作用是也。王引之曰以語詞之用也。書堯

典曰以親五族是也。常語也。

廣雅曰、以與也。儀禮鄉射禮曰、主人以賓揖。又曰、各以其耦進。今文以大射儀曰、

耦左還。箋注竝曰、以猶與也。釋見經傳史記留侯世家曰、陛下起布衣、以此屬取天

下。漢書以作與。滑稽列傳曰、行謝主人故所以同官待詔者等比。所以猶所與也。

玉篇曰、以爲也。詩瞻卬曰、天何以刺。言天何爲刺也。凡經傳言何以若此者、皆謂何

爲若此也。亦常語。釋見經傳鼓鐘曰、以雅以南。以籥不僭。毛傳云、爲雅爲南也。是以

猶爲也。雅、南、樂名耳。

以由也、亦常語。漢書劉向傳注曰、自由也。大戴禮子張問入官篇曰、忿數者獄之所

由生也。距諫者慮之所以塞也。以亦由也。釋見經傳互文耳。

以猶爲也。釋去也。左氏傳定公十年曰、所以事君。封疆社稷是以。杜注云、以猶爲也。

以猶謂也。齊策曰、臣之妻私臣。臣之妾畏臣。臣之客有求於臣。皆以美於徐公。王引

之曰、言皆謂美於徐公也。

以使也。秦策曰、向欲以齊事王。

以猶及也。易小畜九五曰：富以其鄰。虞翻注曰：以及也。秦六四謙六五並不當以其鄰。泰初九曰：

拔茅茹以其彙。言及其彙也。周語引湯誓曰：余一人有罪，無以萬夫。言無及萬夫

也。見經傳釋詞

以猶而也。易泰六四曰：不戒以孚。猶繫辭傳言不疾而速，不行而至也。禮記樂記曰：

治世之音安以樂。亂世之音怨以怒。亡國之音哀以思。以字竝與而同義。昭十一

年左傳曰：桀克有緡。以喪其國。紂克東夷。而隕其身。以亦而也。互文耳。見經傳釋詞

以猶乃也。淮南俶眞訓曰：其用之也以不用。其不用也而後能用之。其知也乃不知。

其不知也。而後能知之也。以亦乃也。互文耳。言其用之也乃不用。乃與而聲近。故

以訓爲而。又訓爲乃也。文子精誠篇曰：其得之也。乃失之也。其失之也。乃得之也。

文義相似。

以猶已也矣也。楚策曰：黃雀因是以。猶言黃雀因是已。史記天官書曰：蓋略以。猶言

蓋略矣。以字皆語已辭也。

以猶既也。詩良耜曰，以藝茶蓼。說文引作既，蓀茶蓼。

以猶因也。史記秦始皇本紀曰，始皇曰，天下共苦戰鬪不休，以有侯王。西南夷列傳

曰，以此巴蜀殷富，匈奴列傳曰，以不能取容當世，故終身不仕，以字竝與因同義。

以猶故也。列子周穆王篇曰，宋人執而問其以，言執而問其故也。史記秦始皇本紀曰，使者問其故。

墨子法儀篇曰，此以莫不撈牛羊，豢犬豬，絜為酒醴粢盛，以敬事天。上以字與故

同義。猶言所以也。天志篇曰，故莫不撈牛羊，豢犬豬，絜為粢盛酒醴，以祭祀上帝，鬼神而求所福於天，正與此同。

以己古通。已既也。史記留侯世家曰，殷事以畢。蕭相國世家贊曰，淮陰黥布等皆以誅

滅。

似以古通。老子上篇，衆人皆有以，而我獨頑似鄙。俞樾曰，似當讀為以。古字通用。易

明夷彖傳，文王以之。釋文曰，以荀向本作似。詩旄邱篇，必有以也。儀禮特牲饋食

禮篇注引作必有似也。竝其證也。而我獨頑以鄙，六字為句。頑以鄙，猶言頑而鄙

也。見老子平議

用

用詞之以也。一切經音義七引蒼頡篇曰、用以也。以用一聲之轉。故春秋一經、公羊

傳釋之。皆言何以。穀梁傳則或言何用。桓十五年傳曰何用見其未書皋陶謨曰、

侯以明之。撻以記之。書用識哉。用亦以也。互文耳。釋見經傳史記外戚世家曰、用無

子故廢耳。李將軍列傳曰、用此其將兵數困辱。司馬相如列傳曰、何爲無用應哉。

漢書用作以用字竝與以同義。

用、詞之由也。詩君子陽陽傳曰、由、用也。由可訓爲用。用亦可訓爲由。一聲之轉也。禮

記禮運曰、故謀用是作。而兵由此起。用亦由也。互文耳。見經傳釋詞

用詞之爲也。詩雄雉曰、不忮不求。何用不臧。王引之曰、言何爲不臧也。用以爲皆一

聲之轉。故何以謂之何用。何爲亦謂之何用。

允

允猶用也。語調亦書堯典曰、允釐百工。皋陶謨曰、允迪厥德。又曰、庶尹允諧。猶言神人以和大

誥曰、允蠶鰥寡。論語堯曰篇引堯書曰、允執其中。襄二十一年傳引夏書曰、念茲在茲。釋茲在茲。名言茲在茲。允出茲在茲。允字竝與用同義。詩大明曰、聿懷多福。春秋繁露郊祭篇引作允懷多福。此蓋出三家詩班固明是允為語詞也。後人但知允之為信。而不知其又為語詞。故訓釋多有未安。釋見經傳

允猶以也。墨子明鬼篇引商書曰、百獸貞蟲。允及飛鳥。莫不比方。言百獸貞蟲以及飛鳥也。以與用同義。故允可訓為用。亦可訓為以。說文曰、允從凡目聲。目用允一

聲之轉耳。釋見經傳

允發語詞也。詩時邁曰、允王維后。言王維后也。又曰、允王保之。言王保之也。允語詞耳。武曰、於皇武王。無競維烈。允文文王。克開厥後。允文與於皇對文。則允為語詞益明。泮水曰、允文允武。允亦語詞。猶逸書言乃神乃武乃文耳。見呂氏春秋大篇箋皆訓允為信。失之。釋見經傳

迪

迪詞之用也。

書牧誓昏棄厥遺王父母弟不迪史記周本紀不迪作不用迪爲不用之用又爲語詞之用義相因也

書臯陶謨曰咸建

五長各迪有功。言各用有功也。大誥曰亦惟十人迪知上帝命。言惟此十人用知

上帝命也。

王肅曰天命十夫用知天命十康誥曰今惟民不靜。未戾厥心。迪屢未同。多方曰爾乃迪

屢不靜。亦謂用屢未同。用屢不靜也。

見經傳釋詞

迪發語詞也。書盤庚曰迪高后不乃崇降弗祥。言高后不乃崇降不祥也。

上文曰高后丕乃崇

降罪

迪語詞耳。君奭曰迪惟前人施于我冲子。立政曰古之人迪惟有夏。兩迪字

亦是語詞。

見經傳釋詞

迪句中語助也。書酒誥曰又惟殷之迪諸臣惟工是也。

見經傳釋詞

率

率用也。詩思文曰貽我來牟。帝命率育。毛傳曰率用也。案帝命率育。謂天命用此來

牟養萬民也。

見經傳釋詞

率語助也。王念孫曰率語助也。文選江賦注引韓詩章句曰聿辭也。聿與率聲近而

義同。書君奭曰、率惟茲有陳保父有殷。陳、道也。言率惟茲有道諸臣能保父有殷也。率語助耳。

式

式詞之用也。詩斯干曰、式相好矣。是也。常語也。釋見經傳

式發聲也。爾雅曰、式微式微者。微乎微者也。詩式微箋用爾雅云、式發聲也。釋見經傳

於

廣雅曰、於、于也。常語也。亦有於句中倒用者。書酒誥曰、人無於水監。當於民監。猶言

無監於水、當監於民也。僖九年左傳曰、入而能民。土於何有。言何有於土也。凡言於何

放此有者昭十九年傳曰、其一二父兄。私族於謀而立長親。言私謀於族也。又曰、諺所

謂室於怒而市於色者。楚之謂矣。言怒於室而色於市也。釋見經傳

於猶在也。見呂氏春秋期覽篇高注易繫辭傳曰、易之興也。其於中古乎。此亦常語論語先進篇曰、由

之瑟奚爲於丘之門。言由之瑟何以在我之門也。釋見經傳

於猶如也。莊子大宗師篇曰：陰陽於人，不翅於父母。翅與啻同。言不啻如父母也。蓋

曰不啻如自其口出燕策曰：且非獨於此也。見經傳釋詞史記趙世家曰：齊景公使晏嬰於晉。通

志於作如。

於猶之也。昭四年左傳曰：亡於不暇。又何能濟。言亡之不暇也。十年曰：王貪而無信。

唯蔡於感。言唯蔡之恨也。見經傳釋詞史記梁孝王世家曰：於是梁王伏斧質於闕下

謝罪。漢書於作之。是其證余。

於猶爲也。此爲字讀平聲孟子離婁篇曰：寇至則先去。以爲民望。寇退則反。殆於不可。言殆

爲不可也。於與爲同義。故姚本東周策。夫秦之爲無道也。秦策。楚亦何以軫爲忠

乎。鮑本爲竝作於。史記張儀傳。韓梁稱爲東藩之臣。趙策爲作於。見經傳釋詞

於猶爲也。此爲字讀去聲老子上篇曰：故貴以身爲天下。若可寄天下。愛以身爲天下。若可

託天下。若子在宥篇作故貴以身於天下。則可以託天下。愛以身於天下。則可以

寄天下。王引之曰：於天下卽爲天下也。

於語助也。易繫辭傳曰：於稽其類。書堯典曰：黎民於變時雍。詩靈臺曰：於物魚躍。是也。見經傳釋詞

於發聲也。左氏春秋定公五年：於越入吳。杜注曰：於發聲。正義曰：夷言有此發聲。是也。見經傳釋詞

於音烏歎辭也。詩清廟曰：於穆清廟。毛傳云：於歎辭也。尚書大傳曰：於者歎之也。穆者敬之也。

於于古通。詩雲漢曰：昭回于天。春秋繁露于作於。

于 于 古文玉篇于也曰也

于（一）發語聲也。周書王會篇曰：於越納於越。越也。補曰：春秋定哀三書於越。漢書于越注：于發語聲。戎蠻之間則然。于越猶勾吳也。納謂納貢。（二）句中指事字。若孟子：邑于岐山之下居焉。（三）亦有於句中倒用者。若詩崧高曰：四國于蕃。四方于宣。言蕃于四國宣于四方也。王之說引（四）未定之詞。若公羊傳僖公二十八年

曰、歸于者何。歸于者。罪未定也。(五)連及之詞。曰于猶越也。與也。廣雅曰。越小正傳。書康誥。

曰、告女德之說于罰之行于與也。行道也。言告汝德之說與罰之道也。釋見經傳。

爾雅曰、于、曰也。曰古讀若聿。字本作吹。或作曰。或作聿。聿于一聲之轉。黃鳥于飛。詩

單黃鳥聿飛也。王于出征。六月王聿出征也。聿曰古字通。故爾雅訓于爲曰也。箋解

王于出征曰、王曰令女出征玃狁。則是以爾雅之于曰也爲論語子曰之曰。失其

指矣。釋見經傳。

儀禮士冠禮鄭注曰、于猶爲也。此爲字。讀平聲。昭十九年公羊傳曰、賊未討。何以書葬。不成

于弑也。言不成爲弑也。史記秦始皇帝紀曰、請刻于石表。垂于常式。言垂爲常式

也。三王世家、封齊王策曰、惟命不于常。褚少孫釋之曰、惟命不可爲常。釋見經傳。

于猶爲也。此爲字。讀去聲。孟子萬章篇曰、惟茲臣庶。女其于予治。于爲也。爲助也。趙注曰、惟

念此臣衆。女故助我治事。是也。釋見經傳。

于猶如也。易繫辭傳曰、易曰、介于石。不終日。貞吉。介如石焉。寧用終日。斷可識矣。是

介于石即介如石也。于與於古字通。故兩字皆可訓為爲。亦皆可訓為如。釋見經傳

于猶是也。詩出車曰：玁狁于襄。玁狁于夷。言玁狁是襄、玁狁是夷也。釋見經傳

于猶乎也。其在句中者常語也。亦有在句末者。呂氏春秋審應篇曰：然則先生至于。

高注曰：于乎也。列子黃帝篇曰：今女之鄙至此乎。釋文曰：乎本作于。莊子人間世

曰：不爲社者。且幾有翦乎。釋文曰：乎崔本作于。是也。又爲歎美之詞。論語爲政篇

孝乎惟孝。釋文及漢石經乎竝作于是也。釋見經傳易繫辭傳：子曰：易其至矣乎。況

其邇者乎。可不慎乎。阮元曰：古本乎竝作于。

于歎辭也。玉篇 于歎也史記呂后本紀曰：于嗟不可悔兮。寧蚤自財。自財猶自裁。謂寧蚤

自殺也。詩雲：漢曰：先祖于摧。鄭箋云：摧當作嚙。嚙嗟也。先祖之神于嗟乎。告困之

辭。

都

爾雅曰：都於也。於字讀孟子萬章篇曰：謨蓋都君。咸我績。趙注用爾雅。史記司馬相如

傳曰、揆厥所元。終都攸卒。集解引漢書音義與趙注同。都諸聲相近。故諸訓爲於。都亦訓爲於。而孟諸字又作明都也。見經傳釋詞

都歎詞也。書堯典、驩兜曰都。某氏傳曰、都於音鳥。嘆美之辭。故臯陶謨、臯陶曰都。史記

夏本紀都作於。見經傳釋詞

### 爰

玉篇曰、爰、爲也。書洪範曰、水曰潤下。火曰炎上。木曰曲直。金曰從革。土爰稼穡。史記世

家作土曰稼穡。曰與爰皆爲也。互文耳。見經傳釋詞顏師古注漢書五行志曰、爰亦曰也。種之

曰稼。收聚曰穡。

爾雅曰、爰曰也。曰與吹同。字或作聿。說文見吹聿爰一聲之轉。爰有寒泉。詩凱聿有寒

泉也。聿曰古字通。鄭箋用爾雅爰曰也之訓。是也。而多釋爲論語子曰之曰。則失

其指矣。縣之詩曰、爰及姜女。聿來胥宇。爰與聿互文。見經傳釋詞

爾雅曰、爰于也。又曰、爰於也。于與於同義。書盤庚曰、綏爰有衆。是也。見經傳釋詞

爰於是也。書咸有一德曰、爰革夏正。傳曰、於是改夏建寅之正。詩絲曰、爰及姜女。聿來胥宇。箋曰、於是與其妃大姜自來相可居者。經傳釋詞、張衡思玄賦舊注曰、爰於是也。詩斯干曰、爰居爰處。爰笑爰語。爰卽於是也。或訓爲于。或訓爲於。或訓爲曰。或訓爲於是。其義一也。

爰猶與也。書顧命曰、大保命仲桓南宮毛。俾爰齊侯呂伋以二千戈虎賁百人逆子釗于南門之外。爰與也。言使仲桓南宮毛與呂伋共迎康王也。爰于粵一聲之轉。故三字皆可訓爲於。亦皆可訓爲與。見王念孫之說  
經傳釋詞

爲

爲猶有也。孟子滕文公篇曰、夫滕壤地褊小。將爲君子焉。將爲野人焉。趙注曰、爲有也。雖小國亦有君子亦有野人也。又曰、夷子憮然爲問。注曰、爲問有頃之間也。盡心篇曰、爲問不用。則茅塞之矣。注曰、爲問有間也。故莊子大宗師篇曰、莫然有間。釋文曰、本亦作爲閒。又僖三十三年左傳曰、秦則無禮。何施之爲。言何施之有也。

漢書張湯傳曰、何厚葬爲。漢紀作何厚葬之有。王念孫之說見經傳釋詁

爲猶如也。假設之詞也。晉語、叔向曰、荆若襲我。是自背其信而塞其忠也。爲此行也。

荆敗我。諸侯必叛之。爲猶如也。言如此行也。而刑敗我。則諸侯必叛之也。今本無爲字。乃後人不曉古義而妄刪之。據宋明道本補。秦策

曰、爲我葬。爲如也。必以魏子爲殉。見經傳釋詞。呂氏春秋長見篇曰、爲不能聽。勿使出境。

御覽爲作若。若亦如也。

爲猶使也。亦假使之詞也。孟子離婁篇曰、苟爲不畜。終身不得。告子篇曰、苟爲不熟。

不如莢稗。莊子人間世篇曰、苟爲不知其然也。熟知其所終。皆言苟使也。見經傳釋詞。

爲猶於也。莊二十二年左傳曰、竝于正卿。釋文曰、于本或作爲。于通於古。西周策曰、君

不如令敝邑陰合爲秦。鮑本如是姚本爲字。依史記作於。史記孟嘗君傳爲作於。見王氏念孫之說。

爲猶則也。莊子寓言篇曰、與已同則應。不與已同則反。同於已爲是之。異於已爲非

之。爲亦則也。見經傳釋詞。

爲猶惟也。詩天保曰、吉蠲爲饎。周禮蜡氏鄭注引作吉圭惟饎。案鄭從韓詩。

爲日也。桓四年穀梁傳曰、一爲乾豆。二爲賓客。三爲充君之庖。公羊傳爲作日。是也。

見經傳釋詞

爾雅釋山曰、泰山爲東嶽。華山爲西嶽。霍山爲南嶽。恆山爲北嶽。嵩山爲

中嶽。爲亦日也。

爲猶以也。隱三年公羊傳曰、先君之所爲不與臣而納國乎君者。僖十年穀梁傳曰、

里克所爲弑者。趙策曰、所爲見將軍者。皆言所以也。故史記楚世家曰、秦之所爲

重王者。魯仲連傳曰、秦所爲急圖趙者。秦策趙策竝作所以。見經傳釋詞

爲猶用也。桓六年左傳曰、在我而已。大國何爲。王引之曰、言大國何用也。

爲語助也。引禮記曾子問篇正義大戴禮五帝德篇曰、夫黃帝尙矣。女何以爲。句先生

難言之。女何以爲經句以用也。爲語助也。言黃帝之事遠矣。汝何用問也。先生難言之。言自爲一句。史記五帝紀贊曰。百家言黃帝其文不雅馴。薦仲先生難

於此也。本莊子逍遙遊篇曰、奚以之九萬里而南爲。以用是也。是也。言又曰、予無

所用天下爲。皆是也。見經傳釋詞

爲初子

爲助也。見廣韻論語述而篇、夫子爲衛君乎、夫子不爲也、之屬是也。

爲猶與也。管子戒篇曰、自妾之身之不爲人持接也。未嘗得人之布織也。尹知章注

云、爲猶與也。史記留侯世家曰、良爲他人言、皆不省。爲他人言與他人言也。季布

列傳曰、君何不從容爲上言邪。爲上言與上言也。

爲猶將也。孟子梁惠王篇曰、克告於君、君爲來見也。趙注曰、君將欲來是也。見經傳

爲以也。因也。史記留侯世家曰、爲其老彊忍。下取履。論衡紀妖篇作以其老。以因也。

爲被也。史記伍子胥傳曰、彼伍胥父兄爲戮於楚。而勸王伐楚者。欲以自報其讐耳。

爲猶謂也。管子山權數篇、桓公曰、何爲失天之權。則人地之權亡。何爲猶何謂也。孔

叢子公孫龍篇、公孫龍與子高辯理。至於臧三耳。子高曰、今爲臧三耳。呂氏春秋

謂作甚難而實非也。謂臧兩耳。甚易而實是也。爲亦謂也。互文耳。

與

鄭注禮記檀弓曰、與及也。常語也。見經傳釋詞漢書賈誼傳曰、太子之善。在於早諭教與

選左右。師古曰。與猶及也。

廣雅曰。與如也。大戴禮四代篇曰。事必與食。食必與位。無相越踰。與如也。言事必如

其食。食必如其位也。襄二十六年左傳引夏書曰。與其殺不辜。寧失不經。凡上言與其下言

言寧者禮記檀弓曰。喪禮與其哀不足而禮有餘也。不若禮不足而哀有餘也。祭

禮與其敬不足而禮有餘也。不若禮不足而敬有餘也。凡上言與其下言不若者放此。與其皆謂

如其也。或但謂之與。史記魯仲連傳曰。吾與富貴而詘於人。寧貧賤而輕世肆志

焉。見經傳釋詞案上言與其。下言不若。或上言與其。下言不如。皆前後相應。淮南俶真

訓曰。是故與其有天下也。不若有說也。莊子大宗師篇曰。與其譽堯而非桀也。不

如兩忘而化其道。是也。漢書公孫弘傳曰。弘之材能。自視孰與周公賢。師古曰。與

猶如也。

與猶於也。吳越春秋。季札曰。富貴與我如秋風之過耳。言富貴於我如秋風之過耳

也。論語述而篇曰。富且貴。於我如浮雲。

與猶比也。史記五帝本紀曰：而鬼神山以封禪與爲多焉。與通此也。注云

與猶以也。史記袁盎傳曰：妾主豈可與同坐哉。言不可以同坐也。漢書與貨殖傳曰：

智不足與權變。勇不足以決斷。仁不能以取予。漢書揚雄傳曰：建道德以爲師。友

仁義與爲朋。與亦以也。互文耳。越語：節事者與地。史記越世家與作以。燕策：得賢

士與共國。燕世家與作以。見經傳釋詞

與猶因也。史記儒林傳曰：湯武與天下之心而誅桀紂。漢書與作因。

與猶爲也。此爲字。說平聲。韓子外儲說左篇曰：名與多與之。其實少。言名爲多與之。而其實

少也。王氏念孫之說。見經傳釋詞。

與猶爲也。此爲字。說去聲。秦策曰：或與中期說秦王曰：本與作爲是也。言爲中期說秦王也。又

漢書高祖紀：漢王爲義帝發喪。漢紀爲作與。王氏念孫之說。見經傳釋詞。

與猶謂也。大戴禮夏小正傳曰：獺獸祭魚。其必與之獸。何也。曰：非其類也。與之獸謂

之獸也。李善本文選：司馬遷報任少卿書曰：假令僕伏法受誅。若九牛亡一毛。與

螻蟻何以異。而世又不與能死節者。言世人不謂我能死節也。王氏念孫之說見經傳釋詞

與語助也。無意襄二十九年左傳曰。是盟也。其與幾何。言其幾何也。晉語曰。亡人何

國之與有。言何國之有也。見經傳釋詞

及

廣雅曰。及至也。逮也。辟也。

爾雅曰。及與也。常語。見經傳釋詞詩緜之篇曰。爰及姜女。鄭箋云。及與也。書湯誓曰。予及

女皆亡。史記及作與。是也。

王念孫曰。及猶若也。老子曰。吾所以有大患者。為吾有身。及吾無身。吾有何患。言若

吾無身也。又曰。取天下常以無事。及其有事。不足以取天下。言若其有事也。及與

若同義。故及可訓為若。若亦可訓為及。見經傳釋詞

所

所者指事之詞。若視其所以。觀其所由。之屬是也。常語也。見經傳釋詞

所猶是也。詩閼宮曰：魯邦所詹。說苑作魯邦是瞻。故何休注公羊傳文公十三年曰：所猶是。齊人語也。

所猶可也。莊子知北遊篇曰：人倫雖難，所以相齒。言可以相齒也。史記淮陰侯傳曰：非信無所與計事者，言無可與計事者也。漢書所作可，是其證矣。見經傳釋詞墨子天志篇曰：猶有鄰家所避逃之，猶有鄰國所避逃之。言猶有鄰家可避逃，鄰國可避逃也。

所猶若也。或也。僖二十四年左傳曰：所不與舅氏同心者，有如白水。言若不與舅氏同心也。又宣十年傳曰：所有玉帛之使者則告，不然則否。言若有玉帛之使也。經見十七年傳曰：所不此報，無能涉河。言若不報此也。傳釋詞

所猶許也。史記扁鵲傳曰：可一年所。又曰：要事之三年所。又曰：今慶已死十年所。李廣傳曰：前未致匈奴陳二里所止。所字竝與許同義。孝武紀曰：又不知何所人。何所人者，何許人也。南史蓋父傳曰：蓋父者不知何許人也。漢書疏廣傳曰：數問其家，金餘尚有

幾所。師古曰：幾所猶言幾許也。案幾許猶幾何也。

所猶之也。詩菀柳曰：萬民所望。賈誼新書所作之。

所語助也。禮記檀弓曰：君之臣免於罪。則有先人之敝廬在。君無所辱命。言君毋辱

命也。鄭注曰：無所辱命。辭不受也。則乃語助。猶言君毋辱命耳。成二年左傳曰：能進不能退。君無所辱命。義

與此同。見經傳釋詞

許

許猶所也。李善注文選曰：許猶所也。謝朓詩：郡墨子非樂篇曰：舟車既以成矣。曰吾

將惡許用之。言吾將何所用之也。許所聲近而義同。說文：所伐木聲也。詩伐木所

所。今詩作許許。阮籍詠懷詩：良辰在何許。何許即何所。見經傳釋詞後漢書野王二老

傳曰：野王二老者。不知何許人也。漢陰老父陳留老父諸傳皆有此語

猶 猷

玉篇曰：猶尚也。呂氏春秋不屈篇曰：猶未可知。淮南精神訓曰：猶未足為也。高注竝

云。猶尙也。猶與尙同義。故又以連文。史記張儀傳曰：使人往聽之。猶尙越聲也。字或作猷。詩常武曰：王猶允塞。鄭箋云：猶尙也。韓詩外傳猶作猷。

詩小星傳曰：猶若也。亦常語也。字或作猷。爾雅曰：猷若也。猶爲若似之若。又爲若或

之若。禮記內則曰：子弟猶歸器衣服裘衾車馬。則必獻其上。而後敢用其次也。鄭

注曰：猶若也。襄十年左傳曰：猶有鬼神。於彼加之。言若有鬼神也。見釋詞傳

猶如也。呂氏春秋慎行篇曰：且自以爲猶宋也。高注云：猶如也。論衡定賢篇曰：夫方

猶術。病猶亂。醫猶吏。藥猶教也。

猶獨也。墨子兼愛篇曰：猶未止也。畢沅云：猶舊作獨。莊子大宗師篇曰：而汝已反其真而我

猶爲人猗。釋文云：猶崔本作獨。

猶可也。見玉篇詩陟岵曰：猶來無止。傳曰：猶可也。字或作猷。爾雅曰：猷可也。見釋詞傳

猶有也。史記貨殖傳曰：尙猶患貧。言尙有患貧也。一本猶作有

猶如故也。穀梁傳僖公二年曰：璧則猶是也。案通志氏族略云：穀梁淑字元始，魯人。亦傳春秋十五篇。案穀梁淑傳疏謂名淑。

字一名亦始

猶猶均也。物相若則均。故猶又有均義。襄十年左傳曰：從之將退。不從亦退。猶將退

也。不如從楚，亦以退之。猶將退，均將退也。見釋詞傳

猶猶用也。書盤庚曰：先王有服，恪謹天命。茲猶不常寧。猶猶用也。言先王敬謹天命。

茲用不敢常安也。見釋詞傳

### 由 繇

廣韻曰：由，用也。說文無由字疑 方言曰：由，式也。爾雅曰：式，用也。義竝相通。經傳釋詞

引廣雅曰：由，以用也。由以用一聲之轉。而語詞之用亦然。字或作猶，或作攸。其義

一也。

由，自也。從也。常語也。爾雅釋水曰：繇，膝以下為揭。繇，膝以上為涉。繇帶以上為厲。郭

注曰：繇，自也。史記孝文本紀曰：禍自怨起，而福繇德興。繇亦自也。互文耳。漢書董

仲舒傳曰：繇此言之。天人之徵。古今之道也。

由、繇、猷、猶、古通用。孟子梁惠王篇曰、今之樂。由古之樂也。言今之樂猶古之樂也。論衡自紀篇曰、夫文由語也。由亦猶耳。經傳釋詞引爾雅曰、繇、於也。繇由猷古字通。爾雅釋水釋文曰、繇古由字、莊十四年左傳正義曰、古者由猶二。字義得通用。猷即猶字也。詩、巧言、秩秩大猷、漢書、敘傳、猷作繇。詩、抑曰、無易由言。箋曰、由於也。

攸 鹵 適 適

攸、鹵、適、義竝同也。說文曰、鹵讀若攸。漢書韋賢傳曰、靡適不懷。萬國鹵平。顏師古曰、鹵古攸字。案、適爲攸之假借字。案、適猶乃也。師古曰、攸所也。未達。言無往不懷。萬國乃平也。廣韻曰、適或作適。集韻曰、適所也。正韻曰、鹵古鹵字。則適、適亦古今字耳。禹貢、陽鳥攸居。鄆水攸同。九州攸同。漢書地理志攸竝作適。適猶乃也。于是也。王引之曰、禹貢、彭蠡既豬。陽鳥攸居。攸猶用也。言陽鳥之地、用是安居也。猶攸二字與由同聲而相通。皆語詞也。說經者見猶則釋之爲尙。見攸則釋之爲所。皆望文生訓。而非其本指。案、彭蠡既豬。陽鳥攸居。言彭蠡之水既滌。陽鳥之地乃可居也。王氏

訓攸爲用。亦未達一聞耳。

攸所也。後漢書杜篤傳，師之攸向。無不靡披。言師之所向也。

攸猶所以也。書洪範曰：我不知其彝倫攸斁。王肅注曰：我不知常倫所以次斁。傳見釋

詞

攸語助也。書盤庚曰：女不憂朕心之攸困。言不憂朕心之困也。洪範曰：予攸好德。言

予好德也。攸皆語助耳。字亦作猷。盤庚曰：女猷黜乃心。無傲從康。言汝黜乃心也。猷

亦語助耳。釋見經傳

自

自由也。見玉篇從也。見廣雅史記秦本紀曰：法之不行。自於貴戚。言由於貴戚也。

自詞之用也。書康誥曰：凡民自得罪。某氏傳訓自爲用。召誥曰：自服於中土。鄭注亦

曰：自用也。釋見經傳

自猶苟也。成十六年左傳曰：自非聖人。外寧必有內憂。言苟非聖人也。見經傳釋詁

自猶若也。史記范雎傳曰、自非然者。臣願得少賜游觀之閒。望顏見色。言若非然者也。

因

因由也。聲之轉也。書禹貢曰、西傾因桓是來。常語也。

釋見經傳  
釋詞

因猶也。亦聲之轉也。楚策曰、夫蜻蛉其小者也。黃雀因是已。王引之曰、案已字絕句。因是猶是也。已語終詞也。言黃雀之自以爲無患。亦猶之蜻蛉也。下文曰、夫黃雀其小者也。黃鵠因是已。夫黃鵠其小者也。蔡聖侯之事因是已。蔡聖侯之事其小者也。君王之事因是已。義竝與此同。

因猶因而也。左氏傳宣公十一年曰、遂入陳。殺夏徵舒。轅諸栗門。因縣陳。言因而滅陳以爲楚縣也。史記淮陰侯傳曰、不如因而立。善遇之。使自爲守。言不如因而立信爲齊王也。

仍

小爾雅曰仍再也。廣韻曰仍重也。案重亦再也。雅曰仍重再也。廣漢書谷永傳曰饑饉仍臻。師古曰

仍頻也。

爾雅曰仍乃也。史記淮南衡山傳贊曰淮南衡山專挾邪僻之計。謀為畔逆。仍父子再亡國。各不終其身。仍者乃也。言淮南衡山謀為畔逆。乃至父子再亡其國。各不終其身也。漢書匈奴傳曰漢復遣大將軍衛青將六將軍兵十餘萬騎。仍再至定襄數百里。擊匈奴。仍亦乃也。故史記仍作乃。說文仍從乃聲。故乃字或通作仍。經見

傳釋

其 丌

其(一)指事之詞也。王引之曰常語也。易繫辭傳曰其旨遠。其辭文。(二)狀事之詞也。有先言其事而後言其狀者。若擊鼓其鏜。雨雪其雩。零雨其濛。之屬。是也。有先言其狀而後言其事者。若灼灼其華。殷其雷。淒其以風。之屬。是也。釋經傳(三)擬議之詞

也。易乾文言曰：其唯聖人乎。隱十一年左傳曰：天其以禮悔禍于許。見經傳（四）

更端之詞也。書無逸曰：其在高宗。其在祖甲。見經傳（五）語助詞也。書棗誓曰：馬

牛其風。僖十五年左傳曰：以德爲怨。秦不其然。王引之曰：其字皆爲語助無意義也。（六）贊嘆之發

語。若中庸曰：其盛矣乎。

其殆殆也。易繫辭傳曰：知變化之道者。其知神之所爲乎。禮記檀弓曰：吾今日其庶

幾乎。隱六年左傳：其陳桓公之謂乎。周語曰：王室其將卑乎。其與殆同意。故又以

其殆連文。繫辭傳曰：顏氏之子。其殆庶幾乎。是也。見經傳

其猶將也。隱十一年左傳曰：吾子孫其覆亡之不暇。而況能禋祀許乎。傳七年曰：不

暇論語爲政曰：其何以行之哉。見經傳

其猶豈也。淮南俶真訓曰：雖欲勿稟。其可得邪。下文云：雖欲久生。豈可得乎。諸葛亮

隆中對云：將軍其有意乎。（蜀志其作豈）燕策曰：將軍豈有意乎。文義竝同。史

記晉世家曰：其無辭乎。叔孫通列傳曰：其可背哉。

其猶尚也。庶幾也。書皋陶謨曰：帝其念哉。康誥曰：其尚顯聞于天。其亦尚也。古人自有複語耳。詩

伯兮曰：其雨其雨。杲杲出日。其猶庶幾也。○案集傳曰：其者，翼其將然之詞。王說蓋本此。隱三年左傳曰：吾子

其無廢先君之功。見經傳釋詞

其猶姑也。左氏傳宣公十五年曰：君其待之。言君姑待之也。昭公十三年曰：子姑待

之。文義相同。

其猶若也。詩小閔曰：謀之其臧。則具是違。謀之不臧。則具是依。僖九年左傳曰：其濟

君之靈也。不濟則以死繼之。見經傳釋詞禮記大傳曰：名著而男女有別。其夫屬乎父

道者。妻皆母道也。其夫屬乎子道者。妻皆歸道也。言若夫屬於父道者。若夫屬於

子道者也。史記匈奴傳曰：匈奴俗。見漢使非中貴人。其儒先。以為欲說。折其辯。其

少年。以為欲刺。折其氣。言若儒先若少年也。

其猶乃也。書湯誓曰：今女曰：其夏罪其如台。言今女乃曰夏罪。其如何。高宗彭曰：同

義盤庚曰：越其罔有黍稷。越其猶云。乃也。桓六年左傳曰：楚之羸。其誘我也。莊二十二

年傳曰、五世其昌、竝于正卿。僖五年傳曰、火中成軍。虢公其奔。宣二年傳曰、非馬也。其人也。其與乃同意。故又以乃其連文。康誥曰、乃其父民。君奭曰、乃其墜命。多方曰、我乃其大罰殛之。此猶曷何同意。而召誥言曷其奈何弗敬。克堪同意。而多方言克堪用德。維伊同意。而詩頌弁言實維伊何也。釋詞傳 史記越王勾踐世家曰、其卒王霸。田敬仲完世家曰、陳衰。此其昌乎。論衡初稟篇。故古公曰、我世當有興者。其在昌乎。昌謂文王昌也 論語子路篇、冉有退朝。子曰、何晏也。對曰、有政。子曰、其事也。言非國政也。乃家事耳。論語語解曰、在國叫做政。在家叫做事。

其猶寧也。易繫辭傳曰、妻其可得見邪。書盤庚曰、若火之燎于原。不可鄉邇。其猶可撲滅。僖五年左傳曰、一之謂甚。其可再乎。十年傳曰、欲加之罪。其無辭乎。釋詞傳

墨子魯問篇曰、今舉兵將以攻鄭。天誅乃不至乎。乃不至寧不至也。丁古其字 其猶之也。書康誥曰、朕其弟小子封。詩魚麗曰、物其多矣。維其嘉矣。上其猶之也。下其則指物之詞。

成十五年公羊傳曰、爲人後者爲之子。又曰、爲人後者爲其子。釋詞傳 史記晉世

家曰、君其祀毋乃絕乎。君其祀、君之祀也。南越列傳曰、然南越其君國、言南越王之居國也。

其猶以也。而也。淮南汜論訓曰、然而天下寶之者何也。其小惡不足妨大美也。言以小惡不足妨大美也。

其猶是也。此也。後漢書禮儀志曰、其日、乘輿先到辟雍禮殿。其日猶是日也。史記項羽本紀曰、將非其人不可。其人此人也。

其然猶若然也。襄二十三左傳、申豐對季武子曰、其然將具敝車而行。王引之曰、其然猶若然也。

其猶與也。史記天官書曰、鬼哭若呼。其人逢倍。漢志其作與。言與人逢迎也。淮南王列傳曰、賜其財物爵祿田宅。漢書其作與。言賜與財物爵祿田宅也。

其幾古通。易否九五曰、其亡其亡。其亡猶幾亡也。故王引之曰、其猶將也。

基其古通。詩昊天有成命曰、夙夜基命宥密。基亦其也。禮記孔子閒居基作其。是其

證爾。左氏傳襄公二十四年釋文曰。基漢書作兀。如淳云兀音基。案兀卽兀之訛。墨子其多作兀。公孟篇曰。是猶命人葆而去兀冠也。又曰。魯有昆弟五人者。兀父死。兀長子嗜酒而不葬。兀四弟曰。子與我葬。當爲子沽酒。一本兀竝作其。兀其古

今字也。集韻曰其古作兀

其記音與記、忌、已、近、義竝同。王引之曰。其語助也。或作記。或作忌。或作已。或作近。義竝

同也。詩揚之水曰。彼其之子。箋曰。其或作記。或作已。讀聲相似。又羔裘。彼其之子。

襄二十七年左傳及晏子雜篇竝作已。候人。彼其之子。表記作記。釋文唐石經及各本竝同。監本

改非僖二十四年左傳及普語竝作已。詩大叔于田曰。叔善射忌。傳曰。忌辭也。箋

曰。忌讀如彼己之子之已。嵩高曰。往近王舅。箋曰。近辭也。聲如彼記之子之記。毛

居正六經正誤。以近爲近之譌。說文近讀與記同

其姬音與期、居、姬、義竝同。王引之曰。其。問詞之助也。或作期。或作居。義竝同也。書微子

曰。予顛隕若之何其。鄭注曰。其語助也。齊魯之閒聲如姬。見史記宋世家集解詩頌弁曰。實

維何期。箋曰：期辭也。亦釋文禮記檀弓曰：何居，我未之前聞也。鄭注曰：居讀如姬

姓之姬。齊魯之間語助也。襄二十三年左傳曰：誰居，其孟椒乎。杜注居猶與也。案與讀平聲也。

厥

厥其也。見爾雅王引詩生民曰：厥初生民。時維姜嫄。箋曰：厥其也。

厥猶之也。書無逸曰：自時厥後，亦罔或克壽。謂自是之後也。又曰：此厥不聽。人乃訓

之。謂此之不聽也。見經傳

厥語助也。書多士曰：誕淫厥泆。王引之曰：言誕淫泆也。

居

居詞也。易繫辭傳曰：噫，亦要存亡吉凶。則居可知矣。鄭王注竝曰：居辭也。詩柏舟曰：

日居月諸。正義曰：居諸者，語助也。故日月傳曰：日乎月乎。不言居諸也。見經傳

亦

亦承上之詞也。若書康誥曰：怨不在大，亦不在小，是也。見經傳

亦者兩相須之意。王引之曰公羊傳昭公十七年曰，北辰亦爲大辰。注曰，亦者兩相

須之意。

亦總也。廣韻曰亦總也。韻府羣書皋陶謨曰，亦行有九德。注曰，總言德之見於行者。

其凡有九也。

亦猶猶也。尙也。桓五年左傳曰，祝聃射王中肩。王亦能軍。杜注云，雖軍敗身傷。猶殿

而不奔。故曰能軍。

亦語助也。王引之曰，有不承上文而但爲語助者。若詩草蟲曰，亦既見止。是也。其在

句中助語者。詩思齊曰，不聞亦式。不諫亦入。是也。兩不字兩亦字皆語助言凡言

不亦者。皆以亦爲語助。不亦說乎。不說乎也。不亦樂乎。不樂乎也。不亦君子乎。不

君子乎也。凡言盍亦者。亦以亦爲語助。盍亦求之。盍求之也。左傳傳二子盍亦遠

績禹功而大庇民乎。盍遠績禹功而大庇民也。昭元王其盍亦鑑於人。盍鑑於人

也。吳語盍亦反其本矣。盍反其本也。孟子王篇

亦可以、不盡而差勝之辭。史記滑稽傳曰、談言微中。亦可以解紛。

既 漑 徐廣注史記五帝紀云古既耳 从水旁據此則漑既古字耳

既已也。見廣雅史記陳丞相世家曰、張負既見之喪所。既見已見也。既與已同義。故既

已可以連文。墨子尙同篇曰、天下三公既已立矣。公輸篇曰、吾既已言之矣。

既皆也。易既濟注云、既濟者、以皆濟爲義也。

既盡也。見廣雅史記鄭世家曰、漑逐羣公子。漑與既同。既盡也。言盡逐羣公子也。晉語曰盡語

逐羣公子

既果也。史記陳丞相世家曰、項王既疑之。漢書既作果。

終 衆 竟 徑

終猶既也。王念孫曰、終詞之既也。僖二十四年左傳注曰、終猶已也。已止之已曰終。

因而已然之已亦曰終。故曰詞之既也。詩終風曰、終風且暴。毛傳曰、終日風爲終

風。韓詩曰、終風西風也。此皆緣詞生訓。非經文本義。終猶既也。言既風且暴也。正

月曰終其永懷。又窘陰雨。言既長憂傷。又仍陰雨也。終與既同義。故或上言終而  
下言且。或上言終而下言又。說者皆以終爲終竟之終。而經文上下相因之指。遂  
不可尋矣。又葛藟曰終遠兄弟。謂他人父。言既遠兄弟也。鄭揚之水曰終鮮兄弟。  
維予與女。言既鮮兄弟也。定之方中曰卜云其吉終然允臧。然猶而也。言既而允

臧也。見經傳釋詞

衆終之段字也。引之謹案詩載馳曰許人尤之。衆穉且狂。衆讀爲終。古字多借衆爲終。史記五帝紀

怙終賊刑。徐廣曰終一作衆。詩振鷺以永終譽。後漢書崔駰傳終既也。穉驕也。管子

篇工以雕文刻鏤相禪。尹知章注禪驕也。莊子列禦寇篇以其十乘驕。穉莊子驕

之欲歸。未必非也。而許人偏見。輒以相尤。則既驕且妄矣。蓋自以爲是。驕也。以是

爲非。妄也。毛公不知衆之爲終。而云是乃衆幼穉且狂。許之大夫豈必人人皆幼

邪。見經傳釋詞

終猶竟也。史記平準書曰天子於是式終長者。後漢書嚴光傳帝曰子陵我竟不

能下汝邪。詩瞻卬箋云、竟猶終也。竟訓爲終。故終亦訓爲竟。

竟猶訖也。漢書張湯傳曰、吳楚已破、竟景帝不言兵。天下富實。師古曰、訖景帝之身。更不議征伐之事。王莽傳曰、劉歆訖不告。師古曰、訖竟也。訖訓爲竟。竟亦訓爲訖。徑猶竟也。史記滑稽傳曰、髡恐懼俯伏而飲。不過一斗徑醉矣。又曰、飲不過二斗徑醉矣。又曰、飲可五六斗徑醉矣。漢書王莽傳、徑從布衣登用。論衡刺孟篇、惠王曰、何以利吾國。何以知不欲安吉之利。而孟子徑難以貨財之利也。徑字竝與竟同義。

能 耐

漢書鼂錯傳曰、其性能寒。其性能暑。師古曰、能讀曰耐。穀梁傳成公七年曰、非人之所能也。釋文云、能亦作耐。禮記禮運曰、故聖人耐以天下爲一家。注云、耐古能字。樂記曰、故人不耐無樂。樂不能無形。形而不爲道。不耐無亂。耐亦能也。互文耳。管子入國篇曰、不耐自生者。上收而養之病、言不能自生者也。玉篇曰耐能也案論衡多用

耐字。無形篇曰。試令人損益苞瓜之汁。令其形如故。耐爲之乎。人不耐損益苞瓜之汁。天安耐增減人之年。耐爲猶能爲也。不耐猶不能也。安耐猶安能也。遭虎篇曰。雖有善政。安耐化虎。安耐亦安能耳。答倭篇曰。則耐分人君之地。耐亦能也。能猶而也。能與而古聲相近。故義亦相通。詩芄蘭曰。雖則佩觿。能不我知。能當讀爲而。雖則之文正與而字相應。言童子雖則佩觿而實不與我相知也。管子任法篇。是貴能威之。能富祿之。賤能事之。近能親之。美能淫之也。下文五能字皆作而。能猶乃也。亦聲相近也。王念孫曰。昭十二年左傳曰。中美能黃。上美爲元。下美則裳。能爲則三字相對爲文。能者乃也。言中美乃黃。上美爲元。下美則裳也。史記淮陰侯傳曰。今韓信兵號數萬。其實不過數千。能千里而襲我。亦以罷極。已與同言韓信兵不過數千。乃千里而襲我也。能與乃同義。故二字可以互用。後漢書荀爽傳。鳥則雄者鳴鳩。鷓能順服。獸則牡爲唱導。牝乃相從。是也。能與乃同義。故又可以通用。淮南人間篇。此何遽不能爲福乎。藝文類聚禮部下引能作乃。漢書匈奴傳。東

援海代南取江淮。然後乃備。漢紀乃作能。是也。乃與而聲相近。故能訓爲而。又訓爲乃。能與寧一聲之轉。而同訓爲乃。故詩寧或滅之。漢書谷永傳作能或滅之。

能猶及也。淮南脩務訓曰。不能被德承澤。高注云。能猶及也。

能猶勝也。史記田敬仲完世家曰。寡人弗能拔。索隱曰。能猶勝也。

克

克能也。雅見爾書堯典曰。克明俊德。允恭克讓。是也。

良

良語辭也。左氏傳昭公十八年曰。弗良及也。正義曰。良語辭。如良所未悟。良有以也。

史傳共有此語。服虔解作能非。

良果也。誠也。史記趙世家曰。諸將以爲趙氏孤兒良已死。皆喜。良已死。果已死也。

良略也。史記秦始皇本紀曰。始皇默然良久。良久略久也。正韻云。或以爲良久。少久也。一曰。良略也。聲輕故轉略爲良。陶潛詩云。弱女雖非男。慰情良勝無。良勝無。略

勝無也。

果

廣雅釋言果能也。疏證云。孟子梁王惠篇。君是以不果來也。離婁篇。果有以異於人乎。趙岐注竝云。果能也。

必

必決定之詞。詩南山曰。娶妻如之何。必告父母。

必果也。

見玉篇

漢書宣帝紀贊曰。孝宣之世。信賞必罰。

必若也。史記天官書曰。兵必起。合鬪其直。匈奴傳曰。必我行也。爲漢患者。論衡變虛篇曰。星必不徙。臣請死耳。必字竝與若同義。

必尙也。老子下篇曰。和大怨必有餘怨。安可以爲善。子餘詳老論衡問孔篇曰。樊遲不曉。懿子必能曉哉。

不

玉篇曰、不詞也。經傳所用。或作丕。或作否。其實一也。見經傳釋詞

不猶非也。弗也。未也。正韻曰未也禮記中庸曰、苟不至德。至道不凝焉。疏云、不非也。苟不

猶苟非也。又射義曰、好學不倦。好禮不變。不猶弗也。王引之曰不倦不變之不訓為弗是也詩皇矣

曰、不識不知。順帝之則。賈誼新書不竝作弗。故玉篇曰、不弗也。

不猶無也。毋也。勿也。詩君子于役曰、不日不月。言無一定之日月。序所謂行役無期

度也。又書召誥曰、王不敢後。用顧畏於民晷。言王顧畏民晷。毋敢或後也。又孟子

滕文公篇、我且往見。夷子不來。言我將往見夷子。夷子勿來也。竝見經傳釋詞

不發聲也。爾雅釋器曰、不律謂之筆。律筆聲近而語轉不則發聲也釋丘曰、夷上洒下不澹。郭注曰不發聲

釋魚曰、龜左倪不類。右倪不若。邢疏曰不發聲也屬是也案不為發聲也周禮西龜曰蠶屬北龜曰若皆

發聲也。見經傳釋詞

不、丕、否、承上之詞。書禹貢曰、三危既宅。三苗丕斂。丕乃承上之詞。猶言三苗乃斂也。

無逸曰、乃逸乃諺。既誕。否則侮厥父母。漢石經否作不。不則猶於是也。言既已妄

誕。於是輕侮其父母也。皆先言既而後言不。其爲承上之詞。顯然明白。釋見經傳

不、否、非也。書呂刑曰、何擇非人。何敬非刑。何度非及。墨子尙賢篇引作女何擇否人。

何敬不刑。何度不及。是不、否、皆非也。釋見經傳

不有、有也。書西伯戡黎曰我不承、承也。詩抑之篇曰萬民是不承鄭箋云不在、在也。仲尼乎李注云不在在道不在此皆反語之詞也。王引之曰、不有命在天。下不須加

乎字以足之。史記殷本紀云、我生不有命在天乎。失之矣。蓋王氏以不字爲發聲。

故云不須加乎字以足其義。不知不有不承不在之屬。皆反語之詞。可用乎字以

足之。詩箋云、天下之民不承順之乎。正言承順之也。史記云、我生不有命在天乎。

正言我生有命在天也。某氏傳曰我生有壽俞樾曰、乎者語之餘。古人多不著於

文。而使讀者自得之。尙書西伯弒黎篇、我生不有命在天。據史記則句末有乎字。

見老子平議是俞氏亦以加乎字爲是也。

不過、特也。止也。史記陸賈傳曰、然有憂念。不過患諸呂少主耳。言特患諸呂及少主

耳。

弗

弗不也。書堯典曰、績用弗成。弗成不成也。

弗不古通。禮記檀弓曰、士弗能死也。釋文云、弗本作不。

弗弗古通。史記秦本紀曰、甘龍杜摯等弗然。通志弗作弗。

非

玉篇曰、非不是也。曰王引之常語廣韻同。

非不也。服虔漢書蕭望之傳注曰、非不也。書盤庚曰、肆予冲人。非廢厥謀。言不廢厥

謀也。大戴禮記保傅篇、人性非甚相遠也。漢書賈誼傳、非作不。見經傳釋詞

非猶舍也。孟子離婁篇曰、非仁無為也。非禮無行也。

非猶豈非也。書大禹謨曰、可愛非君。可畏非民。

非猶未嘗也。孟子公孫丑篇曰、城非不高也。池非不深也。兵革非不堅利也。米粟非

不多也。

微

微非也。詩柏舟曰：微我無酒。箋曰：非我無酒。禮記檀弓曰：雖微晉而已。注曰：微非也。

見經傳釋詞

呂氏春秋離俗篇曰：微獨舜湯。高注云：非獨舜與湯也。

微無也。史記晉世家曰：微里子。寡人不得立。周語曰：微我。晉不戰矣。韋注曰：微無也。

見經傳釋詞

呂氏春秋自知篇曰：文侯微翟黃。則幾失忠臣矣。高注云：微無也。

匪

廣雅曰：匪非也。易比六三曰：比之匪人。釋文引馬融傳云：匪非也。詩柏舟曰：我心匪

石。不可轉也。我心匪席。不可卷也。列女傳匪竝作非。是其證也。

廣雅曰：匪彼也。王念孫曰：詩小閔曰：如匪行邁謀。是用不得于道。襄八年左傳引此

詩。杜注曰：匪彼也。如匪行邁謀。是用不得于道。猶下文言如彼築室于道謀。是用

不潰于成。亦猶雨無正曰：如彼行邁也。見經傳釋詞

匪不也。周語引頌曰，莫匪爾極。韋注曰，匪不也。無不於女時得其中也。釋見經傳  
 匪猶惟也。法言問微篇曰，眩眩乎惟天為聰。惟天為明。夫能高其目而下其耳者。匪  
 天也夫。匪亦惟也。故御覽引作惟天也夫。

未

未既之反也。已之對也。論語微子篇曰，子未可以去乎。孟子公孫丑篇曰，未可以言  
 與。是也。

未無也。秦策曰，而未能復戰也。

未猶不也。玉篇儀禮鄉射禮曰，衆賓未拾取矢。

無

毋

玉篇曰毋今作無 儀禮鄉射禮曰，衆賓未拾取矢。

亡

玉篇曰無也 作亡 无 玉篇曰奇字無

也段玉裁曰今六經惟易用此字

論衡謹告篇曰，毋者禁之也。說文曰，毋止之喜也。大學曰，毋自欺也。集註曰毋者論語曰，無友不如己者。通禁註止辭也。毋皆是也。

無發聲助也。孟康注漢書貨殖傳曰：無發聲助也。字或作毋。詩文王曰：無念爾祖。傳曰：無念念也。抑曰：無競維人。執競曰：無競維烈。傳竝曰：無競競也。隱十一年左傳：無寧茲許公。復奉其社稷。杜注曰：無寧寧也。襄二十九年。且先君而有知也。毋寧夫人而焉用老臣。服虔注曰：毋寧寧也。寧自取夫人。將焉用老臣乎。魯語曰：彼無亦置其同類。韋注曰：無亦亦也。見經傳釋詞案小爾雅曰：無念念也。無寧寧也。無顯顯也。

無轉語詞也。字或作亡。或作忘。或作妄。或言亡其。或言意亡。或言亡意。亦或言將妄。

其義一也。墨子非攻篇曰：爲其上中天之利。而中中鬼之利。而下中人之利。故譽

之與。意亡非爲其上中天之利。而中中鬼之利。而下中人之利。故譽之與。意與抑同亡與抑

無同皆詞也。漢書貨殖傳寧爵無刁孟康注曰奴自謂寧欲免去作民有爵耶無將止爲刁氏作奴乎文義與此同莊子外物篇曰：抑固婁

邪。亡其略弗及邪。史記魯仲連傳：亡意亦捐燕弃世東游於齊乎。亡意亦皆詞也。意亦者抑亦也

越語曰：道固然乎。妄其欺不穀邪。妄與亡同當讀寧爵無刁之無鄭注儒行曰妄之言無也莊子庚桑楚篇曰：

是其於辯也。將妄鑿垣牆而殖蓬蒿也。將。妄與將無同也。邪與邪同。以上皆轉語詞。釋詞。呂氏

春秋誣徒篇。子華子曰。王者樂其所以王。亡者亦樂其所以亡。又曰。然則王者有

嗜乎理義也。亡者亦有嗜乎暴慢也。邪與同。亡者亦猶亡意亦也。

無不也。薛綜東京賦注。曰無猶不也。書洪範。無偏無黨。墨子兼愛篇。漢書谷永傳注。竝引作不偏

不黨。老子下篇。聖人不積。魏策引作聖人無積。禮記郊特牲曰。昆蟲毋作。言不作

也。論語雍也篇。毋以與爾鄰里鄉黨乎。毋與無同。言九百之粟。爾雖不欲。然可分

於鄰里鄉黨。爾不以與之乎。言當與之也。釋詞。

無否也。莊子大宗師篇曰。子祀曰。女惡之乎。曰。亡。予何惡。至樂篇曰。支離叔曰。子惡

之乎。滑介叔曰。亡。予何惡。達生篇曰。請問蹈水有道乎。曰。亡。吾無道。亡與無同。言

否也。釋詞。

無非也。禮記禮器曰。苟無忠信之人。則禮不虛道。易繫辭傳曰。苟非其人。言非忠信

之人。則禮不虛行也。釋詞。論語為政篇曰。見義不為。無勇也。無勇非勇也。故後

漢書張皓傳曰。見義不爲。非勇也。

無末也。荀子正名篇。志輕理而不重物者。無之有也。外重物而不內憂者。無之有也。行離理而不外危者。無之有也。外危而不內恐者。無之有也。王引之曰。言末之有也。

無猶得無也。儀禮士喪禮。筮宅辭曰。哀子某爲其父某甫筮宅。度茲幽宅。兆基無有

後艱。鄭注曰。得無後將有艱難乎。見經傳釋詞案得無疑問詞。史記扁鵲傳曰。先生得

無誕之乎。封禪書曰。問卿得毋效文成五利乎。孝武本紀趙策曰。日食飲得毋衰

乎。

勿

勿禁止之辭。莫也。論語學而篇曰。過則勿憚改。

勿無也。見廣雅詩東山曰。勿士行枚。箋曰。勿猶無也。王引之曰。勿無也。莫也。常語。

勿非也。見玉篇經傳釋詞引廣雅曰。勿非也。詩靈臺曰。經始勿亟。箋曰。度始靈臺之基

趾。非有急成之意。

勿猶不也。論語雍也篇曰：雖欲勿用。

勿語助也。詩節南山曰：弗問弗仕。勿罔君子。勿罔，罔也。言弗問而察之，則下民欺罔。

其上矣。見經傳爾雅曰：勿念，勿忘也。郭注曰：勿念，念也。勿亦語助。

物勿古通。莊子應帝王篇曰：有人於此，嚮疾彊梁，物徹。疏明學道不勸。俞樾曰：此當

於徹字勸字絕句。物讀爲勿古字通用。尙書立政篇：時則勿有閒之。論衡譴告篇

作時則物有閒之。是也。天道篇：中心物愷。釋文曰：物本作勿。此物勿通用。見於本

書者。徹去也。嚮疾彊梁，物徹者。言嚮疾彊梁而勿去也。與疏明學道不勸相對成

文。

莫

莫，禁止之辭。勿也。不可也。並見韻會

莫疑辭也。論語述而篇曰：文莫吾猶人也。

莫無也。見廣雅莊子人間世篇曰：妄則其信之也莫。言妄則無信之也。經傳釋詞。易益

上九曰：莫益之。或擊之。或與莫相對爲文。莫者無也。或者有也。

莫猶勿也。見集韻詩行葦曰：戚戚兄弟。莫遠具爾。

罔

論衡藝增篇曰：罔無也。常語也。

罔猶不也。書盤庚曰：罔罪爾衆。某氏傳曰：今我不罪女。見經傳釋詞

罔猶得無也。王念孫曰：楚辭九章曰：欲高飛而遠集兮。君罔謂女何之。洪興祖補注

曰：言欲高飛遠集。去君而不仕。得無謂女遠去欲何所適也。見經傳釋詞

蔑

蔑無也。王引之曰：當語之左氏傳襄公二十九年曰：其蔑以加於此矣。尸子曰：其行身也。無以加於此矣。

蔑猶不也。成十六年左傳曰：寧東齊楚。有亡而已。蔑從晉矣。晉語曰：吾有死而已。吾

蔑從之矣。言不從也。見經傳釋詞

蔑末也。爾雅小史記孔子世家曰：雖欲從之，蔑由也。已。論語蔑作末。

末

六書故曰：末蔑莫聲相通。故又與蔑莫同義。

末無也。王引之論語子罕篇曰：雖欲從之，末由也。已。先大父。譚潘字心泉著性齋語

訓求在我齋文集詩集等十餘種崇祀閩縣鄉賢祠曰：欲淨理純。本體乃見。然後知即心即道。昭然在目。如

有所立。卓爾不搖矣。由是而進焉。則不思不勉。窮神知化。一毫著力不得。故曰：雖

欲從之。末由也。已。此顏子自述其一生為學之事。乃甘苦有得之言。當與吾十有

五章參看。可以知聖賢進學之次第也。方宗誠曰：以顏淵喟然章與吾十有五章為可觀。聖賢用功次第。真有得之言也。見

求在我齋文集

末猶未也。禮記檀弓，公曰：末之卜也。王引之曰：末猶未也。之是也。指御而言。言倉卒

出戰。未卜戎御也。

末猶勿也。禮記文王世子曰：命膳宰曰：未有原。鄭注曰：末猶勿也。勿有所再進。見經傳釋

曼

廣雅曰，曼無也。疏證曰，小爾雅，曼無也。法言寡見，篇云，曼是為也。五百篇云，行有之也。病曼之也。皆謂無為曼是也。

曼猶不也。末也。曼末一聲之轉法言重黎篇曰，神怪茫茫。若存若亡。聖人曼云。李軌注云，子

不語怪力亂神是也。

徂

徂猶及也。詩雲漢曰，不殄禋祀。自郊徂宮。言禋祀之禮。自郊而及於宗廟也。箋曰，從郊而至宗廟。至亦及也。絲衣曰，自堂徂基。自羊徂牛。鼐鼎及鼐。徂亦及也。互文耳。

見經傳釋詞

庶

爾雅曰，庶幸也。王引之曰廣雅曰，希庶也。疏證云希者庶之廣韻曰，庶冀也。希也

冀也幸也。義竝相同。詩素冠曰：庶見素冠兮。毛傳曰：庶幸也。

庶猶庶幾也。左氏傳昭公十六年曰：鄭其庶乎。杜注曰：庶幾於興盛。法言問神篇曰：延陵季子之於樂也。其庶矣乎。

幾

幾詞也。易屯六三：君子幾不如舍。王注曰：幾辭也。正義曰：幾為語辭。不為義也。幾釋文

祈音莊子徐無鬼篇曰：君雖為仁義。幾且偽哉。又曰：非我與吾子之罪。幾天與之也。

列子仲尼篇曰：吾見子之心矣。方寸之地。虐矣。幾聖人也。釋詞傳

幾庶也。史記樂書曰：知樂則幾於禮矣。韓非列傳曰：說之者能無嬰人主之逆鱗。則

幾矣。幾字竝與庶同義。

幾近也。見爾雅將及也。老子上篇曰：故幾於道。

幾其也。易小畜上九曰：月幾望。集解引虞注曰：幾其也。釋文徐音祈。正與君子幾不

如舍之幾同音。蓋亦以為語詞。見釋詞傳

幾豈也。莊子人間世篇曰：不爲社者。且幾有翦乎。王念孫曰：幾讀爲豈，言雖不爲社，亦豈有翦伐之害乎。荀子

榮辱篇曰：是其爲相縣也。幾直夫芻豢稻粱之縣糟糠爾哉。楊倞注：幾讀爲豈，下同。又曰：幾

不甚善矣哉。見經傳釋詞。列子周穆王篇曰：穆王幾神人哉。又曰：幾虛語哉。張注：並云幾音豈。

文子上義篇：老子曰：天下幾有常法哉。幾竝與豈同義。

幾祈古通。史記黥布傳曰：人相我當刑而王。幾是乎。索隱曰：幾，劉氏音祈。祈者語詞

也。案幾祈古同聲而通用。周禮小宗伯注云：故書祈爲幾。是其證也。

幾豈古通。史記黥布傳曰：人相我當刑而王。幾是乎。徐廣曰：幾一作豈。

庶幾（一）近辭也。孟子梁惠王篇曰：則齊國其庶幾乎。集註曰：庶幾近於治。（二）希冀之

詞。孟子公孫丑篇曰：王庶幾改之。

無幾，亡幾，猶言不多也。漢書賈誼傳曰：其慈子者利，不同禽獸者亡幾耳。

祈

司馬貞史記索隱曰：祈者語詞也。餘詳幾字下。

祈猶是也。禮記緇衣引君雅曰：資冬祈寒。鄭注曰：祈之言是也。齊西偏之語也。傳見釋經

爾

汔

汔幾也。易井彖辭曰：汔至亦未繙井。未濟彖辭曰：小狐汔濟，濡其尾。鄭虞注竝曰：汔

幾也。詩民勞曰：民亦勞止，汔可小康。箋亦曰：汔幾也。釋見經傳

汔其也。昭二十年左傳：孔子引前詩云云。杜注曰：汔其也。於義亦通。此蓋出三家詩。

或是左傳舊注如此。後漢書班超傳：超妹昭上書引前詩云云。李賢注亦曰：汔其

也。見經傳釋詞

案汔可小康。疏曰：汔近也。箋曰：汔幾也。幾亦近也。左氏漢書引此詩。杜李注竝曰：

汔其也。其亦幾也。說文引詩與此異義爾雅曰：躓汔也。郭注曰：謂相摩近也。說文曰：躓，躓也。

集韻曰：躓，相切近也。義竝相通。

尙 上

說文曰、尙、庶幾也。字亦作上。詩陟岵篇、上慎旃哉、漢石經作尙。詩小弁箋曰、尙猶也。

常語。見經傳釋詞論衡須頌篇曰、尙者上也。玉篇曰、尙上也。庶幾也。爾雅曰、庶幾、尙也。

庶幾訓爲尙。故尙亦訓爲庶幾。

說文曰、尙、曾也。又曰、曾、詞之舒也。見經傳釋詞

玉篇曰、尙且也。常語也。史記留侯世家曰、雍齒尙爲侯。我屬無患矣。

尙必也。家語三恕篇曰、尙有說也。

尙當古通。史記吳太伯世家曰、徐君已死。尙誰予乎。御覽尙作當。予與古同聲而通。

用。故論衡祭意篇作尙誰爲乎。

### 嘗 常

廣韻曰、嘗、曾也。說文本作嘗。史記五帝紀曰、余嘗西至空峒。馮唐傳曰、吾今每飯意未嘗不在鉅鹿也。淮南道應訓曰、依非謂樵船者曰、嘗有如此而得活者乎。對曰、未嘗見也。莊子徐無鬼篇曰、吾未嘗爲牧。而牂生於奧。未嘗好田。而鷄生於突。若

勿怪何邪。釋文曰、嘗本或作曾。才能反。是也。字亦作常。史記高祖紀曰、高祖常繇咸陽。是也。

殆

說文曰、殆危也。段注曰、危者在高而懼也。伸引之。凡將然之詞皆曰殆。王引之曰、殆者近也。幾也。將然之詞也。書顧命曰、殆弗興弗寤。見經傳釋詞禮記檀弓曰、夫子殆將病也。殆幾也。呂氏春秋高義篇曰、殆未能也。士容篇曰、殆乎非士也。高注竝云、殆近也。論衡指瑞篇。祖乙曰、遠方君子殆有至者。祖乙見雉。有似君子之行。今從外來。則曰遠方君子將有至者矣。

殆庶幾也。荀子彊國篇曰、雖爲之築明堂而朝諸侯。殆可矣。

殆猶乃也。漢書張良傳。良曰、沛公殆天授。言沛公乃天授也。師古曰殆近也。失之。司馬遷傳曰、

古人所以重施刑於大夫者。殆爲此也。言乃爲此耳。後漢書應奉傳是以朝家外而不蓋爲此也。蓋亦乃也。

方言曰。南楚。凡人貧。衣被醜弊。或謂之襤褸。故左傳曰。筮路襤褸。以扃山林。殆謂

此也。言乃謂此耳。

殆猶則也。史記趙世家曰。王既定負遺俗之慮。殆無顧天下之議矣。

殆僅也。漢書趙充國傳曰。此殆空言。非至計也。師古曰。殆僅也。

殆猶必也。呂氏春秋自知篇曰。座殆尙在於門。高注云。殆猶必也。言任座必尙在於門也。

### 宜 儀 義

宜猶殆也。成六年左傳曰。不安其位。宜不能久。孟子滕文公篇曰。不見諸侯。宜若小

然。宜字竝與殆同義。王氏念孫之說  
見經傳釋詞

宜語助詞也。詩螽斯曰。螽斯羽。詵詵兮。宜爾子孫振振兮。宜爾子孫。爾子孫也。言螽斯羽則詵詵然矣。爾子孫則振振然矣。故序曰。言若螽斯不妬忌。則子孫衆多也。字通作儀。詩蒸民曰。人亦有言。德輶如毛。民鮮克舉之。我儀圖之。維仲山甫補之。儀語助詞。儀圖之。圖之也。又通作義。書大誥曰。義爾邦君。越爾多士。尹氏御事。綏

予曰、無愆于恤不可不成。乃寧考圖功。義語助詞。言爾邦君及爾多士尹氏御事

當安勉我也。釋見經傳

將

將或也。見玉篇辭也。見廣韻

將且也。見廣雅論衡知實篇曰、將者且也。常語也。釋見經傳史記曹相國世家曰、吾將入

相漢書將作且是也。

將猶其也。莊子大宗師篇曰、偉哉夫造物者。將以予爲此拘拘也。淮南精神訓曰、偉

哉造物者。其以我爲此拘拘邪。是其證也。經傳釋詞、隱元年左傳曰、君將若之何。

莊十四年傳曰、君其若之何。成二年傳曰、國將若之何。昭十二年傳曰、國其若之

何。其義一也。將與其同義。故二字可以互用。昭八年左傳曰、其非唯我賀。將爲天

下實賀。晉語曰、行之克也。將以害之。若其不克。其因以罪之。皆是也。將與其同義。

故又可以連用。隱三年左傳、其將何辭以對。是也。

將猶抑也。楚辭卜居曰：吾寧悃悃款款，朴以忠乎？將送往勞來，斯無窮乎？楚策曰：先生老悖乎？將以爲楚國祿祥乎？將字竝與抑同義。釋詞傳法言先知篇曰：於乎，天先秋而後春乎？將先春而後秋乎？史記孟嘗君傳曰：人生受命於天乎？將受命於戶乎？將亦抑也。

將猶乃也。宣六年左傳曰：使疾其民以盈其貫，將可殄也。墨子尙賢篇曰：然后國之善射御之士，將可得而衆也。將字竝與乃同義。釋詞傳老子德經曰：天無以清將恐裂，地無以寧將恐發，神無以靈將恐歇，谷無以盈將恐竭，萬物無以生將恐滅。侯王無以貴高將恐蹶，將猶乃也，則也。

將始也。易繫辭傳曰：是以君子將有爲也，將有行也。

行

顏師古注漢書揚雄傳曰：行且也。案李善注文選洞籍賦魏文帝與吳詩十畝之間質書竝云：行猶且也。蓋舊本有此訓。日行與子還兮，又曰：行與子逝兮，言且與子歸，且與子往也。釋詞傳史記陸賈傳

曰，大臣多害辟陽侯。行欲遂誅之。言且欲即誅之也。

當

當猶將也。孟子離婁篇曰，言人之不善，當如後患何。史記魏公子傳曰，公子當何面

目立天下乎。又留侯世家曰，橫絕四海，當可柰何。當字竝與將同義。見經傳淮南

王傳曰，即宮車晏駕，非大王當誰立者。當亦將也。言若宮車一日晏駕，非大王將

誰立者也。

當猶則也。墨子辭過篇曰，君實欲天下之治而惡其亂也。當為宮室不可不節。當字

與則同義。見經傳

當猶猶也。墨子明鬼篇曰，燕之有祖，當齊之有社稷，宋之有桑林，楚之有雲夢也。言

燕之有祖，猶齊之有社稷，宋之有桑林，楚之有雲夢也。左氏傳僖公三十三年曰，

鄭之有原圃，猶秦之有具囿也。成公十六年曰，魯之有季孟，猶晉之有欒范也。文

義正同。王引之曰，當猶如也。於義亦通。

固當、反言不當如是也。前漢書石奮傳、萬石君讓曰、內史貴人、入閭里、里中長老皆走匿。而內史坐車中自如。固當。顧炎武曰、固當反言之也。言貴而驕。人當如此乎。後漢書禰衡傳、孔融退而數之曰、正平大雅。固當爾邪。言大雅君子不當如是也。

僅 董 廙 廡 覲 謹 才 材 財 裁 纒

僅、董、廙、廡、覲、謹、古竝通用。史記樂毅傳曰、僅以身免。廣韻僅纒也貨殖傳曰、然董董物之

所有。漢書地理志應劭注云董董少也董讀曰僅漢書董仲舒傳曰、廙能勿失爾。顏注曰廙與僅同僅少也賈誼傳

曰、其次廙得舍人。顏注云廙與僅同僅得舍人禮記射義曰、蓋廡有存者。廡與僅同呂氏春秋長見

篇曰、魯公以削。至於覲存。高注云覲裁也墨子辭過篇曰、謹

此則止。猶言僅此而已也。

才、材、財、裁、纒、古竝通用。說文曰、僅、材能也。徐鉉曰僅能如此也字林曰、僅、財能也。財能猶材能也

史記留侯世家曰、才宦事韓。漢書文帝紀曰、太僕見馬遺財足。師古曰材與纒同纒少也李

廣利傳曰、士財有數千。師古曰財與才同王貢龔兩鮑傳序曰、裁日閱數人。師古曰裁與才同鼂

錯傳曰、多發遠縣纔至。師古曰、纔淺也。猶言僅至。

止

止僅也。墨子天志篇曰、此吾所以知天之貴且知於天子者。不止此而已矣。莊子天運篇曰、仁義先王之遽廬也。止可以一宿而不可久處。

止猶之也。詩車牽曰、高山仰止。景行行止。史記三王世家引作高山仰之。景行嚮之。止語助也。經傳釋詞、詩草蟲曰、亦既見止。亦既覯止。毛傳曰、止辭也。

每 每

爾雅曰、每有、雖也。詩常棣曰、每有良朋。況也永歎。每有猶雖有耳。箋曰、雖有善同門來。茲對之長歎而已。見經傳釋詞莊子庚桑楚篇曰、每發而不當。釋文引爾雅曰、每雖也。……字本作每。玉篇曰、每雖也。

一切經音義卷三十五引三倉曰、每非一定之詞也。法言問神篇曰、如秦之禮樂。庶事之不備也。每可以為難矣。司馬云誠亦難矣

每凡也。各也。史記越王句踐世家曰：每王且赦。常封三錢之府。馮唐列傳曰：吾今每飯意未嘗不在鉅鹿也。

皆 偕

說文曰：皆、俱詞也。小爾雅曰：皆同也。史記高祖本紀曰：遇番君別將梅鏞與皆。漢書皆作偕。皆偕古通用。故書湯誓曰：予及女皆亡。孟子皆作偕。詩無衣曰：與子偕行。漢書偕作皆。

廣雅曰：偕、俱也。史記平原君傳曰：平常君竟與毛遂偕。

俱 具

具俱古通。史記蕭相國世家曰：漢王所以具知天下阨塞戶口多少疆弱之處民所疾苦者，以何具得秦圖書也。大宛傳曰：具爲天子言之。漢書陳萬年傳曰：具曉所言。大要教咸調也。師古曰：調古詔字也。具字竝與俱同義。

俱皆也。見玉篇。史記曹相國世家曰：然百姓離秦之酷後，參與休息無爲，故天下俱稱

其美矣。詩四月曰，秋日淒淒。百卉具腓。毛傳云，淒淒涼風也。卉草也。腓病也。鄭箋云，具猶皆也。涼風用事而衆草皆腓。韓詩具作俱。俱亦皆也。

俱偕也。史記陳涉世家曰，陳王聞之，乃召見，載與俱歸。范曄傳曰，王稽問魏有賢人，可與俱西游者乎。

俱竝也。史記南越傳曰，吾聞兩雄不俱立，兩賢不竝世，俱亦竝也。互文耳。

比

比皆也。說文曰，皆俱詞也。从比从白。徐鍇曰，比皆也。齊策曰，中山再戰比勝。言再戰皆勝也。大戴禮保傅篇曰，於是比選天下端士。漢書賈誼傳比作皆。見經傳釋詞故呂

氏春秋應同篇曰，山雲草莽，水雲魚鱗，旱雲煙火，雨雲水波，無不皆類其所生以示人。御覽皆作比。

比非一也。後漢書注云諸也。

比及也。史記高祖本紀曰，自度比至皆亡之。又曰，乃并復豐比沛。

一 壹

一猶皆也。呂氏春秋貴直論曰：一若此乎。高注云：一猶皆也。史記曹相國世家曰：舉事無所變更。一遵蕭何約束。言皆遵蕭何約束也。經傳釋詞：大戴禮衛將軍文子篇曰：若吾子之語審茂。則一諸侯之相也。盧辯注曰：一皆也。家語弟子行篇一字作壹。王肅注同。或作壹。禮記三年問曰：壹使足以成文理。王肅注曰：壹皆也。見荀子禮論注。

一猶或也。文十八年穀梁傳曰：一曰就賢也。一曰或曰也。大戴禮夏小正傳曰：一則在本。一則在末。昭元年左傳曰：疆場之邑。一彼一此。何常之有。以上諸一字竝與或同義。見經傳釋詞。字亦作壹。史記春申傳曰：王壹善楚。而關內萬乘之主。注地於齊。漢書司馬遷傳曰：今舉事壹不當。而全軀保妻子之臣。隨而媒孽其短。僕誠私心痛之。

一猶乃也。呂氏春秋知士篇曰：靜郭君之於寡人。一至此乎。高注曰：一猶乃也。史記商君傳曰：爲法之敝。一至此哉。見經傳釋詞。范睢傳曰：范叔一寒如此哉。魏志武文世

王公傳評曰，爲法之弊。一至于此乎。義竝同也。

一語助也。莊子大宗師篇曰，固有無其實而得其名者乎。回一怪之。燕策曰，此一何

慶弔相隨之速也。一字皆是語助。字或作壹。禮記檀弓曰，子壹不知夫喪之踊也。

大學曰，自天子以至於庶人，壹是皆以修身爲本。壹字亦是語助。見經傳釋詞

猥 猥

猥猶乃也。史記樂書曰，猥云德化不當用兵。漢書劉歆傳曰，猥以不誦絕之。猥猶乃

也。言乃以不誦習而絕滅此學也。師古曰猥海也失之矣字本作猥。蜀志諸葛亮傳，猥自枉

屈。

胥 相

胥皆也。見爾雅詩伯弓曰，爾之遠矣。民胥然矣。爾之教矣。民胥傲矣。

胥相也。見爾雅韓詩雨無極篇曰，薰胥以痛。胥相也。山海經曰，其葉胥成。郭注云，言葉

相成也。

相猶而也。史記天官書曰：魁下六星，兩兩相比者，名曰三能。又曰：危東六星，兩兩相比，曰司空。相比，漢志竝作而比。

遲

遲猶乃也。史記春申君傳曰：壹舉事而樹怨於楚。遲，令韓魏歸帝重於齊。索隱曰：遲，音值。值猶乃也。

方 旁 訪

方有也。爲也。

竝見  
廣雅

方將也。法言重黎篇曰：或問楚敗垓下，方死曰天也。諒乎。李注云：方猶將也。

方當也。呂氏春秋知士篇曰：王方爲太子之時。史記平原君列傳曰：土方其危苦之時。易德耳。

方始也。

雅見  
廣雅

纔也。詩公劉曰：爰方啓行。爰於是也。言於是始啓行也。

訪方古通。漢書高五王傳曰：訪以呂氏故幾亂天下。如淳注云：訪猶方也。史記齊悼

惠王世家訪作方。是其證爾。

旁方古通。莊子人間世篇。其可以為舟者旁十數。俞樾曰。旁讀為方。古字通用。尚書  
皋陶謨篇。方施象形惟明。新序節士篇。方作旁。甫形篇。方告無辜于上。論衡變動  
篇。方作旁。竝其證也。詩正月篇。民今方始。鄭箋云。方且也。其可以為舟者方十數。  
言可以為舟者且十數也。釋文引崔曰。旁旁枝也。蓋不知旁為方段字。故語詞而  
誤以為實義矣。見莊子平議

鄉同嚮嚮同

鄉猶方也。字亦作嚮。易隨象傳曰。君子以嚮晦入宴息。言方晦入宴息也。詩庭燎曰。

夜鄉晨。言夜方晨也。見經傳釋詞

鄉向古通。史記秦漢之際月表序曰。鄉秦之禁。適足以資賢者為驅除難耳。鄉與向

同義。謂曩時也。

作

廣雅曰、作始也。疏證云、皋陶謨、蒸民乃粒、萬邦作乂、作與乃相對成文。言蒸民乃粒、萬邦始乂也。禹貢沱潛既道、雲夢土作乂、作與既相對成文。言沱潛之水既道、雲夢之土始乂也。登澗案作與乃字既字對文、則作亦語詞也明矣。史記夢恬傳曰、取成皋滎陽、作置三川郡。又曰、取二十城、作置東郡。言始置三川郡、始置東郡也。故秦始皇本紀曰、取二十城、初置東郡、初亦始也。

作猶及也。書無逸曰、其在高宗、時舊勞於外、夷暨小人、作其卽位、乃或亮陰、三年不言。又曰、其在祖甲、不義惟王、舊爲小人、作其卽位、爰知小人之依、皆謂及其卽位也。某氏傳訓作爲起、失之。作與徂聲相近。廣韻作字又戚辭切聲相近故二者皆可訓爲及。經見

傳釋

適

適猶是也。劉歆與揚雄書曰、今聖朝留心典誥、發精於殊語、欲以驗考四方之事。適子雲攘意之秋也。王引之曰、是子雲攘意之秋也。

適猶若也。韓子外儲說右篇。國羊謂鄭君曰。臣適不幸而有過。願君幸而告之。言臣

若不幸而有過也。見經傳釋詞

適祇也。僅也。史記黥布傳曰。夫楚之疆。適足以致天下之兵耳。

適但也。孟子告子篇曰。飲食之人。無有失也。則口腹豈適爲尺寸之膚哉。趙歧注云。

口腹豈但爲肥長尺寸之膚邪。

適偶適也。論衡初稟篇曰。文王當興。赤雀適來。魚躍鳥飛。武王偶見。非天使雀至白

魚來也。吉物動飛而聖遇也。白魚入于王舟。王陽曰。偶適也。光祿大夫劉琨。前爲

弘農太守。虎渡河。光武皇帝曰。偶適自然。非或使之也。故夫王陽之言適。光武之

曰偶。可謂合於自然也。

適謂適然也。昭十七年左傳曰。鳳鳥適至。見經傳釋詞史記春申君傳曰。而楚使黃歇適

至於秦。魯仲連傳曰。此時魯仲連適游魯。

適然猶當然也。漢書賈誼傳曰。慮不動於耳目。以爲是適然耳。師古曰。適當也。謂事

理當然。是也。

祇 祇 祇 禕 多

段玉裁曰、周易、无祇悔。釋文云、祇辭也。馬同音之是反。此讀祇爲語辭。適也。五經文字衣部曰、祇止移切。適也。廣韻五支曰、祇章移切。適也。唐石經、祇卽平。左傳、祇見疏也。詩、祇攪我心。字皆從衣。登解案字亦作祇。漢書鄒陽傳曰、祇怨結而不見德。師古曰、祇適也。晉支。

王引之曰、詩我行其野曰、成不以富。亦祇以異。毛傳曰、祇。適也。常語也。字或作多。襄二十九年左傳、祇見疎也。正義祇作多。云多見疏。猶論語云多見其不知量也。服虔本作祇見疏。解云、祇適也。晉宋杜本皆作多。古人多祇同音。定十五年左傳、存亡有命。事楚何爲。多取費焉。多讀爲祇。言事楚則適自取貢獻之費也。昭十三年傳曰、祇取辱焉。二十六年傳曰、祇取誣焉。定四年傳曰、祇取勤焉。哀十四年傳曰、祇取死焉。文義正相合也。哀八年傳、不足以害吳而多殺國士。不如已也。多亦讀

爲祇。言不足以害吳人而適傷魯之國士也。僖十五年傳曰：晉未可滅而殺其君。祇以成惡。哀十三年傳曰：無損於魯而祇爲名。文義正相合也。

禋祇古通。史記周本紀曰：祇取辱耳。汲長儒傳曰：禋取辱耳。徐廣曰：禋一作祇。玉篇

曰：祇適也。

啻 反失 智 翅 適

說文：啻語時不啻也。一切經音義卷三引蒼頡篇曰：不啻多也。書多士曰：爾不啻不有爾土。釋文曰：啻徐本作翅。孟子告子篇曰：取食之重者與禮之輕者而比之。奚翅食重。莊子大宗師篇曰：陰陽於人，不翅於父母。翅竝與啻同。字亦作適。王念孫曰：說文：適從疋啻聲。適啻聲相近。故古字或以爲適啻。秦策曰：疑臣者不適三人。不適與不啻同。故高注讀適爲翅。史記甘茂傳作疑臣者非特三人。非特猶不啻也。見經傳釋詞案疑臣者不適三人。猶言疑臣者過三人也。顏氏家訓止足篇曰：不啻者皆以義散之不至此

者勿非道求之  
不啻猶不止也

屬燭音

屬適也。成二年左傳曰：下臣不幸，屬當戎行。杜注曰：屬適也。昭四年傳曰：屬有宗祧之事於武城。魯語：吾屬欲美之。章注亦曰：屬適也。見經傳釋詞

屬猶祇也。昭二十八年左傳及晉語竝云：願以小人之心，屬厭而已。言

祇取厭足而已也。韋注曰：屬適也。適小飽足而自節止。見經傳釋詞

屬猶今人言適纔也。晉語曰：屬見不穀而下，無乃傷乎。韋注曰：屬適也。史記留侯世

家曰：天下屬安定，何故反乎。見經傳釋詞

識

識猶適也。王念孫曰：成十六年左傳：識見不穀而趨。無乃傷乎。言適見不穀而趨也。

晉語作屬見不穀而下。屬亦適也。見經傳釋詞

可

玉篇曰：可肯也。常語。

可許之辭也。文見說

可否之對也。會見韻左氏傳昭公二十年曰君所謂可而有否焉君所謂否而有可焉。

杜注云否不可也。

可僅辭也。論語學而篇曰子曰可也。可者僅可而未盡之辭也。子路篇曰期月而已可也。可者僅可而未足之辭也。

可約計之辭。史記高祖本紀曰奪其軍可四千餘人。又曰項羽之卒可十萬。衛將軍列傳曰遂將其餘騎可八百。奔降單于。

可決定之辭。論語爲政篇曰其或繼周者。雖百世可知也。

可猶能也。淮南說林訓曰使人無度河可。中河使無度不可。高注云不可言不能也。文子上德篇曰使人無渡河可。使河無波不可。不可亦不能也。

可猶所也。禮記中庸體物而不可遺。鄭注曰體猶生也。可猶所也。不有所遺。言萬物無不以鬼神之氣也。後漢書竇憲傳燕然山銘曰茲所謂一勞而久逸。暫費而永

寧者也。文選所作可。可與所同義。故可得訓爲所。所亦得訓爲可。見經傳釋詞

可猶宜也。漢書孔光傳曰：皆引入禁中。議中山王定陶王誰可爲嗣者。可猶宜也。宋

曰可字越本作宜字故下文云：定陶王宜爲嗣。中山王宜爲嗣。是其證矣。

肯本作寫

玉篇肉部引詩曰：惠然肯來。肯可也。今作肯。廣韻曰：肯可也。

叵

叵不可也。後漢書呂布傳：布目備曰：大耳兒最叵信。劉備自顧見耳。故曰大耳兒最

叵信最不可信。言劉備最不可信也。魏志布因指備曰是兒最叵信者

叵猶遂也。後漢書隗囂傳曰：帝知其終不爲用。叵欲討之。班超傳曰：超欲因此叵平

諸國。章懷注竝云：叵猶遂也。

有

有，狀物之辭也。若詩桃夭之有蕢其實。是也。他皆放此。見經傳釋詞

有猶或也。詩載馳曰：大夫君子，無我有尤。言無我或尤也。又春秋凡言日有食之者。

皆謂日或食之也。有與或古同聲而義亦相通。見經傳釋詞

有，猶又也。詩終風曰：終風且噎。不日有噎。箋曰：有又也。有又古同聲。故又字或通作

有。莊子徐無鬼篇曰：我則勞於君，君有何勞於我。言君又何勞於我也。有亦通作

又。周語曰：作又不節，害之道也。言作有不節也。見經傳釋詞史記孝文本紀曰：十一月

晦，日有食之。十二月望，日又食。有亦又也。互文耳。淮南傳曰：有萬倍於秦之時。漢

書有作又。

有猶爲也。晉語曰：克國得妃，其有吉孰大焉。言其爲孰大也。昭五年左傳曰：其爲吉孰大焉。孟子滕

文公篇曰：人之有道也，飽食煖衣，逸居而無教，則近於禽獸。言人之爲道如此也。

若言民之爲道也。有恆產者，有恆心。無恆產者，無恆心矣。爲有一聲之轉。故爲可

訓爲有。有亦可訓爲爲。王氏念孫之說史記封禪書曰：令有親屬。漢書有作爲。是

其證也。

有語助也。一字不成詞。則加有字以配之。若虞夏殷周皆國名。而曰有虞、有夏、有殷、

有周，是也。凡國名之上加有字者放此。推之他類，亦多有此。故邦曰有邦。書舉陶謨曰亮采有邦。家曰有

家。舉陶謨曰夙夜浚明有家。三宅曰有三宅。三俊曰有三俊。書立政曰三有俊克即俊。三事曰

有三事。詩十月之交擇有三事。說經者未喻屬詞之例。往往訓為有無之有。失之矣。見釋傳

不無有、有也。管子地員篇曰：不無有三分而去其乘。適足以是生商。尹注云：不無有

即有也。

言

言云也。語詞也。話言之言謂之云。語詞之云亦謂之言。若詩葛覃之言告師氏。言告

言歸。芣苢之薄言采之。薄言皆語詞後凡稱薄言者放此。草蟲之言采其蔭。後凡稱言采者放此。泉水之駕

言出遊。後凡稱駕言者放此。庭燎之言觀其旅。後凡稱言觀者放此。大東之晷言顧之。荷子宥後漢書引作眷焉。

書劉陶傳則言亦語詞。文王之永言配命。後凡稱永言者放此。及左傳僖九年之既盟之後。

言歸于好。易繫辭傳之德言盛。禮言恭。禮恭也。言語詞。皆與語詞之云同義。禮見

詞傳釋

姑 嫜

姑且也。見玉篇左氏傳宣公十二年曰：子姑整軍而經武乎。杜注云：姑且也。字亦作嫜。

廣雅曰：嫜且也。王念孫曰：嫜通姑。是也。

姑語助聲也。孟子滕文公篇曰：蠅蚋姑嘖之。

聊 謬

廣雅曰：聊且也。玉篇曰：謬且也。楚辭離騷曰：聊逍遙以相羊。注云：聊且也。

玉篇曰：聊且略之辭。詩泉水曰：聊與之謀。王引之曰：聲類作謬，義與箋同。見文選箋賦注。園有桃曰：聊以行

國。鄭箋竝云：聊且略之辭也。

廣韻曰：聊語助也。詩椒聊曰：椒聊且。疏云：聊且皆語助也。

愨

愨且也。哀十六年左傳：閔天不弔，不愨遺一老。俾屏予一人以在位。杜注曰：愨且也。

王肅注家語終記篇同

應劭注漢書五行志曰：懋且辭也。言閔天不善於魯，不且遺一老，俾屏蔽我一人也。昭二十八年左傳：祁盈之臣曰：鈞將皆死。懋使吾君聞勝與臧之死也，以為快。懋亦且也。言鈞之將死，且使吾君聞勝臧之死而快意也。杜以懋為發語之音，於文義未協。見經傳釋詞

孔

爾雅曰：孔甚也。書禹貢：九江孔殷。史記夏本紀作甚中。見經傳釋詞案論衡正說篇曰：殷者中也。孔殷即甚中也。

頤

頤，助聲之辭也。史記陳涉世家曰：夥頤涉之為王沈沈者。服虔云：頤者，助聲之辭也。案夥頤猶夥乎也。故說文繫傳引作夥乎涉之為王黠黠者也。

嗟

嗟，句中語助。詩中谷有雉，曰：啜其泣矣。何嗟及矣。何嗟及何及也。言雖泣而無及於

事也。嗟句中語助耳。見經傳釋詞

嗟句末語助。詩節彼南山曰：天方薦瘥，喪亂宏多。民言無嘉，慳莫懲嗟。慳莫懲嗟，慳莫懲也。言天降喪亂如此。而在位者曾莫知所懲也。嗟句末語助耳。見經傳釋詞

# 卷五

## 東語詞第五

### 總之 要之

總之、要之、皆結束上文之要辭。史記五帝本紀贊曰、總之不離乎古文者近是。諸侯王年表序曰、形勢雖強、要之以仁義爲本。張儀列傳曰、要之、此兩人真傾危之士哉。或但謂之要。老子列傳曰、莊子散道德放論、要亦歸之自然。龜策列傳曰、要其歸等耳。

大率 讀若律 率 顏氏家訓曰 類 慮

大率、率、類、慮、皆總括之辭。前漢書西域傳曰、西域諸國。大率土著。後漢書東夷傳曰、大率皆魁頭露紛。史記平準書曰、於是商賈中家以上大率破。貨殖傳曰、其大率也。孟嘗君傳曰、其俗閭里率多暴桀子弟。陸賈傳曰、率不過再三過。老子傳曰、大

抵率寓言也。率皆也。言大抵皆寓言也。平準書曰大抵皆遇告張儀傳曰大抵皆三晉之人也。伯夷傳曰。類名湮沒而不彰。悲夫。漢書尹翁歸傳曰。類常如翁歸言。無有遺脫。師古曰。類猶率也。賈誼傳曰。慮亡不帝制而天子自為者。師古曰。慮大計也。劉歆曰。慮大率也。案顏劉二說是也。類與慮同意。猶言大率也。大略也。

凡 大凡

倉頡篇曰。凡數之總名也。說文曰。凡最括而言也。史記陳涉世家曰。陳勝王凡六月。外戚世家曰。竇氏凡三人為侯。陸賈列傳曰。陸生迺粗述存亡之徵。凡著十二篇。以上三例。凡之本義。引而申之。(一)大概也。見正韻。筦子立政篇曰。凡將舉事。令必先出。案筦子多用凡字。(二)非一也。諸也。玉篇曰凡非一也。倉頡篇曰諸非一也。故凡亦可訓諸也。周禮冢人曰。凡王巾。(三)皆也。見廣雅。荀子榮辱篇曰。凡在言也。謂禍福皆在於言也。(四)猶惟也。詩文王曰。凡周之士。不顯亦世。後魏書禮志凡作惟。言惟周之士。累世顯德也。大凡。總計之辭也。史記吳太伯世家曰。大凡從太伯至壽夢十九世。漢書藝文志。大

凡書六略三十八種。五百九十六家。萬三千二百六十九卷。山海經曰。大凡四十四神。皆用稌糴米祠之。此皆不火食。

大氏 大抵 大底 大抵 大歸

廣雅曰。氏抵也。玉篇曰。抵略也。大抵言大略也。漢書賈誼傳顏注云。大抵猶言大略也。大氏。大抵。大底。大抵。大歸。義竝同也。史記秦始皇本紀曰。大氏盡畔秦吏。平準書曰。天下大抵無慮皆鑄金錢。漢書食貨志大抵猶言大氏顏注云。氏讀曰抵。大氏猶言大凡也。佞幸傳曰。內寵嬖臣。大底外戚之家。漢書王莽傳曰。大歸言莽當代漢有天下云。

大要 大略 大較 大經

廣雅曰。要。約也。大要猶大約也。又曰。略。要也。大略猶大要也。後漢書延篤傳李賢注曰。較。猶略也。大較猶大略也。大要。大略。大較。大經。皆約略之辭也。前漢書陳萬年傳曰。大要教咸調也。師古曰。大要大歸也。孟子滕文公篇曰。此其大略也。史記萬石君傳曰。大略為百姓言。貨殖傳曰。此其大較也。天官書曰。此其大經也。此皆用以總錄

文上

亡慮 無慮 焉慮

亡慮、無慮、焉慮、猶言大凡也。謂不特計慮而前漢書趙充國傳曰、亡慮萬二千人。後

漢書段熲傳曰、無慮用費為錢五十四億。李賢注曰、無慮都凡也。荀子議兵篇曰、

其所以接下之百姓者、無禮義忠信、焉慮率用賞慶刑罰勢詐除阨其下、獲其功

用而已矣。楊倞注曰、焉慮、無慮、猶言大凡也。馬氏文通誤以為案率皆也。言無慮

皆用賞慶刑罰勢詐除阨其下也。此與漢書食貨志天下大氐無慮皆鑄金錢矣。

文義相似。王引之曰、焉猶乃也。慮率皆謂大凡也。失之。

諸妄

諸妄猶都凡也。諸凡也。漢書李廣傳、而諸妄校尉已下。材能不及中。以軍功取侯者

數十人。張晏曰、妄猶凡也。則諸妄猶諸凡耳。

揚推 擗權權權通用 辜權 大推 大揚推 大揚擗 推較 推惟 提封

揚推、嬖權、辜權、大推、大揚推、大揚擢、推較、推惟、提封、隄封、堤封、案廣韻五支曰提封漢書作提封

曰隄封漢書作提封

猶言都凡也。廣雅疏證云：釋詁，都大也。聚也。說文，凡最括也。合言之則

曰都凡。猶今人言大凡諸凡也。揚推雙聲字也。莊子徐無鬼篇，則可不謂有大揚推乎。淮南子俶真訓，作物豈可謂無大揚擢乎。高誘注云：揚擢猶無慮。大數名也。莊子釋文引許慎注云：揚推粗略法度也。案大揚推猶言大略。許高二說是也。揚推者，大數之名。故或言大推。續漢書律歷志云：其可以相傳者，唯大推常數而已。又謂之商推。卽揚推之轉。單言之則曰推。左思魏都賦：推惟庸蜀與鵠鵠同窠。勾吳與鼃貍同穴。推惟者發凡之詞。猶言大氏耳。字亦作較。稽康養生論：較而論之。猶言約而論之耳。嬖權猶揚推也。或作辜較。孝經：蓋天子之孝也。孔傳云：蓋者辜較之辭。劉炫述義云：辜較猶梗概也。孝道既廣。此纔舉其大略也。梗概與辜較一聲之轉。都凡謂之大推。亦謂之約略。其義一也。合言之則曰辜權。漢書陳咸傳云：沒入辜權財物。嬖與權皆總括之意。故釋言云：嬖，權也。此言辜權都凡也。提封亦

大數之名。猶今人言通共也。漢書刑法志。一同百里。提封萬井。提封即都凡之轉。提封萬井。猶言通共萬井耳。

亂曰

楚辭離騷曰。亂曰。已矣哉。國人莫我和兮。漢書賈誼傳作評。離騷下章亂也。王注云。

亂理也。所以發理詞旨。總撮其要也。屈原舒肆憤懣。極意敝詞。或去或留。文采紛華。然後結括一言。以明所趣之意也。離騷有亂有重。亂者。總理一賦之終。重者。情志未申。更作賦也。案論衡亂龍篇曰。亂者終也。案書篇曰。或以為亂者理也。故王逸曰。總理一賦之終。賦頌篇下。其有亂曰章。蓋其類也。

# 卷六

## 歇語詞第六

也

芑 類篇曰芑古文也字

六書正僞曰也古匪字借爲助辭助辭之用既多故正義爲所奪又加仁爲匪以別之實一字也經傳釋詞玉篇曰也所以窮上成文也顏氏家訓書證篇曰也語已及助句之辭(一)有結上文者若論語亦不可行也(二)有起下文者若夫子之至於邦也必聞其政(三)有在句中助語者若其爲人也孝弟以上三例王引之曰皆常語(四)有作決辭者若孟子吾之不遇魯侯天也(五)有作疑問之詞者若漢書身死人手爲天下笑者何也(六)有作解釋之詞者若中庸仁者人也義者宜也(七)有作歷數之詞者若中庸修身也尊賢也親親也敬大臣也體羣臣也子庶民也來百工也柔遠人也懷諸侯也此歷數九經之目已

也猶焉也。禮記樂記曰：內和而外順。則民瞻其顏色而弗與爭也。望其容貌而民不

生易慢焉。論語里仁篇曰：見賢思齊焉。見不賢而內自省也。也亦焉也。互文耳。經見

詞傳釋 史記刺客傳曰：願先生留意也。也亦焉也。與下文惟荆卿留意焉。文義正同。

也猶矣也。晉語曰：且夫欒氏之誣晉國久也。宋明道本如是今本作且夫欒氏 論語

先進篇曰：從我於陳蔡者。皆不及門也。也字竝與矣同義。故禮記祭義：可謂能終

矣。大戴禮曾子大孝篇矣作也。中庸民不可得而治矣。孟子離婁篇矣作也。傳見經

詞 淮南子繆稱訓曰：故上左遷。則失其所尊也。臣右遷。則失其貴矣。也亦矣也。互

文耳。

也猶已也。墨子天志篇曰：既可得而知也。與尙賢篇既可得而知已。文義相同。史記

司馬相如傳曰：軒轅之前。遐哉邈乎。其詳不可得聞也。漢書文選也竝作已 與上文其詳不

可得聞已。文義亦同。

也猶者也。詩權輿曰：今也無食無餘。禮記檀弓曰：古也墓而不墳。又曰：古者冠縮縫。

今也衡縫。成十七年穀梁傳曰：不曰至自伐鄭也。公不周乎伐鄭也。上也字與者

同義。孟子盡心篇曰：孩提之童，無不知愛其親者。舊本皆如是，監本者作也，乃後人所改。及其長也。

無不知敬其兄也。下也字亦與者同義。凡經傳釋詞墨子親士篇曰：三子之能達名成

功於天下也。皆於其國抑而大醜也。上也字與者同義。大取篇曰：害之中取小也。

非取害也。取利也。第一也字與者同義。

也猶耳也。論語先進篇曰：由也升堂矣。未入於室也。馬融注曰：升我堂矣。未入於室

耳。見經傳釋詞呂氏春秋察傳篇：子夏曰：非也。是已亥也。家語作已亥耳。

也猶兮也。詩日月曰：乃如之人兮。嘒嘒曰：乃如之人也。見經傳釋詞案也猶兮也。故韓詩

外傳也。作兮。旄邱曰：何其處也。必有與也。何其久也。必有以也。第一第三也字與

兮同義。故韓詩也。作兮。君子偕老。二章曰：玉之瑱也。三章曰：邦之媛也。說文也。竝

作兮。是其證也。

也猶耶也。韓詩外傳曰：叟盍爲寡人壽也。淮南覽冥訓曰：其失之。非乃得之也。精神

訓曰、吾安知夫刺灸而欲生者之非惑也。又安知夫絞經而求死者之非福也。也

字竝與邪同義。故莊子大宗師篇曰、又將以予爲此拘拘也。淮南精神訓也作邪。

呂氏春秋異用篇曰、今我非其主也。御覽也作邪。經傳釋詞、易繫辭傳曰、夫易何

爲者也。夫易開物成務。冒天下之道。如斯而已者也。上二字是問詞與邪同義凡

詞者放此又曰、其故何也。乾文言曰、何謂也。也者皆放此詩旄邱曰、叔兮伯兮。

何多日也。凡上言何而下禮記檀弓曰、如之何其禘裘而弔也。凡上言者放此

又曰、何爲不去也。凡上言何爲而下桓十年左傳曰、吾焉用此。其以賈害也。凡上言

者放此周語曰、敢問天道乎。抑人故也。晉語曰不知人

也猶歟也。墨子非命篇曰、今夫有命者。今本今字在不志昔也。三代之聖善人與。意

亡昔三代之暴不肖人也。意猶抑也。也亦與也。互文耳。下篇作意亡三代之暴不

肖人與。是其證矣。經傳釋詞、孟子公孫丑篇曰、惡、是何言也。祭義曰是告子篇曰、

然則飲食亦在外也。上文曰然則善

也猶乎也。魏策曰：此於其親戚兄弟若此。而又況於仇讎之敵國也。史記魏世家也作乎。見經傳釋詞秦策曰：君其試焉。奚遽叱也。甘茂列傳作何遽叱乎。魯周公世家曰：不知天弃魯乎。抑魯君有罪于鬼神也。酈生列傳曰：足下欲助秦攻諸侯乎。且欲率諸侯破秦也。且亦也亦乎也。互文耳。

矣。

說文曰：矣語已辭也。段注曰：已矣疊韻。已止也。其意止。其言曰矣。是爲意內言外也。王引之曰：亦有在句中者。若書牧誓曰：湯矣西土之人。詩雄雉曰：展矣君子之屬。是也。皆常語。

矣猶乎也。隱十一年左傳曰：邪而詛之。將何益矣。晉語曰：君何以訓矣。隱三年公羊

傳曰：蓋終爲君矣。見經傳釋詞韓詩外傳曰：桓公曰：蓋以叟之壽祝寡人矣。

矣猶也也。詩車攻曰：允矣君子。展也大成。允矣與允也同。禮記緇衣引作允也君子長發曰允也天子也

矣一聲之轉。故也可訓爲矣。矣亦可訓爲也。見經傳釋詞故史記留侯世家曰：父去里

所。復還曰。孺子可教也。論衡紀妖篇也作矣。又曰。十三年孺子見我濟北穀城山下黃石即我矣。紀妖篇矣作也。淮南道應訓。仲尼曰。洞則無善也。化則無常矣。而夫子薦賢。丘請從之後矣。亦也。故莊子大宗師矣作也。主術訓曰。孔子學鼓琴於師襄而諡文王之志。見微以知明矣。延陵季子聽魯樂而知殷夏之風。論近以識遠也。矣亦也。互文耳。

矣猶耳也。趙策曰。則連有赴東海而死矣。史記魯仲連傳矣作耳吾不忍為之民也。燕策曰。齊

者故寡人之所欲伐也。直患國弊力不足矣。矣字竝與耳同義。見經傳釋詞墨子公輸

篇曰。王曰必為竊疾矣。尸子作此為竊疾耳。御覽矣亦作耳。

矣猶之也。詩隰桑曰。心乎愛矣。遐不謂矣。遐何也。謂告也。言何不告之也。

矣猶者也。詩天作曰。彼徂矣岐。有夷之行。韓詩矣作者。沈括曰後漢書朱浮傳耳彼軋者岐蓋未見韓詩耳

焉

玉篇曰。焉語已之詞也。常語也。見經傳釋詞

焉決辭也。孟子梁惠王篇曰：斯天下之民至焉是也。

焉狀事之辭也。與然字同義。若詩小弁曰：怒焉如擣。書秦誓曰：其心休休焉之類。是

也。亦常語。見經傳釋詞

焉比事之詞也。亦與然同義。若大學引秦誓曰：其如有容焉之類。是也。亦常語。見經傳釋詞

詞

焉猶乎也。詩林杜曰：嗟行之人。胡不比焉。隱元年左傳曰：君何患焉。周語曰：先王豈

有賴焉。論語子路篇曰：又何加焉。是也。又昭三十二年左傳：遲速衰序。於是焉在。

莊子秋水篇：於是焉河伯欣然自喜。焉字亦與乎同義。見經傳釋詞

焉猶也也。昭三十二年左傳曰：民之服焉。不亦宜乎。莊元年公羊傳曰：於其出焉。使

公子彭生送之。於其乘焉。擗榦而殺之。見經傳釋詞詩菀柳曰：上帝甚蹈。無自瘵焉。毛傳

云瘵病也國策焉作也。是其證矣。

焉猶於也。哀十七年左傳曰：裔焉大國。句滅之將亡。裔邊也。焉於也。言邊於大國。將

見滅而亡也。此顧氏寧人說○案史記匈奴傳曰而三國邊於匈奴又曰與中國界於故塞文義相類宣六年公羊傳曰勇士

入其大門則無人焉門者入其闔則無人焉闔者何注曰焉者於也是無人於門

闔守視者也。釋見經傳

焉猶是也。玉篇曰焉是也。隱六年左傳曰我周之東遷晉鄭焉依。周語作晉鄭是依。

見經傳後漢書任光邳彤傳贊曰委佗還旅。二守焉依。言光武失軍南還唯任邳

二守是依也。

焉猶於是也。晉語曰盡逐羣公子乃立奚齊。句焉始為令。國無公族焉。言於是始為

令也。墨子魯問篇曰公輸子自魯南遊楚。句焉始為舟戰之器。言於是始為舟戰

之器也。此皆古人以焉始二字連文之證。釋見經傳案呂氏春秋季春紀曰天子焉

始乘舟。高注云焉猶於此。自冬至此。於是始乘舟。王說蓋自冬至此四字誤矣。蓋

此承上文而言。謂五覆五反。五覆以視其表天子於是始乘舟也。可參開禮

焉猶乃也。大戴禮王言篇曰七教修。句焉可以守。三至行。句焉可以征。言乃可以守。

乃可以征也。家語作然後可以楚辭九辯曰：國有驥而不知乘兮，焉皇皇而更索。

義與乃同。見經傳釋詞禮記三年問曰：故先王焉爲之立中制節焉，猶乃也。下文云：焉

使倍之，故再期也。焉使弗及也。焉亦乃也。墨子耕柱篇曰：倍祿而鄉義者，於高石

子焉見之也。言於高石子乃見之也。淮南子繆稱訓曰：而蹠焉往。高注云：言蹠乃

往至也。又曰：故人之憂喜，非爲蹠蹠言往生也。言非爲蹠蹠乃往生也。

焉猶則也。荀子禮論篇：三者偏亡，句焉無安人。史記禮書焉作則。莊子在宥篇：故貴

以身爲天下，則可寄天下。案此二句出莊子王氏以淮南道應篇引此則作焉。是

焉與則亦同義。見經傳釋詞墨子兼愛篇曰：聖人以治天下爲事者也。必知亂之所自

起。焉能治之。不知亂之所自起，則不能治。譬之如醫之攻人之疾者然。必知疾之

所自起。焉能攻之。不知疾之所自起，則不能攻。焉亦則也。互文耳。淮南子繆稱訓

曰：同是聲而取信焉異。言同是聲而取信則異也。

耳

廣韻曰耳辭也。顏師古注漢書東方朔傳曰耳語辭其實一也。

耳猶而已也。論語陽貨篇前言戲之耳。是也。管子臣乘馬篇曰故春事二十五日之

內耳也耳也者而已也。見經傳釋詞

耳猶也也。史記張耳陳餘傳曰然而慈父孝子莫敢傳刃公之腹中者畏秦法耳。漢

書引作畏秦法也。

耳猶矣也。禮記樂記曰則樂之道歸焉耳。王引之曰歸終也。言萬物各得其所則樂

之道終焉矣。

爾耳猶如此而已也。段玉裁曰凡語云而已者急言之曰耳。凡言如此者急言之曰

爾。如世說聊復爾耳。謂且如此而已也。

尔 案顏氏家訓曾用尔字

說文曰尔、晷之必然也。段注云尔之言如此也。後世多以尔字爲之。凡言果尔。不尔、

乃尔。此王氏說云尔。莞尔、鏗尔、卓尔、鼎鼎尔、猶猶尔、聊復尔耳。故人心尙尔、皆訓如

此亦有單訓此者。如公羊傳焉爾之爲於此。孟子然而無乎爾，則亦有乎爾，是也。語助有用耳者。與爾絕殊。三國志云，生女耳。耳之言而已也。近人爾耳不分。

說文曰，麗爾猶靡麗也。段注云，麗爾古語。靡麗漢人語。以今語釋古語，故云猶。凡訓如此訓此者，皆當作尔。爾行而尔廢矣。經傳釋詞，孟子告子篇曰，富歲子弟多賴，凶歲子弟多暴。非天之降才爾殊也。言非天之降才如此其異也。僖二十一年公羊傳曰，公與爲爾，奈何公與議爾也。言公與爲此公與議此也。

文選古詩注引字書曰，爾，詞之終也。常語也。

見經傳釋詞

爾猶然也。考工記曰，頽爾如委，撥爾如怒，掣爾而織，慎爾下迪。爾字竝與然同義。段玉裁曰，論語一經言謹爾、率爾、鏗爾者，爾猶然也。王引之曰，爾猶然也。若論語卓爾、率爾、鏗爾、堯爾之屬，是也。亦常語。

爾猶焉也。隱元年羊傳曰，然則何言爾。二年傳曰，何譏爾。三年傳曰，何危爾。

僖五年

梁傳曰何尊焉又曰何重焉

僖二年傳曰，則中國曷爲獨言齊宋至爾。爾字竝與焉同義。

見經傳釋

爾猶矣也。詩噫嘻曰、噫嘻成王。既昭假爾。箋曰、噫嘻乎能成周王之功。其德已著至

矣。是爾與矣同義。又僖二年公羊傳曰、君若用臣之謀。則今日取郭明日而取虞

爾。爾字亦與矣同義。見經傳釋詞

爾猶乎也。中庸曰、君子胡不慥慥爾。集註云、君子之言行如此。豈不慥慥乎。

爾猶而已也。禮記檀弓曰、惟祭祀之禮。主人自盡焉爾。豈知神之所饗。言主人自盡

焉而已也。郊特牲曰、豈知神之所饗也。主人自盡其敬而已矣。是其證也。僖三十

一年公羊傳曰、不崇朝而徧雨乎天下者。惟大山爾。論語鄉黨篇曰、便便言。惟謹

爾。竝與而已同義。見經傳釋詞

焉爾猶於是也。於此也。隱二年公羊傳曰、前此則曷為始乎此。托始焉爾。何注曰、焉

爾猶於是也。是亦此也。見經傳釋詞案焉爾二字。公羊傳穀梁傳用之最多。皆訓於此。

云爾語已詞也。論語述而篇曰、不知老之將至云爾。段玉裁曰、論語一經言云爾者。

謂如此也。

已

顏師古注漢書宣帝紀曰、已語終辭也。禮記檀弓曰、生事畢而鬼事始已。盧植注曰、

已者辭也。見通典禮 已為語終之詞。則與矣同義。釋見經傳

爾雅曰、已此也。莊子齊物論篇曰、已而不知其然謂之道。已字承上文而言。言此而

不知其然也。養生主篇曰、已而為知者。殆而已矣。言此而為知者也。此東原說氏淮南

道應篇曰、已雖無除其患。天地之間六合之內。可陶冶而變化也。無不也。言此雖

不除其患也。此邵氏 或作以。禮記射義引詩曰、大夫君子。凡以庶士。亦言凡此庶

士也。見經傳

廣韻曰、已太也。甚也。管子戒篇曰、好善而惡惡已甚。尹知章注云、已猶太也。王引之

曰、鄭注考工記曰、已太也。甚也。亦常語也。或作以。文五年左傳、嬴曰以剛。是也。

已過事辭。常語也。史記五宗世家曰、已乃覺非程姬也。言既幸之後。乃覺非程姬也。

已歎辭也。書大誥曰：已，予惟小子。某氏傳曰：已發端歎辭也。漢書翟義傳作熙，顏師古注曰：熙歎辭。莊

子庚桑楚篇曰：已我安逃此而可。義竝同也。見經傳釋詞

已猶以也。史記游俠傳：鄙人有言曰：何知仁義。已饗其利者為有德。索隱曰：已音以。

饗音享。受也。言以受其利者為有德。不必知仁義也。

是已猶是也。莊子駢拇篇曰：是故駢於明者。亂五色。淫文章。青黃黼黻之煌煌。非乎。

而離朱是已。向秀云：是已猶是也。

已乎決絕之詞。左氏傳昭公十二年曰：已乎已乎。非吾黨之士乎。

諾已，悲歎之詞。公羊傳僖公元年曰：此奚斯之聲也。諾已。諾已齊語。猶云無可如何也。

兮

兮歌辭也。竹書紀年：成王援琴而歌曰：鳳凰翔兮于紫庭。余何德兮以感靈。賴先王

兮恩澤。臻于胥樂兮民以寧。

兮猶歟也。晉語曰：猗兮違兮。猗違猶依違也。漢書孔光傳曰：猗違者連歲。

兮猶乎也。史記司馬相如傳曰：蕩蕩兮八川分流。相背而異態。蕩蕩兮猶蕩蕩乎也。

莊子天地篇曰：蕩蕩乎忽然出勃然動而萬物從之乎。

兮猶然也。老子上篇曰：猶兮若畏四鄰。猶兮者猶然也。王注云：猶然不知所趣向者也。

兮猶也也。詩鵙鳩曰：淑人君子。其儀一兮。禮記緇衣兮作也。

### 猗漪

猗猶焉也。書秦誓曰：斷斷猗無他技。公羊傳文公十二年引作惟一介斷斷焉無他技。蓋焉猗古同聲也。

猗已也。書秦誓曰：斷斷猗。禮記大學猗作兮。詩伐檀曰：坎坎伐檀兮。竇之河之于兮。

河水清且漣漪。漪猶兮也。故漢魯詩殘碑漪作兮。莊子大宗師篇曰：而已反其真。

而我猶爲人猗。猗亦兮也。見經傳呂氏春秋音初篇曰：女乃作歌。歌曰：倏人猗。猗

亦兮也。今本誤作兮字亦作漪。爾雅釋水曰：何水清且瀾漪。釋文公：漪本作猗。文選左

思吳都賦瀾漪注云、漪蓋語辭也。

猗與、歎詞也。漢書武帝紀曰、猗與偉與。猗與歎美之詞。師古曰、猗、美也。與、古辭也。詩那曰、猗與那

與。潛曰、猗與漆沮。竝與此同。

些

些、亦歌辭也。楚辭招魂曰、寃歸來兮。何爲四方些。洪興祖補注曰、些蘇賀切。沈存中

曰、楚辭招魂句尾皆曰些。……今夔峽湖湘及南北江獠人。凡禁呪句尾皆稱些。

此乃楚人舊俗。見夢溪筆談故廣韻曰、些楚音蘇箇切楚語辭也。

王念孫曰、些、卽些之譌也。據爾雅釋文云、些郭音些。是些字兼有些音也。玉篇廣韻

竝云、些此也。卽爾雅些字之訓。廣韻、些何也。卽說文些字之訓。案王說是也。蓋說文皆苛也。苛何古

通用故史記曰、飲毋苛。漢書作無何。而集韻又云、些、或作些。故知些卽些之譌也。些字以此爲聲。則

當以息計爲正音。息箇爲變音矣。楚辭之些與詩之斯同義。爾雅斯些皆訓爲此。

而聲又相近。故二者又皆爲語詞。見經傳釋詞

只 旨 咫 軹 詛

說文曰、只語已辭也。段注云矣、只皆語止之辭、鄙風母也、天只不諱人、只是也。楚辭大招一章、皆用只字。若青春

受謝、白日昭只。洪補注曰、只音止。語已詞。王引之曰、字或作軹。莊子大宗師篇曰、

而奚來爲軹。崔譔注、軹辭也。見經傳釋詞亦作詛。廣雄釋言曰、詛詞也。

只亦句中語助也。字亦作旨。左傳襄十一年二十四年及昭十三年引詩、竝作樂旨

君子。見經傳釋詞

咫詞之已也。晉語曰、吾不能行咫。聞則多矣。咫猶已也。

只詞之耳也。襄二十七年左傳曰、諸侯歸晉之德只。杜辭注非歸其尸盟也。只猶耳也。

楚語曰、是知天咫。安知民則。咫與只同義。見經傳釋詞

咫詞之也也。莊子在宥篇曰、乃齊戒以言之邪。跪坐以進之邪。鼓歌以儻之邪。釋文

曰、邪崔本皆作咫。案咫與也同義。

咫詞之則也。賈子淮難篇曰、陛下於淮南王。不可謂薄矣。然而淮南王、天子之法。句

爬蹂促而弗用也。皇帝之令。句爬批傾而不行也。又曰。陛下無負也如是。句爬淮南王罪人之身也。淮南王子。罪人之子也。又曰。是立爬泣沾衿。臥爬泣交項。以上諸爬字竝與則同義。故連語篇。牆薄爬亟壞。繪薄爬亟裂。器薄爬亟毀。酒薄爬亟酸。新序雜事篇爬竝作則。見經傳釋詞

思

思語已詞也。詩漢廣曰。南有喬木。不可休息。毛傳曰。思辭也。見經傳釋詞

思發語詞也。詩文王曰。思皇多士。毛傳思辭也公劉曰。思輯用光。顯傳曰。民言相與和睦以

明矣思字皆發語詞。見經傳釋詞

思句中語助也。詩關雎曰。寤寐思服。桑扈曰。旨酒思柔。思皆句中語助。見經傳釋詞

來

來詞之是也。詩谷風曰。不念昔者。伊予來暨。伊惟也。來猶是也。暨讀爲懷。懷怒也。此

承上文有澆有潰言之。言君子不念昔日之情。而惟我是怒也。見經傳釋詞

來句中語助也。莊子大宗師篇曰：嗟來桑戶乎。嗟來桑戶乎。王引之曰：嗟來猶嗟乎也。

來句末語助也。孟子離婁篇曰：盍歸乎來。莊子人間世篇曰：嘗以語我來。又曰：子其

有以語我來。來字皆語助。見經傳釋詞

者

說文者別事詞也。或指其事。或指其物。或指其人。或言者。或言也者。禮記檀弓魯人

皆常語也。見經傳釋詞呂氏春秋貴當篇曰：性者萬物之本也。先大父曰性者萬物之本此語最精此指

事也。孟子公孫丑篇曰：以其所有易其所無者。此指物也。史記高祖本紀曰：願從

諸侯王擊楚之殺義帝者。指項鄭世家曰：討其助楚攻晉者。指鄭此指人也。

者起下之詞也。或上言者而下言也。案易繫辭傳元或上言也者而下言也。易繫辭

者小人之事也。乘也。君子之器也。亦常語也。見經傳釋詞

者猶也也。禮記射義：射之爲言者繹也。猶曰：射之爲言也。繹也。又書傳中凡言何者

竝與何也同義。論語陽貨篇、惡利口之覆邦家者。者與也亦同義。故皇侃本作惡

利口之覆邦家也。

見經傳釋詞

者猶則也。管子戒篇曰、勿已者朋其可乎。呂氏春秋貴公篇曰、勿已則隰朋其可乎。墨子魯問篇曰、作爲鈎強之備。退者鈎之。進者強之。御覽引作謂之鈎拒。退則鈎之。進則拒之也。淮南繆稱訓曰、水濁則魚噉。令苛者民亂。主術訓曰、夫水濁則魚噉。令苛則民亂。竝其證矣。史記呂后本紀曰、爲王而餓死兮。誰者憐之。言誰則憐之也。孝武本紀曰、臣師非有求人。人者求之。言人則求之也。孟嘗君列傳曰、雄者得天下矣。與下文雌則臨淄卽墨危矣。相對成文。者亦則也。互文耳。何者不者與何則否則義竝同也。

者猶之也。山海南經曰、有獸焉。其狀如狸而有髦。其名曰類。自爲牝牡。食者不妬。言食之不妬也。北經曰、有鳥焉。其狀如梟而白首。其名曰黃鳥。其鳴自談。食之不妬。是其證也。

臯者、鄉者、乃者、迺者、曩者、義竝同也。呂氏春秋觀表篇曰、臯者右宰穀臣之觴、吾子也。吾子甚歡。今本誤作吾也甚歡史記范雎列傳曰、鄉者疑車中有人亡索之。麻書曰、乃者有同言星度之未定也。漢書律歷志曰迺者有司言歷未定迺者即乃者也曹相國世家曰、乃者我使諫君也。衆經音義卷十八引倉頡篇曰、迺往也。則迺者猶言往者也。漢書曹參傳顏注云、乃者猶言曩者。其義一也。莊子漁父篇、孔子曰、曩者先生有緒言而去。

### 云 員

云（一）發語詞也。詩卷耳曰、云何吁矣。簡兮曰、云誰之思。君子偕老曰、云如之何。見

傳釋

（二）語中助詞也。詩雄雉曰、道之云遠。曷云能來。言道之遠何能來也。僖十

五年左傳曰、歲云秋矣。成十二年曰、日云莫矣。王引之曰、云皆語助耳。（三）語已詞也。詩出其東門曰、聊樂我員。正義曰、云員古今字。助句辭也。大戴禮夏小正傳曰、蓋記時也云。禮記樂記曰、故聖人曰禮樂云。見經傳

云猶是也。詩正月曰、有皇上帝。伊誰云憎。言伊誰是憎也。何人斯曰、伊誰云從。維暴

之云。言伊誰是從也。見釋經傳案王說是也。伊誰云從。唐石經云作焉。焉亦是也。

氏傳成公二年曰。敝邑之幸。亦云從也。況其不幸。敢不唯命是聽。云亦是也。

幸而勝。亦唯晉命是從也。

云猶有也。或通作員。詩玄鳥云。員古文云。廣雅曰。員云有也。書秦誓曰。雖則員然。言雖則有

然也。楊倞注荀子非十二子篇引慎子曰。云能而害無能。則亂也。言有能而害無

能之人。則必亂也。又荀子法行篇曰。事已敗矣。乃重太息。其云益乎。云益有益也。

王氏念孫之說墨子耕柱篇曰。子兼愛天下。未云利也。我不兼愛天下。非云賊也。賊害也。

言未有利未有害也。史記賈生傳曰。使騏驥可得係羈兮。豈云異夫犬羊。言豈有

異夫犬羊也。

云猶或也。或與有古同聲而通用。故云訓為有。又訓為或。書秦誓曰。日月逾邁。若弗

員來。言若弗或來也。魯語曰。帥大讐以憚小國。其誰云待之。言誰或禦之也。章注

猶禦也晉語曰。其誰云弗從。言誰或不從也。章注曰。誰有不從。有亦或也。

云猶如也。如與或義相近。列子力命篇曰：管夷吾有病。小白問之曰：仲父之病疾矣。

不可諱。云至於大病。則寡人惡乎屬國而可。言如至於大病也。禮記檀弓曰：子之

病革矣。如至於大病。則如之何。文義正與此同。王氏念孫之說

云猶然也。史記周本紀曰：其色赤。其聲魄云。言其聲魄然也。集解用馬注太醫曰：魄然安定意也。封禪

書曰：若雄雉。其聲殷云。言其聲殷然也。王氏念孫之說

云乎。語已詞也。莊十四年公羊傳曰：然則曷用棗栗云乎。論語陽貨篇曰：玉帛云乎

哉。見經傳釋詞

云云猶言如此如此也。漢書汲黯傳：上曰：吾欲云云。顏注曰：云云猶言如此如此也。

史略其辭耳。

者也

者也有所指而順落之詞。論語述而篇：子曰：我非生而知之者。好古敏以求之者也。

史記封禪書曰：自古受命帝王。曷嘗不封禪。蓋有無其應而用事者矣。未有睹符

瑞見而不臻乎泰山者也。

也者

也者二字連用。後常有句連接而解釋之。周語曰：類也者，不忝前哲之謂也。莊子刻意篇曰：故素也者，謂其無所與雜也。純也者，謂其不虧其神也。

也已

也已。順落而止此之意。論語為政篇曰：斯害也已。禮記祭統曰：故曰：祭者教之本也已。

已矣 耳矣

已矣。意足而緊煞之詞。論言止此經傳釋詞曰：耳矣猶已矣也。已與矣皆詞之終。而

連言之則曰已矣。論語曰：始可與言詩已矣。是也。耳與矣亦皆詞之終。而連言之

則曰耳矣。孟子曰：我固有之也。弗思耳矣。又曰：人之易其言也。無責耳矣。耳矣猶而已矣

也。是也。耳與已聲相近。或言已矣。或言耳矣。其義一也。

者矣

者矣。有所指而收束之詞。管子權修篇曰。是以臣有殺其君子。有殺其父者矣。莊子天下篇曰。故曰選則不徧。教則不至。道則無遺者矣。史記樂書曰。一倡而三歎。有遺音者矣。

者矣。猶者乎也。管子小匡篇曰。則惡有不可者矣。淮南精神訓曰。又況無爲者矣。者矣。竝與者乎同義。

者焉

者焉。有所指而輕住之詞。史記老子傳曰。始秦與周合而離。離五百歲而復合。合七十歲而霸王出者焉。遊俠傳曰。而不矜其能。羞伐其德。亦有足多者焉。

焉耳

焉耳。平提而順落之詞。法言問道篇曰。老子之言道德。吾有取焉耳。及槌提仁義。絕滅禮學。吾無取焉耳。

也夫

也夫、順落而含咏歎疑怪不滿之意。論語憲問篇曰、莫我知也夫。此咏歎之詞也。左氏傳昭公十四年曰、義也夫。猶義也夫。皆疑怪之詞也。呂氏春秋審應覽曰、公子沓訾之曰、申子說我而戰。爲吾相也夫。高注云、也夫不滿之辭。

矣夫

矣夫、緊煞而帶咏歎之詞。左氏傳成公十二年曰、無禮必食言。吾死無日矣夫。禮記檀弓曰、三年之喪亦已久矣夫。法言學行篇曰、禮義之作有以矣夫。

已矣乎 已矣哉

已矣乎、絕望之詞。論語公冶長篇曰、已矣乎。吾未見能見其過而內自訟者也。集註曰、已矣乎者、恐其終不得見而歎之也。楚辭離騷曰、已矣哉。國無人莫我知兮。王注云、已矣絕望之詞。一無哉字。洪補注曰、論語曰、已矣乎。吾未見好德如好色者也。孔安國曰、已矣發端歎詞。

焉耳矣

焉耳矣。焉字一提耳矣。猶已矣。是順煞之詞。論言止此無餘也禮記檀弓曰、勿之有悔焉耳

矣。祭統曰、夫銘者壹稱而上下皆得焉耳矣。

焉者矣

焉者矣、焉字一提者矣。有所指而收束之詞。禮記緇衣曰、上好是物、下必有甚焉者矣。莊子應帝王篇曰、始吾以夫子之道爲至矣、則又有至焉者矣。淮南汜論訓曰、夫百里奚之飯半、伊尹之負鼎、太公之鼓刀、甯戚之商歌、其美有存焉者矣。

已而矣 則已矣 而已耳

而已矣、竭盡無餘之詞。墨子法儀篇曰、饑大侵則盡無祿、稟食而已矣。莊子逍遙遊篇曰、天之蒼蒼、其正色邪。其遠而無所至極邪。其視下也亦若是、則已矣。王引之曰、則已矣而已矣也。山木篇曰、仲尼曰、化其萬物而不知其禪之者、焉知其所終、焉知其所始、正而待之而已耳。

乎 虛

說文曰、乎語之餘也。但用於句中。與於字同義而略虛。高注呂氏春秋貴信篇云乎於也爾雅釋天

曰、起大事。動大衆。必先有事乎社而後出。謂之宜。言必先有事於社而後出也。史

記絳侯周勃世家曰、勃匡國家難。復之乎正。言復之於正也。莊子徐無鬼篇曰、藜

藿柱乎魑魍之徑。文如海張君房本乎並作于論衡實知篇孔子曰吾十字本作有五而志乎學知實篇乎作于論語學而篇乎作於是

虛。漢書敘傳曰、婆婆虛術藪之場。休息虛篇籍之囿。

乎、狀事之詞也。若易乾文言、確乎其不可拔之屬。是也。亦常語。見經傳釋詞

乎辨駁之詞也。論語爲政篇曰、不敬何以別乎。

乎商量之詞也。論語雍也篇曰、毋以與爾鄰里鄉黨乎。

乎、詰問之詞也。論語季氏篇、學詩乎、學禮乎之屬。

乎疑問之詞也。史記伯夷傳曰、可謂孝乎、可謂仁乎之屬。

乎疑辭也。禮記檀弓正義曰乎者疑辭常語也見經傳釋詞詩式微篇、胡爲乎中露。胡爲乎泥中。是也。

乎歎辭也。小爾雅曰：烏乎，吁嗟也。有所歎美，有所傷痛，隨事有義也。經史中於乎，於  
康，於呼，於戲，烏乎，烏康，烏噓，烏呼，嗚呼，嗚乎，嗚康，嗚噓，歎戲，古竝通用。皆歎辭也。  
乎，呼聲也。論語里仁篇，子曰：參乎。吾道一以貫之。

乎，猶邪也。列子黃帝篇曰：竟不知風乘我邪。我乘風乎。乎亦邪也。互文耳。

乎猶兮也。史記司馬相如傳曰：君乎君乎。侯不邁哉。漢書乎作兮。

乎猶也也。莊子大宗師篇曰：酈酈乎其似喜乎。崔崔乎其不得已乎。文如海，成元英，  
張君房，諸位竝作酈酈乎其似喜也。崔崔乎其不得已也。

乎猶爲也。史記酷吏列傳，湯母曰：湯爲天子大臣，被汙惡言而死，何厚葬乎。漢書乎  
作爲。

乎猶未也無也。史記呂后本紀曰：君知其解乎。漢書乎作未。陳丞相世家曰：陛下將  
用兵，有能過韓信者乎。漢紀乎作無。

乎猶所也。莊子則陽篇曰：萬物有乎生，而莫見其根。有乎出，而莫見其門。有乎生，有

乎出、猶言有所生有所出也。淮南原道訓曰、萬物有所生、而獨知守其根。百事有所出、而獨知守其門。是其證矣。

哉

說文曰、哉言之間也。段注云、句中哉字、皆可斷句。凡兩者之際曰間。一者之竟亦曰

間。一之竟即兩之際也。言之間歇多用哉字。

哉、問詞也。若詩北門、謂之何哉之屬。是也。見經傳釋詞

哉、歎詞也。或為歎美。若大哉乾元之屬或為嗟歎。若帝曰嗚哉之屬隨事有義也。見經傳釋詞

哉、反語詞也。孟子盡心篇曰、奚可哉。

哉、止語詞也。詩黍苗曰、盍云歸哉。

哉、驚怪之詞也。孟子公孫丑篇曰、異哉子叔疑。

哉、自得之詞也。孟子公孫丑篇曰、吾何為不豫哉。

哉、疑而量度之辭。禮記曾子問正義云、子若堯典、我其試哉之屬。是也。見經傳釋詞

哉。口然而心不然之辭。若尙書禹曰俞哉。論語人焉廋哉。是也。

哉。句中語助也。書大誥曰肆哉爾庶邦君。謂肆爾庶邦君也。哉字無意義。釋詞傳

哉猶乎也。列子說符篇曰亡其及我哉。淮南子道應訓哉作乎。

哉猶矣也。若鮌哉垂哉益哉欽哉懋哉敬哉念哉之屬是也。見釋詞傳

哉猶也也。史記鄭世家曰謀及婦人死固宜哉。言死固宜也。左氏傳桓公十五年曰

宜其死也。

材哉古通。論語公冶長篇子曰由也好勇過我無所取材。鄭玄注云古材哉同。言無

所復取哉。莊子在宥篇曰天下不淫其性不遷其德有治天下者哉。釋文云哉崔

本作材。

歟 與 漢書劉歆傳歟

廣韻曰歟語末之辭亦作與。說文曰歟安氣也。段注云今用爲語末之詞亦取安舒

之意。

歟疑詞也。與乎字相近但乎字虛而歟字實列子仲尼篇曰：丘疑其為聖，弗知真為聖歟。真不聖歟。

歟語助也。在句中語助禮記檀弓曰：誰與哭者？又曰：死者如可作也。吾誰與歸？王念孫曰：

與音餘。吾誰與歸與誰與哭者，文同一例。猶言吾將誰歸也。見釋詞傳

歟猶邪也。高誘注呂氏春秋自知篇曰：歟邪也。邪俗作耶歟邪二字古並讀若餘莊

本又作邪又注淮南精神篇曰：與邪詳也。見釋詞傳莊子齊物論篇曰：不知周之夢為胡

蝶與。胡蝶之夢為周與。天地篇曰：門無鬼曰：天下均治，而有虞氏治之邪。其亂而

後治之與，與亦邪也。互文耳。

與猶兮也。詩潛曰：猗與漆沮。那曰：猗與那與。猶言猗兮漆沮，猗兮那兮也。晉語：猗兮

違兮，是其例。見釋詞傳

與猶也也。論語公冶長篇：於予與何誅？於予與改是。猶言於予也何誅？於予也改是。

見釋詞傳學而篇：夫子之求之也，其諸異乎人之求之與？史記仲尼弟子列傳：與作

也。

邪耶

邪語助辭也。又疑辭也。見正字亦作耶。易曰：乾坤其易之門耶。王引之曰：邪猶歟也。乎也。

顏氏家訓音辭篇曰：邪者未定之詞。左傳曰：不知天之棄魯邪。抑魯君有罪於鬼神

邪。莊子云：天邪地邪。案：逍遙遊篇云：天之蒼蒼其正色邪。其遠而無所至極邪。釋文云：邪助句不定之辭。漢書云：是邪非邪

之類。是也。而北人呼爲也字。亦爲誤矣。

邪歟辭也。莊子齊物論篇曰：庸詎知吾所謂知之非不知邪。淮南俶眞訓邪作歟。

邪猶兮也。齊策曰：松邪柏邪。

邪猶乎也。左氏傳昭公二十六年曰：不知天之棄魯邪。史記魯周公世家曰：不知天

棄魯乎。莊子天地篇曰：夫子闔行邪。無落吾事。呂氏春秋長利篇曰：夫子盍行乎。

論衡知實篇曰：今日見老子。其猶龍邪。此引史記老子列傳之文也。龍虛篇邪作乎。竝其證矣。

邪猶也也。莊子德充符篇曰：我適先生之所。則廢然而反。不知先生之洗我以善邪。

邪與也。同義。猶言日。遷善而不自知也。在宥篇曰：豈直過也而去之邪。乃齊戒以言之邪。跪坐以進

之邪。鼓歌以儻之邪。義今一本無下與三邪字與也同天運篇曰：甚矣夫人

之難說也。道之難明邪。邪亦也耳。王氏說

邪猶矣也。史記王翦傳曰：我不多請田宅爲子孫業以自堅。顧令秦王坐而疑我邪。

通志邪作矣。

者乎

者乎。有所指而疑問之詞。呂氏春秋淫辭篇曰：不知君將從易而是者乎。將從難而

非者乎。史記孟嘗君傳曰：君獨不見夫朝趨市者乎。虞卿傳曰：焉有子死而弗哭

者乎。

也乎

也乎。順勢虛落之詞。孟子滕文公篇曰：是尙爲能充其類也乎。

矣乎

矣乎。語盡而意不盡之詞。揚子法言問神篇曰：天神天明。照知四方。天精天粹。萬物

作類。人心其神矣乎。先大父曰：天神天明，洞然無蔽，故照知四方。所謂知至也。天精天粹，廓然大公，故萬物作類，作類猶言同體。所謂物格也。神藏於心，故曰：人心其神矣乎。見求在我齋文集

已乎 已耶

已乎，不止於此，姑作止此之問。法言學行篇，或曰：人羨久生，將以學也。可謂好學已乎。

者哉

者哉，有所指而咏歎之詞。孟子滕文公篇曰：子何尊梓匠輪輿而輕仁義者哉。莊子徐無鬼篇曰：夫爲天下者，亦奚以異乎牧馬者哉。亦去其害馬者而已矣。

也哉

也哉，搖曳咏歎之詞。其音甚長。論語陽貨篇曰：吾豈瓠瓜也哉。焉能繫而不食。又痛傷之詞。老子下篇曰：是謂盜夸，非道也哉。也哉二字，痛傷之辭。河上注云：蓋痛傷世主

之多欲也。

乎哉

乎哉乎與哉同義。連言之則曰乎哉。釋詞經傳後漢書李法傳曰：鄙夫可與事君乎哉。

言鄙夫不可以事君也。禮記檀弓曰：尚行夫子之志乎哉。此疑辭也。黃帝內經曰：

審乎哉消者瞿瞿。孰知其要。此歎辭也。乎哉歎辭歎息道之窮審也

矣哉

矣哉煞語而帶咏歎之詞。史記伍子胥傳贊曰：怨毒之於人甚矣哉。王者尙不能行

之於臣下。況同列乎。

已哉 耳哉 而已哉

已哉語止於此之意。齊策曰：若乃得去不肖者而爲賢者狗。豈特攫其腓而噬之耳

哉。王引之曰：耳哉者而已哉也。見經傳釋詞後漢書張衡傳曰：是故伊尹思使君爲堯

舜而民處唐虞。彼豈虛言而已哉。必旌厥素爾。李賢注曰旌明也

者歟 者與

者歟有所指而虛歟之詞。法言淵騫篇曰、或問柳下惠非朝隱者歟。論語憲問篇曰、

丘何爲是栖栖者與。

論衡定賢篇是以孔子棲棲  
墨子述遺樓樓即栖栖也

也歟 也與

也歟與也哉略同。論語憲問篇、子曰、道之將行也與。命也。道之將廢也與。命也。法言

學行篇、或人瞿然曰、茲苦也。祇其所以爲樂也與。

司馬光集注  
本與作歟

者邪

者邪、有所指而疑問之詞。史記封禪書曰、始皇上泰山、爲暴風雨所擊、不得封禪。豈

所謂無其德而用事者邪。晏嬰傳曰、方晏子伏莊公尸哭之、成禮然後去。豈所謂

見義不爲無勇者耶。

也邪

也邪音長意婉。文之喝醒者用之。情之感慨者用之。墨子非儒篇曰、周公旦非其人

也邪。何為亦舍家室而託寓也。

而已乎

而已乎。與已乎相同。但多而字一轉。猶言不止於此也。左氏傳昭公元年曰：子之車盡於此而已。

乎。禮記孔子閒居曰：言盡於此而已乎。

焉者乎

焉者乎。焉字輕提者乎二字。有所指而輕住之意。莊子人間世篇曰：是萬物之化也。

禹舜之所紐也。伏戲几籟之所行終而況散焉者乎。

焉爾乎 焉耳乎

焉爾乎。輕提虛問之詞。其意甚婉。論語雍也篇：子曰：女得人焉爾乎。何晏集解本作

女得人焉耳乎哉。孔安國曰：焉耳乎哉。皆辭也。玉篇耳部引作汝得人焉耳乎。

也歎哉 也乎哉

也歎哉三字連用。搖曳咏歎之詞。亦含疑怪之意。論語陽貨篇曰：鄙夫可與事君也。

與哉。禮記檀弓曰、我弔也與哉。左氏傳襄公二十五年、其人曰死乎。曰獨吾君也乎哉。吾死也。曰行乎。曰吾罪也乎哉。吾亡也。



## 釋詞

廣雅曰、吹、惟、飶、每、雖、兮、者、其、若、而、烏、豈、也、乎、些、只、詞、也。說文曰、鬲、詞、也。歟、況、也、詞、也。玉篇曰、鳴、辭、也。廣韻曰、乃、語、辭、也。顏氏家訓曰、焉、或、云、語、詞、也。案、諸、字、書、或、言、詞、或、言、語、詞、其、實、一、也。惟、字、書、多、釋、本、義、而、語、詞、大、氏、皆、段、借、字、故、略、而、不、詳、今、撰、釋、鬲、一、篇、凡、四、百、一、十、五、字、庶、可、補、爾、雅、廣、雅、之、略、。民國八年七月七閩陳登

撰識於西城逆旅之舍

與、越、于、爰、曰、也。

吹、遙、曰、聿、也。

粵、越、曰、爰、用、於、于、也。

粵、越、曰、爰、于、諸、乎、焉、那、都、於、也。

爰、曰、于、方、以、惟、爲、也。

旃、諸、曰、之、也。

旃、焉、也。

聿、適、由、從、自、也。

聿、遽、叵、遂、也。

聿、伊、惟、也。

每、唯、雖、也。

越、維、謂、以、如、及、暨、與、也。

與、若、然、如、也。

如、似、猷、猶、由、若、也。

逮、遂、逖、迨、隸、遜、噬、及、也。

作、始、也。

俱、偕、胥、僉、凡、總、壹、率、比、既、皆、也。

皆、借、具、俱、也。

亦、摠、也。

既、以、已、也。

庸、以、自、由、式、用、也。

如、乃、而、也。

而、耐、克、就、能、也。

迺、一、羌、侯、而、斯、曾、若、遲、值、仍、能、乃、也。

茲、也、鮮、下音斯、同、齷、斯、也。

繫、譬、伊、時、寔、謔、曾、之、氏、祇、祈、只、然、焉、所、其、是、也。

斯、直、是、茲、咨、些、余、爾、夫、且、者、已、此、也。

茲、卽、今、也。

則、就、今、當、卽、也。

載、飢、會、則也。

卽、因、仍、就也。

仍、伊、因也。

姑、嫜、苟、慙、聊、行、將、假、所、尙、且也。

假、藉、且、借也。

載、設也。

將、或也。

猶、幾、尙也。

茲、幾、宜、殆也。

殆、纔、才、材、財、裁、董、塵、僅也。

矧、矧、訓、兄、皇、況也。

亶、亶、鄆、特、直、顧、第、地、徒、但也。

唯、特、但、獨也。

維、幾、詎、渠、巨、豈也。

惡、烏、焉、豈、安也。

疇、疇、儔、鬻、孰、誰也。

奚、胡、焉、害、曷、竭、盍、蓋、闔、誰、俟、遐、假、些、那、曾、台、河、何也。

寧、晉、憐、尙、豈、曾也。

意、億、噫、懿、抑也。

祇、祇、祗、禩、多、啻、翹、屬、適也。

適、可、攸、黨、所也。

猶、猷、肯、些、可也。

或、惟、方、云、員、有也。

厥、茲、其也。

无、毋、亡、莫、曼、勿、蔑、末、罔、無也。

忍、匪、微、非也。

尔、否、不也。

那、柰也。

必、安、爾、兮、若、昏、云、然也。

唯、夫、彼也。

斯、只、矣、耳也。

侯、猗、漪、兮也。

情 書 頁 期

遷 書 日 期



90  
152/13  
12

